

R

62502/R

C
a 46

MEDICAL SOCIETY
OF LONDON



ACCESSION NUMBER

PRESS MARK

GOETZ, G.

304

VARIAE
CELEBER. MEDICORVM
OBSERVATIONES

QVIBVS
MVLTA LOCA
NOVI TESTAMENTI
DOCTE ILLVSTRANTVR.

COLLEGIT
D. GEORGIVS GOETZIVS
MEDICINAE PRACTICVS.

FASCICVLVS PRIMVS.

ALTORPHII
APVD LAVRENTIVM SCHVPPFELIVM.
A. G. R. C1D1DCCXXX.

SVMME REVERENDO ET EXCEL
LENTISSIMO CELEBERRIMOQVE

VIRO

IOANNI HENRICO
A SEELEN

SACRARVM LITTERARVM

LICENTIATO

INCLVTI GYMNASII LVBECENSIS
ANTISTITI

DEQVE RE SACRA ET LITTERARIA

IMMORTALITER MERITO

OMNE FELICITATIS GENVS

AB AETERNO NUMINE

APPRECATUR

ET IN PIAE VENERATIONIS
MONVMENTVM

HVNC FASCICVLVM

CONSECRAT

SEELENIORVM MERITORVM

AETERNVS CVLTOR

D. GEORGIVS GOETZIVS.

HUMANISSIMO
LECTORI

S. P. D.

D. GEORGIUS GOETZIVS
NORIMBERGENSIS
MEDICINAE PRACTICVS.



Optimi Maximi SERVATORIS
*nostri uerba, * ΕΡΕΥΝΑΤΕ*
ΤΑΣ ΓΡΑΦΑΣ, omnes omni-
no obligant mortales, ut sacris litteris
dies noctesque diligentissime incumbant.
Neque est ulla disciplina, neque honesta
ars, quae non in explicandis sacris pan-
dectis occupatis aliquid subsidii adferat.

A 3

De

* Ioan. V, 39.

PRAEFATIO.

De sola in praesenti medicina, nunc uerba facio, ne in alienam messem falcem immittere, uidear: haec, inquam, in multis Veteris ac Noui Testamenti locis, tam est necessaria, ut, qui hoc adiumentum negligunt uel aspernantur, in densissimis tenebris uersentur. Hoc nonnulli pii, cordati et eruditi medici, nostra patrumque aetate animaduertunt; ea igitur loca, quibus salutaris ars lucem accendere ualet, docte et fideliter explanarunt.

TIBI, B. L. nunc primum sacrarum observationum a medicis explicatarum fasciculum, trado. Indices olim utilissimos

simos ad postremum fasciculum, pro suo in me et bonas litteras prorsus singulari amore, addet unicus meus frater carissimus, ANDREAS GOETZIVS, Norimbergensis, patriae primariae scholae ad Diu. Sebaldi collega dexterrimus, cui uitam longaeuam, optimam ualitudinem, prosperioraque fata óλοναργάως uoueo et opto.

Finio hoc prooemium uerbis Cel. IOANNIS CONRADI SCHVVARZII, in praefatione ad Horatii Tursellini de particulis Latinae linguae libellum: Qui ueteres libros bonos identidem in lucem reuocant, et ornant, ii doct̃oribus suis

et rei litterariae maius officium praestare
uidentur, quam qui suas lucubrationes
edunt, noui nihil, aut certe parum alla-
turi. *Neque praetermittenda* FRIDERICI
BENEDICTI CARPZOVII, *polyhistoris apud*
Lipsienses post mortem clarissimi epistola,
ad Ienensem historicum meritissimum
Casparem Sagittarium, quam b. B. G.
Struuius in fasciculo secundo actorum
litterariorum communicat, ubi de alio-
rum scriptorum editoribus candide iudi-
cium suum in medium affert: Satius
fane puto, ueterum commentationes
eruditae haut permittere, ut intercidant,
uerum iteratis editionibus eas ab interi-
tu uindicare; quam superuacaneis libris
nouis

PRAEFATIO.

nouis condendis, famam aucupari.
Quocirca semper eorum institutum placuit, qui praeclaros ueteres libellos seruare studentes, eos prelo iterum subiiciunt, ciuicam a republica coronam, meo iudicio, meriti. *Tandem, CORDATE LECTOR, etiam atque etiam uale, et mihi tuum fauorem in posterum quoque condona.* Norimbergae D. V. *Iduum Octobris, qui dies est mihi natalis tricesimus sextus*

A. G. R. CIOIOCCXXXVIII.





I.

GEORG. VVOLFG. VVEDELIVS
in Exercitatt. Medico-Philologic. etc.

Cent. II. Dec. II. Exercit. III.

pag. 25. seqq.

DE

ACCENTIBVS.

SCite quidem *Seneca*, non quaerit, *inquit*, aeger medicum eloquentem, sed sanantem, addit tamen mox, *Ep. LXXV.* sed si ita competit, ut idem ille, qui sanare potest, comte de his, quae facienda sunt, differat, boni consulet.

Est omnino in medicis quoque scholis suberrimus fons antiquae litteraturae, imprimis in lingua Graeca, hinc et Latina. His uero in auctoribus non raro etiam uocabula occurrunt minus alibi lecta, quae frustra apud lexicographos quaesueris, inferenda hinc merito suis locis.

Leuif-

Leuissimum uideri posset, et uix operae pretium de ACCENTIBVS disquirere, tum aliis, tum praecipue Graecorum; uel duo tamen argumenta inuitare id potuere, sensus genuinus effatorum, etiam apud medicos, eruendus beneficio illorum, et quod communiter a non paucis inter recentiora inuenta uel additamenta grammaticorum habeantur. Quid obstat, quo minus id licuerit ex antiquitate quoque repetere medicorum scriniorum?

Si *Priscianum* audiamus *Lib. de accentibus*, accentus est certa lex et regula ad eleuandam et deprimendam syllabam uniuscuiusque particulae orationis; puta in pronuntiatione uocis articulatae et sic syllabarum, huius uel illius linguae, maxime quae in cruce Saluatoris O. M. fuere sacratae.

Cum enim uerba rebus sint accommodata, et ad illas exprimendas, uel significandas et concipiendas, inuenta, recepto consensu uniuscuiusque nationis hominum, commercium conuersationis et colloctionis mutuae inter se exercentium, non parum discrimen positum est in enunciationis modulo, ut syllabae et uoces non in unisono, si ita loqui fas est, efferantur, seu formatae emittantur.

Pro-

Profodia audit Graecis, latiori longe acceptione, quam hodie, si quidem metris saltim strictius alligetur, re uera tamen quoad originem et ad litteram, eadem cum accentu Latinorum. Eleganter τόνος audit, tonus uocalis, q. d. extensio, et decens applicatio, ut plura alia differamus ad reliqua.

Medium quid concipere liceat per accentus, inter musicam et metricam structuram, cum quibus tamen accentus et commune quid habet, et fororians, sed specificè magis applicatum. Probant id et confirmant elocutiones non tam Sinarum, quas uelut cantillando formant, quam et uelut idiomate aliquo quidam nostrates, ut si audias etiam Germanos certi districtus, itidem cantillationem differentem ab aliis, saltim affectatam, et consuetudinariam concipere liceat, et statim hinc u. g. Silesium, Lusatium, aliumue, sibi relictum, dignoscere.

Tres uero tales eloquendi toni, a musicis et metricis distincti, non parum tamen consoni et congrui iisdem principales noti sunt, missis pluribus partim Latinorum apud *Priscianum*, qui decem numerat, partim Hebraeorum ipsorum. Tales sunt *acutus*, *grauis* et *circumflexus*, receptissimi et notissimi apud *Graecos*, usitati apud *Latinos*, et analo-

analogice etiam *sacrae linguae* applicandi facile, immo et aliis similiter, quamuis latius, nec sine discrimine aliquo, singulae quippe sua flexione et tono gaudent.

Sic notabile est, acutum apud *Germanos* etiam in uocibus quinque syllabarum poni in prima, u. g. *Ungerechtigkeit, Unbarmherzigkeit, Ungelegenheit*, et reliqua. Apud *Graecos* uero ordinarie, et adaequate, analogice, apud *Latinos*, in antipenultima, uel penultima, uicarie et interrogatiue in ultima, grauem uero in ultima solum, circumflexum in ultima uel penultima uideas.

Non occupabimur aequè in accentibus *Hebraeorum*, de quibus et orthographiae linguae Hebraicae uideri meretur *Ioannes Reuchlinus, Buxtorffius Tr. de punctorum uocalium, et accentuum in libris V. T. Hebraicis origine*, et alii. Commune tamen postulatum fere est, et dubium de aetate accentuationis, num recentior sit, et a Grammaticis posteriorum saeculorum oriunda, an primaeva, ab antiquitate, litterata saltem, repetenda, et sic uelut connata.

Quod si hinc pro nostro scopo euoluere uelimus auctores, uidetur prius illud praemittendum, accentus esse et concipi hinc posse uel scriptos, uel non scriptos. Prior
modus

modus apud Graecos potissimum obtinet, cuius linguae genus hoc uelut proprium et peculiare est, uel fuit quoque iamdudum, unde etiam apud illos habetur συναγωγή τῶν πρὸς διάφορον σημασίαν διαφόρως τονουμένων λέξεων, κατὰ ταχέϊον, *collectio uocum quae, pro diuersa significatione, accentum diuersum accipiunt, et uice uersa.* Sic, ut in bona caussa uel tria uerba sufficiunt, αὐτή, αὐτῇ, *Luc. II, u. 38.* εἰς, εἰς, βασιλεια, βασιλεία id edocent satis et notissima sunt.

Quemadmodum autem apud Graecos actu magis frequentantur, et appositi accentus uel inscripti uisuntur; ita apud Latinos potentia saltem, impliciti, recepti sunt et uisitati, quamuis non scripti aequae, quod uerbis *Quintiliani*, plura aliis loquendi genera, apud hos breuissima ratio. Usus enim tam scribendi, quam eloquendi magister est, unde et in hac uel illa natione natis superfluum fuit addere, uel signare accentus, ubi usu expertis iamdum satis superque de hoc constitit. Adeoque fere in aduerbiis saltem quibusdam, in uocales terminantibus, grauis, in ablatiuis circumflexus adhuc quibusdam consueto more impositus scribitur, aliis paenitus haec omnia negligentibus.

Ast hos ipsos accentus laudatos praecipuos, hoc ipso nomine et signis quoque, iam olim usitatos et cognitos fuisse, neque adeo recentes, uel recens natos, non difficile fuerit ostendere, si auctores utriusque linguae, Latinae et Graecae consulamus, ex quibus unum alterumque saltem breuitatis ergo laudabimus.

Primus inter hosce sit grammaticorum parens, laudatus *Priscianus*, qui curatissime loco citato haec tradit, siue fundamenta spectes, siue scribendi figuram et typum, siue usum et exempla, latius apud eundem uisenda, cui lubido est, neque enim uacat, uel opus est, ea huc transcribere.

Alterum locum teneat *M. Fab. Quintilianus*, qui Lib. I. Institut. Orator. cap. 9. p. m. 32. quod est de uirtutibus et uitiis orationis, inter alia, adhuc difficilior, ait, obseruatio est per tenores, quos quidem ab antiquis dictos tonores comperi, ut uidelicet declinato a Graecis uerbo, qui τόρους dicunt, uel accentus, quos Graeci προσωδίας uocant, etc. ubi acutae, flexae et grauis aliquoties meminit, ubi et plura habet. Vixit uero saeculo primo a N. C.

Audiamus et *A. Gellium* L. XIII. N. A. c. 6. p. m. 307. quos Graeci προσωδίας dicunt,

cunt, eas ueteres docti tum notas uocum, (directiuas) tum moderamenta, (flexionum) tum accentuunculas, tum uoculationes appellabant. Vt adeo de Latinis et Graecis, qui et ipsi iam ordine laudandi ueniunt quidam, nullum sit dubium.

Praecipuus inter hos est diffusissimus scriptor Graecus, idemque medicus, *Pergamenus*. Hic enim in explicando *Coo*, occupatus *L. V. Aphor. Comment. 49*. Ἐς ὑστερῶν ἐκπύσεως πιαρμικὸν ἐπιτίθεις, ἐπιλαμβάνειν τοῦς μυκτῆρας καὶ τὸ σῶμα. *Ad secundas deturbandas, sternutatorio immisso, nares et os apprehendito*; egregie applicat accentuum rationem, et memorat, quem non pigebit adscribere integrum: οὐ περισπῶντας, ἰν-quit, χεὶρ τὴν ὑσώτην συλλαβὴν ἀναγινώσκειν ὑστερῶν ἀλλὰ βαρύνοντας ὑστερῶν. (οὐ γὰρ δὴ αὐτὰς τὰς ὑστερας ἐκπεσεῖν βούλε) διὰ τῆς γενομένης ἐντάσεως, διὰ τῶν πιαρμικῶν φαρμάκων, ἀλλὰ τὰ καλούμενα χόρεα τε καὶ ὑστερα. *Non circumflexa ultima syllaba ὑστερῶν legendum, (ita enim uterus significaretur,) sed grauata ὑστερῶν. Neque enim uterum ipsum sed secundinas deturbari uult per sternutatoria medicamenta contentione adhibita.*

Vti uero haec referenda sunt ad uarian-tem lectionem, et sic scriptionem, ita non diffi-

diffitendum, uideri auctorem hunc, *Galenum*, uel scribere uoluisse ὀξύοντας pro βαρύοντας *acuentes* pro *grauantes*, uel latiori sensu posterius hoc pro priori accepisse.

Et sic ordine deducimur ad ipsum Philosophorum principem, *Aristotelem*, qui *Lib. I. de Sophist. Elench. c. 4.* ubi agit de fallaciis in dictione consistentibus, t. 8. Ex accentu, scribit, ἀνευ γραφῆς, in non scriptis dissertationibus, haut facile, est efficere argumentationem; ἐν δὲ τοῖς γεγραμμένοις, *sed in scriptis*, et poematis potius. Explicat hoc exemplo, loci *Homeri Iliad. III.* ubi dubium, ex uoce οὐ absurde dicta uisa, solui, a quibusdam per accentum, refert, τῇ προσωδία, λέγοντας τὸ οὐ ὀξύτερον, *dicentes illud ou accentu acuto esse* notandum; addit et aliud.

Et, ne quis dubitet de genuino hoc libro et loco, testis itidem est *Galenus*, qui illum suum facit, et uisum lectumque laudat, et comprobat, *L. de Sophism. c. 1.* ubi et exemplum aliud affert. Idem etiam *comm. 2. in progn. Hippocr. t. 39.* meminit, distinguendum esse ex accentu ὠχραν, *ochram*, pro genere terrae, penultima acuta, et ὠχεαν, *croceam*, ultima acuta, ut loqui amat.

Liceat uero et illud addere , scripta sine accentibus uisa non derogare existentiae , et aliis cum illis exaratis. Sicuti enim etiamnum hodie uelut compendio quodam scribendi , ut in *Ebn sina* Arabice excuso , in Bibliis Hebraicis non punctatis , et quotidiano more puncta saepe omittuntur , ita et olim omissa fuisse credibile est , non quod ignota essent , sed quod ita placeret.

Valet idem de punctis strictissime dictis apud Latinos ipsos. Ostendere possumus haec in nummis antiquissimis , quae tamen frustra absolute , etiam saeculis mage floridis , expressa requiras. Quamobrem , si nostram mentem exponere fas est , uidetur omnino contradictio in adiecto , si dicamus uel fingamus linguam aliquam sine uocalibus , illa enim pronunciari non ualet.

Quandoquidem itaque essentiale , hoc est , unicuique linguae , ut constet uocalibus et consonantibus , quis ausit dicere non expressas illas , quod nullae fuerint ? si uero fuere , liberum hoc minimum fuerit et indifferens , saltem certis casibus. Absolute enim si sunt necessariae , exprimi et signari debuere omnino , et sicubi id non factum , tamen supponi. Idque rectius longe uidetur et naturae rei magis conforme hinc , puncta uocalia prima
maeua


maeua et cum consonantibus coaeua fuisse omnino.

Ausim dicere, hoc innuere et maxime emphatice Saluatorem O. M. in loco classico *Matth. V, 18.* quando praemisso uelut iureiurando, cui contradicere neutiquam licet, effatur, ad finem usque mundi extremum: *ἰῶτα ἓν, ἢ μία κεραία, οὐ μὴ παρέλθῃ ἀπὸ τοῦ νόμου, iota unum, aut unus apex non praeterierit ex lege.*

Innuere enim uidetur (1.) nec minimam consonantem auferendam, delendam, expungendam, enim Hebraeum, non minus ac in reliquis sacratis linguis, est minima littera, i. Graecum et Latinum, pariter ac illud, est omnium reliquarum radix uelut prima. (2.) nec minimum punctum uocale, et uocis sonum modificantem accentum, *κεραίαν τῆς γραμμῆς*, ut illud *Plutarchi* in *Numa* huc referamus, punctum, eminentiam, apicem, ein Strichlein; essentialia illa puta, et sic maxime coaeua, et simul nata, adeoque et in re ipsa indiuisa. Apicem autem esse etiam accentuum notam, non solum res ipsa loquitur, sed et *Quinctilianus* confirmat L. I. Inst. Orat. c. 12.

Omnis alia explicatio mentem uix satiat, uel rei naturae et effato Diuino concipiendo satisfacit. Et contra ea haec ipsa abunde

confirmat , stabilit et munit in perpetuum aeternum ac inuictum DEI uerbum , et ipsummet plenum gratiae et ueritatis , in genuinum animae piae solamen. Idem quoque maiestati Diuinae magis congruum , unde et tabulae legis profectae , geminae illae , genuinum hunc typum exprefferint sine dubio.

Nec in illis aliisue suffecisse putauerim tres Hebraeorum litteras  , quas matres lectionis uocant , atque olim omnium uocalium instar , ante inuenta puncta uocalia , fuisse creditas. Vid. *Vallis Gramm. Anglic.* S. II. p. 5.

Et haec quidem de illis ualent , ubi aliquid momenti subest , siquidem , uerbis et monito *Galen*i , assidue in animo habeas , oportet , studendum esse nominibus tantum , quantum ad illustriorem significationem eorum , quae dicimus , ex illis iuuari possit , et reliqua. Vnde et alibi , si dubium occurrat , in indifferenti casu , ut in uoce γαῦλος , *gibbus* , rarius usitata , utrum postrema syllaba acui , an penultima circumflecti debeat , perinde id esse , seu parum interesse eleganter scribit *L. de fract. comm.* II. T. 69. pluribus legendus , id quod hodierno uarianti scribendi Latine mori facile applicari potest.

De accentibus uero Latinorum quoque optime agit et legi meretur, uir summus, *Noris, Cenotaph. Pis. Diff. III. p. 488.* ubi contra *Vossium* notat, ex utroque lapide *Pifano*, uetustissimo, non esse recentem consuetudinem apponendi accentus. Finimus haec addendo, quod in codice Graeco famoso *Dioscoridis* bibliothecae *Vindobonensis* accentus et spiritus omnino desunt, et si qui in eo reperiuntur, ii recentiori manu sunt addidi, referente *Nesselio in Catal. bibl. Vindob. P. III. p. 3.*

II.

GEORG. VVOLFG. VVEDEL.

in Exercitatt. Medico-Philolog. etc.

Cent. II. Dec. I. Exercit. VII.

p. 62. sqq.

DE

NVMMIS NOVI TESTA MENTI.

TRitissima est *παραποιία*: Pondere, mensura, numero *DEVS* omnia fecit. Spectabant enim et haec ad artificiosissimam mechani-

cam Sapientissimi Opificis, in qua tam accurate, tam exacte et exquisite sibi respondent, ut humanum captum superent.

Valet id non solum in physicis, seu naturae operibus, in animalibus, in uegetabilibus, omnibus uno uerbo regnis; sed etiam in uita humana, politicis, moralibus, commerciis maxime opus est statice. Applicatum id merito est ad ipsam iustitiam distributiuam, unde libella est iustitiae emblemata, ad proportionem, hinc arithmeticam et geometricam dictam, ad temperamentum, ad pondus quasi definiendum, ad alia.

Quorsum haec adducamus, facile est coniiicere. Est et in nostra imprimis Medicina opus ponderibus, mensura, numero, et eorum maximus locus, seu physiologiam spectes, statum secundum naturam, seu pathologiam, ubi singula etiam gaudent suo numero, proportionem, positura, seu in reliquis omnibus partibus haec requiramus.

Quis nescit pondera medica definire praebia, et suum cuique tribuendum quoque esse apud medicos? ne huc ipsum demensum cibi, potus, assumendorum, arcessamus, in quo *Sanctorius*, *Lessius*, et alii plurimum desudarunt, et ad ipsam quasi hyperbolen.

Quid

Quid multa? cum et diffusissimus sit artis usus, et mutua quaedam ad illustrandas etiam alias scientias consensio in litteratura communi, constituimus in praesentiarum, bono cum DEO, paucula admodum delibare de NUMMIS NOVI TESTAMENTI. Illud enim cum et utile, et iucundum, et hodierni aevi studiis non uideatur incongruum, liceat nobis et nostro loco illorum uestigiis insistere, qui profundissimam et inexhaustam Sacrorum fontium sapientiam mirantur et rimantur.

Curiosissima sane non minus quam utilissima est doctrina de re nummaria antiqua, tum in uniuersum, tum in Codice Sacro, et, ob diffusiores illum campum, iam saltem in nouo foedere. Dici uero hinc potest partim in genere de nummis, partim in specie, de his illis; uariant enim substantia, seu materia, ex qua: uariant auctoritate publica, et ualore, ne de forma interna et externa, aliisque plura dicamus.

Enimuero occurrunt in N. T. non raro nummi, eorumque mentio, seu ut pretium aestimationis, seu ut laboris compensatio, uel quasi, seu ut necessarium medium et instrumentum uictus, commeatus, commerciorum, seu aliis quoque titulis.

Sic, quemadmodum apud Latinos aeris uox usitatissima est, ad exprimendam pecuniam, uel monetam quamcunque, unde illud uulgatum: eget aeris et aere, in aere esse, obaeratum esse, aes alienum et reliqua, seu similia; ita quoque in N. T. χαλκῷ uox idem significat, generaliori et latiori acceptione.

Exemplum tale occurrit *Marc. XII, 41*, ubi, quando refert, obseruasse Saluatorem, πῶς ὁ ὄχλος βάλλει χαλκὸν εἰς τὸν γαζοφυλάκιον, quo modo populus mitteret aes in gazophylacium, intelligitur pecunia. Primitus enim frequentissimus aeris usus loco pecuniae, uel in pecuniam formati, ob formam pecudis impressam, fuit, immo etiamnum durat, et puri aeris, et cum aliis remixti.

Tria enim hanc in rem usitatissima metalla, et uelut propria ac ordinaria ad monetam cudendam, fuere, immo materiam etiamnum ministrant, aes, aurum, et argentum. Patet hoc non modo ex nummis aeneis antiquissimis Romanis, nam hi ob uastitatem imperii potissimum supersunt, de maiestate pristina testantes, quibus inscriptae inprimis litterae: A. A. A. F. F. i. e. Auro, Argento, Aere, Flando, Feriundo, leguntur.

Idem

Idem hoc euidentissime ex N. T. tabulis quoque probari potest utrumque. Quod enim apud *Marcum* exprimitur χαλκόν, c. VI, 8. uerbis: ἵνα μὴ αἰρώσιν, inter alia, εἰς τὴν ζώνην χαλκόν, *ne sumerent in zonam aes*, id *Lucas* c. VIII, 3. reddit ἀργύριον, *argentum*, uel pecuniam: *Matthaeus* uero cap. X, 9. complete et distincte, seu specificè, μὴ κτήσασθαι χρυσόν, μηδὲ ἄργυρον, μηδὲ χαλκόν εἰς τὰς ζώνας ἡμῶν, *ne comparetur aurum, neque argentum, neque aes in crumenas uestras*.

Vbi simul id in plurali effertur, ut innuatur quasi, distinctas zonas, crumenas, marsupium, γλωσσόκομον, inseruisse ad asseruandum distinctam monetam; saltem si in copia aliqua praesto esset.

Et secundum ipsam hanc materiam communem pecuniae, seu nummorum, etiam diuersa nomina specialia imposita uel enata, modo a materia, et re, ut ἀργύρια, modo a ualore, ut δηνάριον, et alia eiusmodi plura, quo de in sequentibus quaedam addeamus.

Est uero et hocce notabile in genere de nummis N. T., maxime et potissimum intelligendos esse ac denotari *Romanos*. Ius enim cudendae monetae ad regalia maiesta-

tica unice pertinet. Iam uero sub domino seu imperio Romano degebat Iudaea, in provinciam redacta. Testantur idem clarissime ipsa nummorum nomina, denarii, assarii, quadrantis, et aliorum.

Idem tenendum est etiam de *Graecis*; ab his enim splendor rei nummariae ad *Romanos* transit, quem si non superare, saltem aequare suis annisi sunt, quod ex comparatione facile ad oculum claret. Testes sunt stateris, drachmae, minae, talentorum nomina, non minus occurrentia.

Ipsi uero *Hebraei* nummi et tunc temporis iam uidentur paullo rariores fuisse, neque ulli fere hodie genuini, uel saltem rarissimi supersunt, cum longe antiquiores excidio urbis sanctae Graeci extent elegantissimi non pauci, aurei, argentei, et ipsi aenei quoque.

Delibari tamen hic et memorari potest distinctio monetae, seu pecuniae, in publicam, seu communem, et priuatam quasi. Testis est ipse *Iosephus*, *Antiq. Iud. L. XIII. c. 12.* Iudaeos nullam pecuniam publicam cudisse, uel obtinuisse propriam, praeterquam sacram; id quod seorsim repetendum est in historia passionis. Et hanc, in honorem
Diui-

Diuinum ac rei sacrae, Romanos Iudaeis reliquisse integram arbitrari fas est.

Referri et illud meretur, contineri et memorari in N. T. nummos minimi, medii et maximi moduli, si illud ita uocare licet, non tam puta illo sensu, ac uulgo hodie nummi singulares ita uocantur, quam quoad pretium, si non distributue, saltem collectiue. Memorantur enim minae, et talenta: recensentur stateres, denarii, et asses.

Nec illud omittendum uidetur, ad illustrandum et intelligendum τὸ νόμισμα τοῦ κήνσου, *nummum census*, Matth. XII, 19. sq. quod nummi ordinarie (1.) geminam habuerint faciem, prorsam cum icone u. g. Imperatoris, et aduersam seu oppositam, (reuersam uulgo uocant hodie,) quod hodiernum adhuc obtinet; (2.) inscriptionem, litteris uel scribendi compendiis plerisque, uel quibusdam etiam, maxime primarii nominis, expressis integre.

Ex quo facile patet, quare quaesierit de nummo census Saluator, denario oblato: Τίνας ἢ εἰκὼν αὐτῇ καὶ ἡ ἐπιγραφή; *Cuius est icon haec et inscriptio?* loquitur enim de icone, Imperatoris, nominatim Tiberii. Aduersa enim facie figurae aliae potius plerumque extabant, eaeque uariae, uelut lem-

mata

mata quaedam definita et indefinita, cuius gratia excusi erant; id quod uel una oculari demonstratione statim patere potest et cognosci.

Et sic ad ipsius νομισματος et κήνσου notionem quoque deliberandam, inuitamur. Enimvero νόμισμα h. l. nihil aliud notat uel significat, quam pecuniam signatam, monetam usualem, nummum, cuiuscunque tandem materiae, ponderis, pretii, et ualoris, modo indefinite et in genere, modo definite hunc illum in specie.

Κήνσος uero ex Latio desumpta uox, tum ἀπεγραφήν, seu bonorum aestimationem, tum ipsa bona, et eorum defectam portionem arguit. Ita enim, ut cum *Tullio* loquamur, ex censu quotannis tributa conferebantur, et in censu habendo potestas omnis aestimationis habendae summaeque faciendae censori permittebatur. Adeoque numisma census erat tributum annuum praestandum Imperatori, cuius prorogationis et indictionis ergo census instituebantur certis annis, quo de sub census Augusti recensione egimus quoque.

Tacemus etiam huc referri posse τὰ τέλη, *telonia*, seu tributa non ex bonis, sed alio titulo, personali forte, uel uiarum et transitus, soluen-

soluenda fuisse. Nummi enim, seu pecuniae, re uera sunt uelut anima belli et materialis reipublicae, nerui rerum gerendarum quarumcunque.

Occurrit et non uno loco uox *χρημάτων* in N. T. pro pecunia et diuitiis, quae loca hic inferi possent et dilucidari seorsim, si id opus foret. Satis est nobis *κατ' ἐξέχην* et manifesto sumi etiam ibi pro nummis, quamuis magis indefinite.

Supponi potest quoque illud, nummos in N. T. alios expressos suo nomine genuino deprehendi, adeoque explicito, et statim suo, ut denarii, stateris: alios uero implicite, tum communi *χρήματος, ἀργύρου, νομισμάτων*, tum subaudiendis numeralibus epithetis, uel praedicatis, quod in uoce *μυριάδος* ualet, ne de aliis pro synonymis habitis uel non ita receptis, et aequè claris dicamus quoque.

In nummis N. T. perputandis, si a genere ad speciem ipsam digrediamur, perinde fuerit, utrum a maximis ad minimos, an a minimis ad maximos orationem dirigamus. Quemadmodum enim parum interest, utrum materfamilias ex cella, an ex summo aedium pauimento arcessat, quo opus habet, modo nouerit, quo loco singula reperienda, cui usui impendenda sint; ita etiam se habet nostra
stra

stra memoria et ingenium. Quae inscripta et uelut alluione memoriae impressa sunt, legi quasi uel expromi queunt pro lubitu.

Nobis in praesentiarum commodum uidetur secundum ordinem alphabeticum illos breuiter enarrare, idque tum ideo, quia sic minus nummorum gnari, ordine hoc naturali obuiio, statim capere et intelligere cuiusuis nomen, ualorem, pondus, materiam possunt, illudque huic illi loco textus applicare, et sibi consulere; tum maxime, quod hoc modo, licet mere per accidens, minimi nummi uelut caput una constituent, seu initium dicendorum, maximum pondus caudam, seu finem.

Ἀργύριον in N. T. modo in genere notat argentum, pecuniam, indefinite puta, quamuis et argento speciatim constantem: laxius uero aequiualentem aliam materiam, facile permutandam, idque magis in singulari. Tale exemplum occurrit *Matth. XXV, 18. ἀπέκρυψε τὸ ἀργύριον, occultauit argentum*, ne plura laudemus, possunt enim facile ex harmonia Euangelica omnia huc reponi. Modo in specie certos nummos argenteos, quo loco notatu dignum arbitramur, argenteos quidem alios maiores occurrere et innui, alios minores, quales sunt denarii

narum u. gr. ; attamen, quando in plurali dicuntur ἀργύρια, intelliguntur definiti, et nominatim stateres. Sic huius generis fuere triginta argentei, Iudae proditori porrecti, quos siclos seu stateres fuisse, receptissima est sententia, unde et in quibusdam editionibus, *Matth.* XXVI, 15. pro οἱ δὲ ἔστησαν αὐτῷ τετράκοντα ἀργύρια, legitur : στατήρας, quod saltem explicationis gratia primitus margini adscriptum fuit; unde cum *Luc.* XXII, 5. dicitur : συνέθεντο αὐτῷ ἀργύριον δοῦναι, recte uertitur pecunia. Et, quando meminit *Actor.* XVIII, 19. ἀργυρίου μυριάδας πέντε, aliud nomen subaudiendum est de quo inferius.

Cum ergo ἀργύρια, argentei, penderent 3β. seu drachmas quatuor, quae aequipolent dimidio imperiali nostrati hodierno, monetae grauioris, *schwebres Geld*, summa emergit triginta imperialium receptissima, et a nemine, quod sciam, negata, uel aliter definita.

Confirmant hoc circumstantiae loci, et personarum, seu collegii, quod summam hanc persoluit, synedrium scilicet, Pontifices, sacerdotes: siue iam adhuc dum obtinuerint monetam cudendi potestatem integram; siue exoleto ac derogato iam iure eisdem aequivalentes denarii successerint, quod perinde fuerit,

fuerit, retento saltem antiquo more templo debito, seu religioso cultui.

Idem hinc dictum esto de summa pecuniae custodibus sepulcri CHRISTI a principibus sacerdotum soluta, ne edicerent, quod re uera contigerat circa resurrectionem eiusdem, ubi additur: ἀργύρια ἰκανὰ ἔδωκαν, *Matth. XXVII, 12.* non expresso numero, quo ipso tamen innuitur, sufficientem et proportionatam malitiae fuisse eandem.

Sequitur ἀσσάριον *assarion*, cuius gemino loco fit mentio, ubi de pretio passerum, uenditorum sermo est, *Matth. X, 29.* οὐχὶ δύο σροῦθία ἀσσαρίου πωλεῖται; *nonne duo passeruli minuto asse ueneunt?* Quod reperitur *Luc. XII, 6.* nulla differentia, quam quod eodem pretio duplicato etiam quinque uenderentur. Vbi idem notabile uidetur, quod et de aliis locis ualet, diuisum saltem, seu unum recenseri ab uno Euangelista membrum, quod alter coniunctim facit, et sensu utrobique quidem integro, ab altero tamen latius et plenius descripto refertur.

Immo plura hic occurrunt notabilia ef-fata, quae delibari possent. Enimuero si rei nummariae doctrinam cordi habeamus et cognouerimus paenitius, asserere ac statuere integrum est, quod *as* et *denarius* sint duo
uelut

uelut summa et prima elementa omnium reliquorum nummorum, simplicia puta uel quasi, quorum intuitu et compositione aliorum omnium notio clariori luce radiat.

Assēpion sine dubio diminutiuum est, formatum ab asse. Quando minimam pecuniam significare uolebant Romani ueteres, assem et libellam dicebant, quo de uid. *Taubmannus in Plautum*, p. m. 250. id quod de asse partim, tanquam genere, cum sub illo comprehensis, intelligendum fuerit: partim respectu aliorum superiorum, intuitu assis, in censum uenientium.

An libellam de argento, assem de aere magis acceperint, dubium quidem, ueri simile tamen omnino apparet, putatur enim nummus argenteus asse ualens. Saltim inter exiguos nummos as hic fuerit praecipuus. Ipse etiam as unum simul notat, teste *Varrone*, L. VIII. de L. L. p. m. 118. quod etiamnum apud Germanos, aliosque, et inprimis in ipso aleae ludo, ualet in hunc usque diem.

Certissimum interim est, assem fuisse decimam partem denarii, unde hic et nomen suum obtinuit: assarion uero, seu as minor, fuerit as dimidius. Posito hinc et rato, quod diximus, assem esse regulam quandam et canonem nummorum mediorum, non possu-

mus, quin huc referamus etiam sub illo militantes minores, seu minutos magis.

Occurrunt quidem loca, ut apud *Plutarchum*, ubi etiam ἀσσάριον pro asse sumitur uel accipitur; cum tamen minorum adhuc magis mentio fiat, consultius uidetur sequi diuisionem ulteriorem. Non obstat etiam, non ita obuium et certum uideri pondus assis assignatum, cum alii ζβ. attribuant eidem, alii ζii, alii aliter; satis enim est nosse, mutatum non semel fuisse assis pondus, adeoque id assignandum esse ad primam uelut originem.

Idem dixerimus de illorum sententia, qui ἀσσάριον idem statuunt ac λεπτόν, modo cetera consentirent, quare non errabimus, sed facilius extricare nos poterimus, si hic statim λεπτά quoque memoremus. Fuerit sane hoc omnium minutissimae monetae seu nummorum species, unde *Luc. XII, 59.* τὸ ἑξακτον λεπτόν, *ultimum minutum* dicitur, et pauperculam uiduam *Lucas XXI, 2.* memorat βάλλουσαν δύο λεπτά, *mittentem minuta duo* in gazophylacium, tanquam summam omnium minimam.

Lucem quandam his foeneratur *Marcus XII, 42.* qui cum idem factum recensuisset, addit explicationis ergo, ἔβαλε λεπτά δύο, ὃ ἐστὶ κοδράντης, *immisit minuta duo, quod est*

est *quadrans*. *Chrysostomus* summam δύο μόνον ὀβόλων, duorum solum obolorum, definit pondere. Obolus uero pendebat scrupulum semis solum, oboli duo scrupulum unum, qui cum *quadrans* non uideatur alterius summae maioris, fuere, quibus extrema illa uerba suspecta sunt, timentes, ne irreperint ex annotatione in margine, non enim hunc congruere calculum, quandoquidem septem λεπτά rentur confecisse aereolum, τοῦτ' ἐστὶ χαλκοῦν.

Ast dudum notatum est, non tollerandam illorum criticam, qui, si non statim suus sit sensus, aliam caussantur uel fingunt quoque lectionem, uel plane delendum, seu expungendum ex textu, quod minus capiunt statim. Absit uero, ut tam iniurii simus in canonem scripturae, imprimis cum nulla id urgeat ratio, et in dubiis talibus potius illud: *plus ultra*, inuestigandum ualeat. Vt dicamus, quae nostra sit mens, *quadrans* sine dubio est relatiuum pondus, et quarta, uel subquadrupla pars. Videtur hinc *Chrysostomus* oboli nomine laxius et latius usus, aut eiusdem pondus suo tempore in nummis paullo minutum fuisse.

Adeoque κόδρανς, seu *quadrans*, fuerit quarta pars uel assis, uel denarii. Posterius nix uidetur, quandoquidem sic κόδρανς idem

fuerit ac sestertius, itaque asse tantum abest ut minor, ut potius duabus cum dimidia parte maior. Adeoque prius longe rectius asserendum.

Quamobrem, si ponamus, quod alibi exactius trademus, assem primitus constituisse drachmam unam, seu Θιιι, obolos sex, gr. LX. fuerint sine dubio gr. XV. quadrans assis. Adeoque duo asses, uel oboli minuti, uel minuta in genere, quid in pondere efficiant, uel habeant, res ipsa loquitur, et difficultate caret omni, quantum quidem nobis uidetur, saluo meliora proferentium uel demonstrantium iudicio.

Atque sic deducimur ordine uelut naturali ad *denarii* illustrationem. *Denarius* nempe numismatis Romani, seu nummorum species frequentissima, adhuc hodie copiose superest, argumento maiestatis imperii Romani amplissimae, tam ad Graecas ipsas prouincias, quam Hebraeam seu Iudaicam deductae.

Nomen ipsum originarium Latinum hoc satis demonstrat, unde *δυναρεος* uelut ex fonte sine ullo dubio deriuandus est. Sicuti uero subaudienda est omnino uox nummus, ut hodie quoque uncialis audit imperialis, scilicet nummus; ita seorsim hic praedicari solet proprie et καὶ ἐξ ὅχνης de argenteo, non
nisi

nisi ἀκύρως, καλαχρηστικῶς, improprie, abusive et analogice, seu latius de aeneo uel aureo, quod dictum tamen aliquando legas.

Commodissima sane fuit figura et forma *denariorum* nummorum, non bracteata, ut suo tempore olim apud Germanos, tenuissima, non tenuis, mediocriter, quales sunt hodie nummi minoris paullo moduli, sed uersatilis quidem, attamen crassior magis, proportionem comparata, et sic ferens aetatem, et per bis mille annos, si non ultra, iam persistans, et ad oculum uisenda, nec fragilis, nec alias perdenda tam facile.

Dicti uero sunt ita relatiue, respectu assis, primitiui et usitationis alterius, quod secundum *Varronem* L. III. de L. L. pag. 41. denos aeris ualebant, puta nummos, ut quinarii, (seu denarii dimidiati,) quinos; sester-tius, quod semis tertios, *dupondius* enim et *semis* antiquis *sestertius* est. Et in hoc omnes consentiunt antiqui, nec aliter id in hunc diem explicatum est.

Et hinc apud *Plutarchum* legitur: καὶ τὸ δεκάχαλκον ἐκαλεῖτο δηνάριον, *nummus ex decem aeris uocabatur denarius*. Ex quo efficitur luculenter, asses fuisse nummos aereos, neque enim, quod sciam, idem unquam de aliis fuit praedicatum, et *denarium* conse-

quenter, nummum argenteum, in commutata alia materia, non pondere sed ualore exaequasse decem asses, in aere scilicet, ut quod alias ualerent diuisim decem nummi aerei, asses uocati, id *unus denarius argenteus* praestaret.

Hic uero dubium occurrit potissimum, de assis pondere, cum de ualore ex pondere argenti possit argumentum seu decisum facilius, quam uice uersa, fieri. Communiter as et libra eo sensu habentur pro synonymis. Confirmat idem *Varro l. c. p. m. 41*. Nummi denarii decuma libella, quod libram pondo as ualebat; adeoque as erat librae pondus. Idemque in docimastice metallica locum habet.

Hoc si de libra Romana, quae cum medica hodiernum adhuc usitata, eadem est, intelligatur, postulatum est maxime, ut nobis quidem uidetur, inconueniens, potuisse tunc, quod hodie non potest, ubi tamen longe maior copia aeris, extat eruta, pro denario seu tribus nostris grossis emi, uendi, nedum in monetam excudi libras decem cupri.

Sed haec longius nos ad alia deducunt, quam nostro scopo quadrat, unde id alii occasione plenius examinandum seponimus.

Potius

Potius iam de pondere erimus solliciti. Enimuero disceptant inter se eruditi, utrum coincidant et eiusdem ponderis fuerint olim drachina et denarius, his affirmantibus, illis negantibus.

Sed quamuis ueteres quidam denarii uideantur excedere paullo pondus drachmae unius, plerique tamen, et ex iis ferrati ipsi longe optimi, illud uel aequant, uel ne asequuntur quidem, unde et consultius et longe credibilius statuitur, idem utriusque, drachmae et denarii, pondus fuisse. Confirmat idem ex profanis scriptoribus instar omnium *Galenus* noster ipse. Clarissimis enim uerbis scribit: *drachma est, quod Romani denarium appellant. L. VIII. de compos. S. I. c. 3.*

Vbi notandum est, quando drachma hoc casu absolute ponitur, subaudiendum esse argenti scilicet, quod ibidem idem addit, et *Aristophanes in Pluto ἀργυρείου δραχμας*, argenti drachmas, ut *Plauto* nummus argenti dicitur, meminit. Pondera enim et nummi aequipollent, gemino hoc usu gaudentes quoque, pro moneta et pondere, quia ad pondus nummi confecti esse solent; unde et coniunctim pondera haec apud *Rosenbachium Omniscent. Christ. pag. 34.* sub uno capite recensentur.

Octo uero drachmae faciunt unciam, uel $\text{zviii}\beta$. quod *Galenus* itidem notat, ex quo latitudinis illius, uel diuersitatis cuiusdam laudatae, et inde oriundorum clauis et ratio peti potest. Adde, quod Graeci liberius et laxius paullo extenderint potius pondus, quam restrinxerint, ut Romani. Et sicut drachma est octaua pars unciae, ita decima minae.

Neque hinc culpandus *Plutarchus*, quando drachmam denario, librae minam aequauit in uita Fabii et Antonii. Concinit enim *Galeno*, neque argui potest ullo iure uterque, tanquam nescius Romani moris. Immo drachmam eandem esse cum denario manifesto patet ex *Luc.* XV, 8. ubi femina memoratur habens drachmas decem, quarum unam cum perdit, accensa lucerna, sedulo quaerit, donec inueniat, quam perdiderat.

Idem uero ex compositis quoque emicat non minus. Quid enim est $\delta\text{ιδραχμων}$, *Matth.* XVII, 24. quam duo denarii? quid $\tau\text{ελεγεδραχμων}$, quam stater, seu quatuor denarii?

Vtque de ualore comparato uerbum addamus, sunt quidam, qui duos grossos cum dimidio, alii, qui tres cum dimidio exponunt denarium, einen *Schreckenberger*; consultius tamen numerus integer, seu rotundus, ut uocant, trium grossorum redditur, monetae scilic.

scilicet grauioris. Vnde, quando *Matth. XX, 2.* dicitur conuentio facta cum operariis ἐκ δηναρίου τῆς ἡμέρας in diem denario, zum Taglohn, et hinc acceperunt ἀνα δηνάριον, singuli denarium, ita intelligendum est, quod pretium operarii, per diem etiamnum hodie seruatur, ut tres, uel tres cum dimidio grossos accipiant.

Non opus hinc est omnia loca, ubi denariorum fit mentio, singulatim repetere. Memorantur nempe modo unus, modo duo, modo quinquaginta, modo centum, modo ducenti, qui faciunt XXV. imperiales, trecenti, quingenti, quorum omnium ratio patet, si multiplicentur per tria, et hinc diuidantur per uiginti quatuor, pro imperialibus, uel alius monetae modulo, unde emergit summa debita et genuina, ad nostram monetam reducta. Par enim est ratio aliarum, pro regionum diuersitate.

Cumque, per dicta, σατήρ, cuius mentio fit *Matth. XVII, 24.* ipsius textus uerbis contineat duo δίδραχμα, adeoque unciam semis, seu drachmas Atticas quatuor, attestante id insuper *Iosepho*, eiusdem ponderis et ualoris non immerito iudicatur cum siclo Hebraeorum; in quo nulla alia difficultas superest. *Tetradrachma* ipse *Cicero* habet,

et nummi tales antiqui, huius ponderis, uisuntur etiamnum hodie.

Occurrit etiam λίτρας nomen in N. T. Ioan. XII, 3. et 5. ubi λίτρας μύρου πάριου refertur potuisse uendi, trecentis denariis, qui faciunt triginta septem imperiales cum dimidio. Sed librae hoc nomen non nummi pondus, sed mercis uenalis notat; neque apud ueteres in re nummaria recensenda usitatum, ut hodie alicubi. Ceterum intelligenda non est libra ponderis ciuilis, ut hodie loquimur, sed Romana, seu, quae eadem est, medica, unciae non sedecim, sed duodecim saltim.

Loco huius uero uox μνᾶ, mina, in hoc passu usitatio est, quam centum drachmarum non dubitamus itidem cum Galeno pro libra aestimare ac declarare, L. IIII. de comp. med. κ. γ. c. 13. Romana scilicet et sic medica. Et repetit idem L. V. c. 12. mina, inquit, continet denarios centum, puta itidem numero rotundo elatos. In sacris enim, seu N. T. hoc loco, ubi etiam huius fit mentio, sine dubio intelligitur Romana. Alexandrina uero ζx, et ζi aenarios VIII. adeoque CLX. drachmas habuit, teste eodem L. II. de comp. κ. γ. c. 17. p. 230. Apud Iudaeos uero libras duas semis pependisse refert Iosephus.

phus p. m. 478. Sed, si Romano more aestimandi sint nummi in N. T. codice, liceat et illud pondus hic retinere.

Notabile uero insuper est, cum apud *Lucam* XVIII, 13. et aliquot sequentibus *μνᾶ* dicatur, quod apud *Matthaeum* XXV, 14. sqq. per *τάλαντον* effertur, uidetur citra ullam contradictionem apparentem expressum fuisse a Salvatore utrumque pondus, sed disiunctiue, ut mens sit: ut cum quispiam peregre proficiscens uocauit seruos suos, et tradidit illis bona sua, et huic quidem dedit quinque talenta, (ut alteri totidem minas) alii autem duo, alii uero unum, unicuique *κατὰ τὴν ἰδίαν δύναμιν*, secundum ipsius facultatem. etc.

Et hoc demonstrant non modo diuersa praedicata, aliud enim longe est *talentum*, aliud *mina*; sed et diuersae personae, apud illum indefinite, (seruis suis,) apud hunc definite (uocatis decem seruis suis,) cum tamen in *ἀποδώσει*, utrobique non nisi tres memorantur, iussi rationem accepti, et cum foenore expeditae negotiationis suae redere.

Ex quibus singulis, probe collatis et pensitatis, efficitur, uni plura Spiritus Sanctissimi dona, alteri pauciora concredita, singulis

lis probe et ex conscientia impendenda, ut fructus debitos foenerent. Hinc ergo, uel ex nummorum pondere et ualore maiori, allegorice donis laudatissimis collatorum, illustrari textus uberior ἐμφασις potest, quantum quidem nobis deuote illa cogitantibus patet.

Ceterum et τάλαντον, seu *talentum*, speciatim et pro certa nummorum quantitate, eaque non leui, et in genere eminenti pondere, in N. T. acceptum legitur. Prius ex dictis patet, ubi in substantiuo, τάλαντον, τάλαντα, dicuntur *loc. cit.* Alterum ex *Apocal. XVI, 21.* ubi χάλαζα μεγάλη, ὡς ταλαντιαία, *grando magna sicut talentaris*, decidua de coelis, in adiectiuo, refertur.

Regulat denique omnia haec certus numerus, unicuique nummorum mentioni uel recensiohi factae hinc inde additus. Verum ut non reputemus minorem classem, operae pretium fuerit, saltem maiorum meminisse, et sic coronidem his omnibus imponere.

Instar omnium sint uoces μυριάδος et μυρίων, quae summa ut praecipua et eminentissima in Sacris occurrit in numeris exprimendis; ita duplici potissimum notione etiam in nummis. Apud *Matth. XVIII, 24.* memorantur decem millia talentorum, seu

seu mentio fit *μυρίων ταλάντων*, quae fecerint, decem millibus cum LX. minis, seu 6000. drachmis, diuisis, sexaginta millena millia, 60000000. imperiales, seu sexaginta tonnas auri, communiter dictas, saluo errore calculi.

Talentum enim *magnum*, elogio *Plauti Mostell. Act. III. Sc. I.* habuit LX. minas, quod alii minus uocant; apud *Iosephum* uero *L. III. Antiq. Iud. c. 7. p. m. 83.* minas habuit centum, quod adhuc maiorem dicta summam effecerit.

Quamobrem agmen horum claudit, si reliquis addatur, summa omnium maxima, *myrias*, quae quidem per se saltem numerum definit, et in nummorum tamen recensione usitato adhibetur. Occurrit haec et *Act. XVIII, 19.* ubi, qui curiosas artes exercuerant, librorum exustorum supputata pretia reppererunt *ἀργυρίου μυριάδος πέντε*, *denariorum quinquaginta millia.*

Addito enim nomine materiae, ex qua, definiri haec solent, ut h. l. argenti. Constituunt ergo 50000. denarii sex mille ducentos et quinquaginta imperiales, uel quinque mille coronatos argenteos, ducatonēs uocant, 2000. aureos ueteres.

Alias

Alias apud *Iosephum myrias* etiam de aureis accipitur. Falsi itaque sunt, qui summam illam, 50000. denariorum, nescio quo calculo, scribunt hodiernae monetae facere 15000. florenos Misnicos, quod neque errore typographi, si id ponamus, facile excusari potest.

III.

THOMAS BARTHOLINVS

de Morbis Biblicis Miscell. XVI.

pag. 41. sqq.

DE

PVERPERIO B. MARIAE.

Matth. I.

Virgo uterum gestavit. Quod uero claustris uirginitatis claustris primo genitum suum in lucem ediderit capere non possunt, qui nihil nisi ordinarium in Seruatoris natiuitate, per rationem, concedunt. Aperuit quidem matricem CHRISTVS, quia uocatur primogenitus, scil. quia primus aperuit uuluum seu matricem *Exod. XXXIII, 19. Num. III, 12.* sed modo plane diuino et singulari.

gulari. Omnia hic naturae consuetum cursum superant, conceptio sine uiro, natiuitatis illaesa uirginitate. Recte enim *Montacutius* Apparat. VIII. ad orig. Eccles. §. 59. neque nouum illud in terris adeo nouum fuisse, si non per omnes natiuitatis et conceptionis partes illa natiuitas descendisset. *Suidas* certe refert membranam in B. Virgine ab obstetricibus inuentam fuisse, cum de eius uirginitate dubitaretur. Vt scrupulos amoueat *Ioannes Baptista Mantuanus* tr. de loc. concept. CHRISTI, fingit aliunde prodiisse, ex uirgine CHRISTVM quam naturali et communi uia, sed falsum illum esse, uiamque naturalem seruandam probauimus libro *de insolitis partus uis* * cap 7. Vulua enim aperta dicitur *Luc. II.* et more aliarum puerperarum purgata est
b. Virgo.

* *Hafniae*, CIOICLXIIII. in forma quaternaria excus.



IIII.

IO. IAC. BAIERVS

*in animaduers. Physico-Medicis in quaedam loca Noui Foederis D. N.**I. C. * p. 3. sqq.*

DE

DONIS MAGORVM CHRISTO OBLATIS.

Ex Matth. II. u. II.

Non est praesentis instituti, otiosam illam, quin et odiosam, de *Magorum* personis, dignitatibus, aliisque conditionibus, controuersiam uentilare, praesertim quia eandem nimis diligenter expenderunt alii; quos inter neminem ego noui aequiorem arbitrum; b. DAN. GVIL. MOLLERO, collega quondam et compatre meo, etiam post fata colendo; cuius concinna et erudita sane *Magorum CHRISTVM adorantium historia*, quae prodiit Altorphii A. C. CIOIOCLXXXVIII. utique meretur, ut noua editione inseruaret

com-

compluribus philologiae studiosis. Interea mihi, uariorum auctorum scripta peruoluenti, occurrit DIODORVS ille SICVLVS, qui proximis ante C. N. annis uixisse fertur, et in sua *Bibliotheca Historica Lib III. cap 47.* pronunciat, *eam fuisse consuetudinem Regum apud Sabaeos, ut nunquam illis e regia sua exire licuerit; quod si enim contra egissent, plebs eos, auctoritate ueteris Oraculi, coniectu lapidem obruisset.* Hoc testimonium, si quidem fidem haberet, multum obstaret uulgari commento, quod Reges Sabae re uera fuerint isti Magi, qui, ut adorarent CHRISTVM ab oriente uenerant. Fortasse fuerunt ex ea natione Magorum et incolis Persiae, quos STRABO *Lib. XV. p. m. 690.* testatur *sectatos esse honestum quoddam uiuendi genus* (οὔτοι μὲν οὖν σεμνὸν τινος εἰσὶ βίου ἡλωλαί.) quem locum sane notabilem, nescio an aliqui interpretum S. Codicis recte attenderint? Verum ego id in medio positum relinquam, et ab iilis, quicunque demum fuerint, procul dubio tamen grauib, sapientibus, religiosisque uiris oblata CHRISTO infanti dona, tantisper consideranda me recipiam.

Aurum probabiliter ex Arabia petatum fuit; utpote uaticinio *Psalmi LXXII, 15.* expressis uerbis indicatum. Id uero quam

praestans fuerit, *ἄργυρος* nempe, et quod inter eruendum statim *purum putum* inueniatur, colore *flammeo*, narrat citatus modo DIODORVS *Lib. II. cap. 50.* eodemque Arabiam abundare scribit *Lib. III. cap. 45. Lib. XVI. p. m. 737.* Consimilia propemodum ex ARTEMIDORO commemorat STRABO *Lib. XVI. p. m. 737:* *Apud eos (Arabes) aurum effoditur, non strigiles (in ramentis) sed glebulae quaedam, quae non multa purgatione indigent, magnitudine minima sansae (nuclei oliuae) mediam mespili, maxima nucis; quas perforantes, cum lapillis pellucidis alternis positis armillas faciunt, inserto filo, et collo manibusque circumponunt. Vendunt id aurum vicinis uili pretio, etc.* Credibile igitur est, aurum nondum cussum ab istis Magis oblatum fuisse; quandoquidem *Euangelista* simpliciter *χρυσόν* appellat. Qui hodie occurrunt aurei nummi, *ducati* uulgo dicti, literis Arabicis siue Turcicis inscripti, cum saepe pallidiores appareant, popularem praebent opinionem, quasi ignobilius sit *aurum Arabicum*; tametsi ex hoc genuino conflatos esse nummos illos neutiquam constet, Turcarum uero notissimis in adulterando metallo fraudibus, et hinc argento liberalius indito, pallor iste debeat.

Ὁ λιβανός Graecum uocabulum a λείβω
i. e. *fundo, stillo*, deriuatum, absurde in La-
tinum conuertitur, et cum *articulo praeposi-*
tiuo simul pronuntiatur, absurdus adhuc in
neutro genere *Olibanum*; quod specimen
est ruditatis Grammaticae in re Pharmaceu-
tica. *Thus* autem, Latinis optimis quibus-
que usitatum nomen, a Graeco θύω, i. e.
odorem facio, sacrifico, SCALIGER, alique au-
ctores ductum haut perperam existimant.
Praestantissimum esse *Arabicum*, ueteres cun-
cti scriptores affirmant, quin et PLINIVS *Lib.*
XII. cap. 14. praeter Arabiam, Thura nullis
regionibus, ac ne Arabiae quidem uniuersae,
arbitratur esse: *Indicum* tamen quoque
commendat DIOSCORIDES *Lib. I. cap. 82.*
Circa figuram *arboris thuriferae* tantus est
auctorum dissensus, ut uix appareat, cuinam
prae ceteris adhibenda sit fides, praesertim
cum nemo eorum suis oculis se uidisse talem
arborem perhibeat, omnes autem alienis ni-
tantur testimoniis. THEOPHRASTVS, postea-
quam *Hist. Plant. Lib. VIII. cap. 4.* alios
pyri, alios lauri, alios denique lentisci foliis
similia *thuriferae arbori* attribuisse scribit,
ipse tandem in dubio relinquit omnia, tam-
etsi ad illam inclinare sententiam uideatur,
quod similia laurinis sint ista folia. Hoc si

uel maxime credatur, incertum nihilominus manet, qualemnam ista arbor characterem, ratione floris atque fructus habeat? Ex *arborum coniferarum* familia esse, quodam modo arguit *analogia resinae pinastris vulgaris*, quam propterea ruricolae *Wald-Weyrauch* siue *Wald-Rauch*, appellant, qualis praestantior e *formicarum aceruis* colligi solet. Sicut autem uero simile mihi est, quod formicae naturali quodam instinctu resinam istam in acervos suos comportent, reliquae quicuiliarum molis a ueloci corruptione defendendae causa, sic suauiore, quam ista resina hocce casu adipiscitur odorem, ab exhalationibus acidis uolatilibus formicarum, iugiter discurrentium, proficisci persuasum habeo. Et bene profecto mihi succurrit, quod Armenus quidam mercator olim pro certissimo asseuerauerit b. D. LOCHNERO, *Caesar. et Reip. Norimb. Archiatro*, quod ipsum *thus Arabicum* uix aliunde, quam e *formicarum cumulis* colligatur; esse autem illas praegrandes, pallidioris coloris; cum aliae obscurioris coloris, *myrrham* pariter in suos acervos congerant, inde itidem ab hominibus auferendum. Ego hanc narrationem ob signo trita loquendi formula: *Sit fides penes auctorem!*

Cete-

Ceterum *Myrrham* Aeolicum esse uocabulum, a *μύρω*, *fluo*, complures philologi statuunt; commune autem Graecorum *Σμύrna* est. De *arbore*, succum hunc fundente, nec quicquam magis certi constat, quam de *thurifera*, cum qua illam in Arabia mixtim crescere auctores quidam asserunt, alii separatis etiam locis; uti sane *Troglotidicam myrrham* DIOSCORIDES et PLINIVS anteferunt reliquae: est autem *Troglotidis* non Arabiae, sed *Aethiopiae*, aut saltem huic propinqua regio. In hoc fere consentiunt auctores, *arbores* esse *spinosa*, quam ulmi folio, et *thuriferae humilioris* perhibet THEOPHRASTVS. Quod *BOLA* dicatur, solus (quantum haecenus noui) PAVLLVS HERMANNVS *Cynosur. Mater. Medic. p. m. 279.* notauit. Imaginem utriusque arboris, tam *thus* quam *myrrham* proferentis, aere expressam repraesentauit PETRVS POMETVS *Hist. des Drogues p. m. 252. et 269.* ueruntamen, uti apparet, ex ingenio saltem suo confictam. De ipsa nostrate *myrrha* quam hodie habemus, non immerito dubitant multi graues uiri, num eadem sit ueterum? Certe horum descriptiones non usquequaque conueniunt nostrati *myrrhae*; nec tot differentiae in hac reperiri possunt, quot et quantas circa suam

notarunt ueteres , inprimis DIOSCORIDES :
 Hic tamen , quando inter notas optimae
myrrhae , et ad delectum eius refert , *ut sit*
squalore obsita , levis , undique concolor , quae
confracta uenas , unguium modo candidas ,
et laeues ostendat , minutis glebis , amara ,
acris , odorata , calefaciens , pleraque sic in
 nostra etiam *myrrha* Selectiori deprehenden-
 da eloquitur. *Stasle* autem , tantopere olim
 celebrata , et in S. *Litteris* T. V. commemo-
 rata quoque , nobilissimum *myrrhae* specimen
 liquidum , nobis hodie penitus deesse ui-
 detur.

Quod ista dona CHRISTO , tanquam
 nouo Regi oblata sint a *Magis* , dubitare
 uix licet. Idem de *thure* seorsim , ut cre-
 dam , persuadet HERODOTVS Lib. III. p. m.
 228. qui *Arabes* mille quotannis talenta *thu-*
ris pro dono attulisse , scribit , *Dario Persarum*
Regi , praeter annum tributum. An uero
thuris oblatione ad diuinitatem CHRISTI
 simul respexerint *Magi* , non ausim dicere ,
 nec decernere , quo animo aut fine *myrrham*
 obtulerint. De *Sabaeis* PLINIUS : *Non dant*
ex myrrha portiones DEO , quoniam et apud
alios nascitur : Regi tamen Gebanitarum
quartas partes eius pendunt. Ceterum lu-
 bens ueneror pias meditationes et coniectu-

ras S. Ecclesiae Patrum. AVGVSTINI, HILARII, FVLGENTII etc. circa mysticam donorum istorum significationem summam a PRVDENTIO his uersiculis declaratam:

*Regem DEVMque annunciant
thesaurus, et fragrans odor
thuris Sabaei; ac myrrheus
pulis sepulcrum praedocet.*

Medicum uero mysterium, atque excellens uitae in longum conseruandae praesidium, per eadem dona, coniunctim sumta designari, quemadmodum MARSILIO FICINO Lib. I. de uita, cap. 20. praeunte, opinatus est EVSEB. NIEREMBERGIUS in homiliis, ut mihi persuadeam, caussae nihil uideo. Quamuis enim et myrrhae et thuri sua multiplices in medendo uirtutes constent, etiam non praeparatis; de auro tamen, nisi chimico artificio (ad quos Magos illos quidem respexisse non est credibile) praeparetur, nugatoria foret assertio, si uel maxime simul cum thure et myrrha, ad eius compagem firmissimam recludendam nihil ualentibus, exhibeatur.



V.

IO. IAC. BAIERVS

in animaduers. Physico-Medicis in quaedam loca Noui Foederis D. N.

IESV CHRISTI

p. 7. sqq.

DE

VESTITU ET ALIMENTO
S. IOANNIS BAPTISTAE.*Matth. III, 4. Marc. I, 6.*

IN hisce locis, philologice explicandis, adeo copiosus et accuratus fuit M. PAVLLVS RAABE, in Acad. Regiomont. Graec. Lingu. Professor, ut in duabus distinctis Dissertationibus Regiomonti habitis A. CIOCLXXXVIII. nihil reliqui fecisse uideatur. Nobis, qui medica potissimum et physica tractare institimus, hoc saltem liceat insinuare, quod istae tam uestium, quam ciborum species S. IOANNIS, tametsi asperum durumque uiuendi genus, et mollitiei neglectum indicent, non admodum aduersantes extiterit bonae ualitudini.

Ac uestimentum quidem e pilis camelorum, panno scilicet inde texto paratum, sine dubio spissum atque densum, contra iniurias aeris et pluuiarum interuire potuit homini in eremo uiuenti, praesertim zona pellicea circa lumbos colligatum, ne incommode discederet. Rigidiores autem natura esse camelorum pilos, textumque neutiquam molle, sed asperum praebere, satis exploratum habetur; quicquid etiam in contrarium AELIANVS Lib. XVII. cap. 34. perhibet de camelis Caspiis, quorum nulli adeo sint molles, ut cum Milesis lanis mollitudine comparari possint, ex iisdem sacerdotes, et Casponum ditissimi et praecipui uestimenta conficiant. Aliter comparatum fuisse illud S. IOANNIS BAPTISTAE, uel solo CHRISTI elogio Matth. XI, 8. patet, quando negat, eum esse hominem mollibus amictum uestibus. Vtrum uero Ciliciz monachalis formam habuerit, an aliam? non curo; sed derideo tantum ineptias pictorum quorundam, pelle camelina, instar Fauni inuolutum Baptistam fingentium, contra claram S. Scripturae litteram: conf. TH. BROVVN. Pseudodox. epidem. Lib. V. cap. 15. Originem fortasse duxit commentum illud ab imagine, quam marmor naturaliter pictum quoddam in aede S. Sophiae, Constantinopoli, re-

D S.

prae-

praesentare, CARDANVS memorat *Lib. VII. de Subtil. p. m. 268.* IO. BAPTISTAE scilicet, *Cameli tergore tecti, quae imago absolutissima fertur in omnibus, praeterquam quod alterum ex pedibus, non adeo, ut pictura potest, exprimat.* Veruntamen hic alterutrius pedis defectus, ab historia *Baptistae* magis abludit, quam si capite truncatus comparuisset, qualem *Herodiadis* nequitia redditum tandem legimus.

Ad *cibum* uero S. IOANNIS quod attinet, miror sane, cur tot tamque accurati alias interpretes communem luculentamque lectionem S. *Codicis* negligent, et pro *ἀντίδες* legendum esse putent *ναγίδες*, quae sunt *cancer* generis *animalcula*, *squillae* dicta, aut *ἀντί-δρα*, quae *arborum fructus* quosdam, aut *tenerrimas frondes* designant. Certe *ἀντίδες*, in optimis quibusque exemplaribus Graecis legendo uocabulo, proprie et quasi unice *locustas* significant, *animalcula insecta*, notissimi quidem generis, sed diuersarum specierum. Aliquas ex his, a nostratibus quidem non magnitudine solum, sed et figura multum discrepantes, in Asiae et Africae quibusdam regionibus obuias, incolis earum *esu familiares*, et olim fuisse, et hodie adhuc esse, si quis nesciat, aut non agnoscat, parum legisse

legisse uidetur auctores geographos et hodoeporica. Quid? quod memorabilem illum locum *Leuit. XI, 21. et 22.* de permissis populo Iudaico, *quatuor speciebus animalium* ἐξ ὧν ὁὖν, *Arbe, Solam, Chargol, et Chagab* ad locustarum genus pertinere, nec de alio intelligi posse, SAM. BOCHARTVS in *Hierozoico Lib. III. cap. 1.* declarat, et amplius comprobat IOBVS LVDOLFVS *Histor. Aethiop. et seorsim append. II*, qui insuper illas etiam uolucres, ad pascendos Israelitas miraculose accumulatas, pro *coturnicibus* communiter putatas, itidem *locustas* fuisse, argumentis haut parum speciosis euincere contendit, meo quidem iudicio magis plausibilis, quam ea sunt, quae OLAVS RYDBECKIUS iunior *Ichthyol. Bibl. Part. I. Vpsal. 1705. edita*, protulit, ad suam certe paradoxam opinionem confirmandam, quod *pisces uolatiles* fuerint *selasae* istae. Verum ego coniecturas illas, auctoribus suis defendendas, et aliis, aut amplectendas aut repudiandas relinquo. De esca S. IOANNIS saltem urgeo iterum τὰν ἀνρίδων, luculentam appellationem, quae alienum a *locustis* significatum uix admittit, et cum uescentis instituto uitae aspero aut frugali sane, tum etiam regionis, quam incolebat, conditione plurimum conuenit.

uenit. Laudatus antea LVDOLFVS, adducto Iudaei Hierosolymitani testimonio, confirmat, quod suo adhuc tempore homines plebei tam Turcae, quam Iudaei, consueuerint edere locustas in aqua coctas. Subiungo HENR. A POSER, Equitis Silesii, dignam fide narrationem *Tage-Buch seiner Reise, Litt. S. 2.*: Es begegneten uns drey Heere Heuschrecken, in einer solchen Menge, dergleichen gesehen zu haben, sich Niemand erinnerte. Man verkauffet sie zu Gumeron, als eine (NB.) den Juden und Persern gewöhnliche Speise. Renouat mihi haec narratio memoriam stupendae illius, ac prorsus innumerabilis peregrinarum locustarum multitudinis, quae anno saeculi superioris LXXXIII. mense Augusto, turmatim adueniens, meam quoque patriam, Ienam ita inuasit, ut rei antea nunquam uisae, nec in annalibus commemoratae aspectu plerique incolarum conturbarentur. Memini uero etiam, quod non modo porci et feles domesticae locustas illas in saginam auide receperint, sed et homines audaciores quidam coctas degustauerint, quod et ipsemet tentauit, haud aduerso sapore deprehenso, per coctionem rubedine tinctis quodammodo locustis, sicut astaci fere solent. Veterum auctorum loca
de

de ἀκριδοΦάγοις , Africae nimirum incolis ,
a quotidiano esu locustarum nuncupatis ,
lubens praetereo , neque commemoro , quod
illi tradunt de miseranda horum hominum
conditione , quo modo uictus illius culpa
ante senectutem morte uerminosa deleantur.
Etenim haud improbabile est , ab insectorum
eius generis , praesertim male praeparatorum
esca continua , singularem sensim putredinem
induci ; aduersus quam tamen non parum
ualere posset *mel* assumtum.

Iam uero in conuictu *S. Ioannis* , iuxta
cum *locustis μέλι ἄγριον* adhibitum *S. Litterae*
produnt ; quali abundasse Palaestinam e tot
earundem locis manifestum est ; quando ipsa
toties celebratur *terra lacte et melle affluens*.
Erat igitur *mel* etiam in deserto facile para-
bile , ut omnis adeo *Baptistae* uictus , aqua
Iordani pro potu forsitan accedente extiterit
uulissimus. Ceterum , nec sine prouidentia
istam alimentorum coniunctionem accidisse
arbitror : *mel* enim et aquae frigiditatem , et
locustarum cruditatem , atque ad putrescen-
dum procliuitatem corrigere potuit , ne , cor-
pore morbofo reddito , asperam ceteroquin
suam uictitandi rationem in opprobrium ad-
duceret , aut ineptus hinc euaderet ad munus
obeundum *Vir Diuinus* , non morbo , sed
sanguine

sanguine, ueritatis caussa profuso periturus
Martyr. Ad corroborandam sententiam istam
 meam plurimum facit *balsamica mellis*, ab
 apibus etiam siluestribus, siue in arboribus
 carie exesis, siue in saxorum rimis elaborati,
natura, uulgo quoque notissima, et seorsim
uirtus anthelminthica; quandoquidem obser-
 uauit FRANC. REDI *Observat. de animal. in*
corp. uiu. p. m. 165. et contra popularem
 opinionem experimento probauit, *quod lum-*
brici, seu uermes intestinorum, in nullo li-
quore citius intereant, quam in melle, aqua
diluto. Ceterum de *melle* (quatenus in S.
 litteris mentio eius fit) prolixè commenta-
 tus est GVIL. STVCKIUS, *Antiquit. Conuiuial.*
fol. 56. et 62. et singula loca curiose exa-
 minauit; idem quoque de *locustis* erudite
 differuit, ac eandem comprobauit sententiam,
quod uera insectorum species fuerint lo-
custae illae, quas comedit

S. Ioannes.



VI.

IO. IAC. BAIERVS

*in animaduers. Physico - Medicis in
quaedam loca Noui Foederis D. N.*

IESV CHRISTI,

p. II. sqq.

DE

IEIUNIO ET FAME D. N.
IESV CHRISTI.*Matth. III, 2. Luc. III, 2.*

Verbum *νηστεύειν*, proprie strictimque sum-
tum denotat omnimodam ab alimentis
ad aliquod tempus abstinentiam; interdum
uero accipitur etiam pro parcissimo cibatu;
seorsim in Ecclesia Graeca et Romana pro
abstinentia ab esu carnum. S. Saluatoris no-
stri ieiunium primae significationis sine du-
bio fuit: illud autem solius humanae naturae
uiribus ipsum per XXXX. dies et noctes su-
stinuisse, nemo nisi profanus et impius affir-
mauerit. Analogâ propemodum leguntur
Mosis et Eliae ieiunia, manifestis in historia
Sacra circumstantiis prodentibus, Diuina et
super naturam uirtute, per idem spatium tem-
poris

poris eadem fuisse tolerata. Cum interim multi uariiue casus hominum passim commemorantur, qui non modo quadraginta, sed plurium dierum ac mensium inedia perpeSSI sint, quaestio hinc oritur, utrum quis salua, si non sanitate, attamen uita sua, naturalibus ex causis sustinere queat tam diuturnum ieiunium? Equidem HIPPOCRATES Lib. de aetate text. V. eos, qui in septem diebus nihil edere aut bibere uelint, plerosque in hisce mori contendit; si qui uero tempus illud excedant, nihil ominis mori. Neque tamen angustis adeo septem dierum limitibus circumscribendam esse rem illam existimo, cum forte quidam paullo ultra incolumes tolerauerint abstinentiam a cibo et potu. Ast uero de istis portentosis unius aut plurium mensium, nedum annorum ieiuniis, cuiusmodi in historiarum monumentis notantur, parum abest, quin cum GEORGIO HIERONYMO VELSCHIO in Epistol. Med. BARTHOLIN. Cent. III. pag. 536. persuadear, ad unum omnia omnino ficta et ementita fuisse, quod sane uir ille grauissimus de praecipuis et fama maxime celebratis casibus solide monstrauit; certiora sunt in contrarium exempla, infeliciter nimirum tentati per *κακογυῖαν*, ieiunii quadragesimalis; quale fuit illud Doctoris cuiusdam Salis-

Salisburyensis in Anglia, quem OL. BORRICHIVS Ephemer. Acad. N. C. Dec. I. Ann. III. pag. 48. refert, infortunato conatu succubuisse decimo septimo abstinentiae die. Proximus metam contigit, ac tantum non perfecte affecutus est uir generosae prosapiae Megapolitanus, GVSTAVVS A BERNHART, qui anno huius saeculi XVIII. in Holsatia, instinctum afflatumque, nescio quem, diuinum caussatus, *ieiunium*, sine fuce per quadraginta dies sustinuit quidem, ast cum primum eo peracto, alimentum assumeret, pessime se habens, languente ex corpore, efflauit animam. Extat in hanc historiam erudita *dissertatio*, praeside celeberrimo uiro D. GEORGIO DE-THARDINGIO, habita Rostochii, A. MDCCCXXI. auctore respondente AVGVST. PVCHNERO. Inde uero uix quicquam colligitur ad demonstrandam possibilitatem imitandi *ieiunium CHRISTI*, quod ex euentu inprimis elucet. Posteaquam enim ὁ Ἰησοῦς Χριστός illud in deserto, inter assiduas satanae tentationes superauit, primum quidem *naturali fame* (per τὸ ἐπεινάει luculenter indicata) laborare, tanquam uerus homo coepit, mox uero eadem soluta, *integris uiribus* ad laboriosum suum rediit officium, nullo in *Sacris Litteris* commemorato languoris, ab inedia perpeffa

E

uesti-

uestigio; quale quidem, secundum aut praeter naturam longius ab alimento abstinentibus ineuitabile est; docente idem antea dicto BERNHARTO, cuius uenter, necdum, finito ieiunio, ualde collapsus et ueluti euisceratus apparuit. Atqui hoc est, quod HIPPOCRATES l. c. asseuerauit, quosdam persuasos, ne se ipsos fame conficerent, si in animum inducant, comedere et bibere, uenter tamen non amplius suscipiat, cum ieiunium (intestinum) in hisce diebus (ieiunii) concreuerit et ipsi moriantur.



VII.

IO. IAC. BAIERVS

in animaduers. Physico-Medicis in quaedam loca Noui Foederis D. N.

IESV CHRISTI

pag. 13. sqq.

DE

THERAPIA CHRISTI
IN GENERE.*Matth. III, 23. item VIII, 16. Marc. I,
32. Luc. VIII, 11.*

Qui humanam naturam assumpsit *aeternus DEI filius*, ut statim ab initio sui muneris sanctissimi comprobaret, se uenisse plenum gratiae et ueritatis, neutiquam indignatus est pretiosum Medici nomen et officium, in sanandis corporum, quoque infirmitatibus, *ἰεραπεύων πᾶσαν νόσον καὶ πᾶσαν μαλακίαν ἐν τῷ λαῷ*. Hisce uerbis, tametsi absoluta et immensa CHRISTI potestas in medendo clare indicetur, simul tamen significatur, quod inter complures, humana ope insanabiles morbos curauerit eos, etiam, qui

alias arte medica sanari forte potuissent. Cum enim non omnes *κακῶς ἔχοντες* (uti Evangelistae loquuntur) sint prorsus insana- biles, CHRISTVS autem omnes sibi obla- tos, καὶ τοὺς χεῖρας ἔχοντες θεραπεύας, sana- uit, liquido apparet, quod neque sanabiles hominum morbi ab ipso fuerint neglecti. Nihilominus cunctas morborum curationes a CHRISTO peractas, supra naturae vires euenisse certum est, quemadmodum et ERA- SMVS τὸ θεραπεύειν, in Evangelio semper im- proprie accipi statuit pro eo, quod est *miraculose sanare*. Quodsi iam casus curatorum a CHRISTO morborum, singulatim com- memorati expendantur, facile patebit, cum plerisque ita comparatum esse, ut humanis uiribus neutiquam depelli potuerint, ad unum omnes autem ab Omnipotentis Medico sic fuerint tractati, ut ubique DEI uirtus, DEI sapientia eluceat. Etenim non modo pro- tinus cognouit laborantium afflictiones ac desideria, sed et solo uerbo, absens saepe ad speciem, aliquando contactu sustulit, aegritu- dines cuiuscunque conditionis. ASCLEPIA- DES officium Medici esse, dixit, ut tuto, ut celeriter, ut iucunde curet: id uotum esse, cum suspirio quasi CELSVS Lib. III. cap. 4. exclamat: cum fere periculosa esse nimia et festina-

estinatio et uoluptas soleat, et hinc moderatione utendum sit, ut, quantum fieri potest, omnia ista contingant, prima semper habita salute. SALVATORI nostro id non tam notum erat, sed factu facillimum, ut tuto, celeriter, et iucunde curaret; nulla opus habuit moderatione, ut ista omnia contingerent, prima habita semper hominum salute. O igitur incomparabile perfectumque Medici et sanitatis Magistri exemplar, quod nos miseri homunciones, cum per infirmitatem nostram haud imitari ipso opere, ne dum assequi ualeamus, ita tamen in oculis iugiter feramus, ut pia promptaque erga curandos uoluntate et misericordia, persequamur uestigia *Ἰοῦ Ἀρχιατροῦ* Sanctissimi, sub assidua Numinis ac praesidii ipsius imploratione!



VIII.

ANDREAS OTTOMARVS
GOELICKE

in Histor. Medic. Vniuersal. period.

prim. §. XXI. pag. 75. sqq.

DE

CHRISTO

VERO CORPORIS MEDICO.

IN tanta reipublicae, (*Iudaicae*) morum, studiorumque corruptione, magno certe restauratore opus erat, qui fuit MESSIAS, Saluator mundi, Patribus promissus, in plenitudine uero temporis, demum in carne manifestatus. Huius praecipuum, quod in hoc mundo exsequebatur, munus in eo potissimum consistebat, ut reiectis Iudaeorum fabulosis dogmatibus, immo erroribus, traditionibus et additamentis Patrum, ueram de nouo sapientiam reuocaret, hominibus regiam ad ueram felicitatem animaeque tranquillitatem perueniendi uiam ostenderet, ac beneficiendo inprimis salutemque tam animae quam corporis promouendo, de uniuerso humano genere bene mereretur. Hanc ob causam
totam

totam Iudaeam, finitimasque regiones perambulavit, ut aegrotantes obuios, uel aliunde ad se deportatos, sanaret, et ab aegritudinibus suis liberaret. Qua proinde in re tanquam uerum (*) CORPORIS MEDICVM sese

E 4

exhi-

(*) Nemini forte offendiculo erit, uel grauius propterea nobis quispiam succensebit: quod IESVM CHRISTVM, Saluatorem mundi, Medicum appellitem, uel in medicorum seriem eundem referam: non enim hoc factum fuit sine exemplo; scripsit namque de Morbis Biblicis et Paralyticis N. T. BARTHOLINVS; de Morbis Euangelicis A DERVS, et IOHANNES RENIVS senior, de CHRISTO MEDICO, respondente D. SCHVLZIO, dissertationem habuit inauguralem, in qua demonstrare potissimum annisus est, CHRISTVM tanquam Medicum duplici remediorum genere fuisse usum, scil. uel naturalibus, uel praeternaturalibus. Ad priorem classem refert: I. Tactum seu impositionem manuum. II. Saliuam, ac III. uerba. Sanationem morborum per tactum explicare conatur partim per uim effluuiorum e corpore CHRISTI emanantium, quod testatur femina haemorrhousa, partim per fiduciam aegris implantatam: ut proinde corpora aegrotantium uim effluuiorum, e corpore CHRISTI exhalantium,

exhibuit, et idcirco hunc sibi tribui titulum eo minus

tium, magnetis ac ferri instar reciperent; sicque, alteratio illa, tam fluidorum in mixtione et temperie, quam solidorum, in figura, situ, poris, etc. subsecuta fuerit. In cuius rei confirmationem, imprimis adduci meretur, mirabilis illa curatio strumosorum, quae singulari ceremonia quotannis instituitur a Galliarum Rege per solum manuum contactum. Deinde exhibet catalogum morborum a CHRISTO sanatorum, quorsum (α) refert paralytin, quem affectum b. LUTHERVS ubique uertit Gichtbrüchig. MATTH. VIII, 6. et LVC. VII. et ad contracturam uel paralytin, quam nonnulli uocant scorbuticam, magis uidetur respexisse. Confer. MATTH. VIII, 2. -- 7. LVC. V, 18 -- 25. IOAN. V, 5 -- 9. Et hunc ultimum fuisse paralyticum, probat multis rationibus BARTHOLINVS. (β) Varia obsessionum genera, quorsum etiam pertinet epilepsia, quem tamen affectum, alii potius somnambulationem dicendam esse mordicus efflagitant: unde etiam b. LUTHERVS uocabulum $\sigmaεληνιάζεια$, uertit, lunaticus est: er ist monſüchtig, i. e. patitur a luna: ueteribus enim medicis persuasum fuit, ab effluuiis et fermentis lunaribus, hunc morbum maxima capere incrementa, et ad eius quoque conuerſiones paroxysmum ſuas ſeruare periodos, sigilla-

minus indignabitur, quod DEVS ipse titulo
E s hoc

sigillatim circa nouilunium, ut hinc etiam medicamenta epilepsiae opponenda, maxime in certis tantum lunae phasibus exhibenda esse suadeant medici: Vid. MATTH. XVII, 14 -- 18. Item CAP. VI. MATTH. uers. 24. mentio fit talis lunatici, qui pariter in textu Graeco *σεληνιαζόμενος* appellatur: ubi tamen notari meretur, mentionem quoque iniici alterius hominis infelicis, qui expresse a MATTHAEO nominatur *δαμονιζόμενος*, daemoniacus: non, quod tales obsessi, a malo daemonio actu inhabitentur; sed, quod scriptores sacri ex uulgaris gentis opinione loquantur: siquidem, ea aetate, omnes grauiores morbi, praesertim cum uaria distorsione membrorum et mentisurbatione, uel alienatione coniuncti, daemoni adscribebantur. Vid. LIGHTFOOT. Hor. Talmud. ad hunc locum. Similiter VVILLISIVS Cap. II. de morbis conuulsivis refert: Theologum quendam Anglum non infimi subsellii, plerosque daemoniacos Euangelistarum habere tantum pro epilepticis. Nonnulli uolunt, distinctos hic intelligendos esse affectus: uix uero dubium est, epilepticos fuisse, quos *σεληνιαζόμενος* uocat MATTHAEVS, quod ex stridore dentium, collectione copiosa spumae circa os, conuulsione per totum corpus et angustia

hoc delectatus esse uideatur, dum dicit:
(EXOD.

stia pectoris aliisque phaenomenis manifestum est. Vid. MARC. VIII, 20. Το πνεῦμα ἐσπάραζε αὐτὸν καὶ πρὸς τῆς γῆς ἐκυλίετο ἀφρίζων. In eadem sententia est BARTHOLINVS de Morbis Biblicis p. m. 81. Patet insuper ex confectariis, quae hunc morbum secuta sunt, scil. surditate et ἀφασία: qui enim surdi nascuntur, plerumque etiam sunt muti, sicuti etiam Sacer textus haec duo uitia ordinario coniungit. Vid. MARC. VIII, 25. (γ) Huc pertinet caecitas a natiuitate. Vid. IOAN. VIII. 1 -- 7. Eoque mirabilior est huius affectus curatio, quo magis ab omni sana ratione remota uidentur remedia, quibus CHRISTVS usus est: saliuam enim suam iniecit in puluerem, indeque confecit unguentum, quo oculi inuncti, ac postmodum aqua ex piscina Siloah loti, uisum restituerunt. Alii uolunt, collyrium inde factum; sed ex puluere et saliuā non facile parari potest collyrium, uerum potius massa quaedam unguento similis. Πῆλος enim, quo uocabulo Euangelista utitur, lutum significat. Alterum exemplum caeci, sputo seu saliuā curati, occurrit MARC. VIII, 22 -- 28. ubi notari merentur uerba:

καὶ

(EXOD. XV. u. 26.) EGO DOMINVS
MEDICVS TVVS.

VIII.

καὶ πύσας εἰς τὰ ὄμματα αὐτοῦ ἐπιθεῖς
τὰς χεῖρας αὐτοῦ. *Vbi tamen dubium ma-*
net, an saliuam cum ui in oculos proiecerit,
an uero linimenti instar blande illiniuerit.
(δ) *Huc pertinet restitutio surdi ac muti, qui*
sacro Scriptori κωφὸς μεγαλάλος uocatur,
quem pariter impositione digitorum in auriculas
et immissione sputi in linguam sanauit. Vid.
MARC. VIII, 32 -- 35. Alii potius credunt,
CHRISTVM saliuam suam prius in digitos
exspuisse, deinde eadem, linguam inunxisse,
sicque a uinculo, quo detinebatur, liberasse.
Ceterum reliquorum a CHRISTO curatorum
morborum classē prolixius prosecuti sunt au-
ctores antea citati, quos euoluere licet, si libet.



VIII.
 CONRADI IOHRENI
 DISSERTATIO
 DE
 CHRISTO MEDICO.
 L. B. S.

THema pertractaturus inaugurale, quo felix capere augurium cupio atque inaugurari vitam medicam, praesens elegi Medico-Philologicum. Existimaui sacris quoties deditus fui meditationibus, me rem facturum esse olim officio meo Christiano conuenientem et praesenti solennitate haud indignam. **CHRISTI** est Medicina, quam medice examinare constitui Medicinae cultor, post examen solenne. Nominaui ter suauissimum **IESVM** Medicum eodem nomine, quo olim hostes eius utebantur ex *Luc. III, 23.* saniori licet animo. Nomen est, quo **DEVS** T. O. M. iam olim delectabatur, dicens: *Exod.*

Disquisitio haec inauguralis, respondente M. GEORG. PETRO SCHVLZ, *Francof. March.* prodiit *Francofurti ad Viadrum, A. S. R. CIOICCHII.* in 4to.

אני יהוה רפאך : *Exod. XV. u. 26.*

Ego Dominus Medicus tuus. Et uox est optimi Chirurgi nostri Ierem. XXX, 17.

אעלה ארכה לך וממכותיך

: ארפאך נאם-יהוה *Afferam tibi*

sanitatem et plagas tuas sanabo, dicit Domi-

nus. Cetera ut taceam loca passim obuia

e. g. Hos. VI, 1. XI, 3. Psalm. CIII, 3.

Es. LXI, 1. etc. Omnia enim nobis

CHRISTVS est, inquit, AMBROSIVS, “

si uulnus curare desideras Medicus est: “

Si febribus aestuas, fons est; Si auxilio “

indiges, uirtus est: Si mortem times, “

uita est: Si coelum desideras, via est: “

Si tenebras fugis, lux est: Si cibum quaeris, “

alimentum est. Opp. Tom. 1. fol. m. 100. de “

Virgin. L. III. Ducendi hinc has lineas an-

sam praebuit Diuus Pater: Docuit BARTHO-

LINVS, piissimus Medicus atque in scriptis tum

de Morbis Biblicis tum de Paraliticis Nou.

Test. immortalis, huiusque praecursor fuit

ADERVS de Morbis Euangelicis. Constitu-

eram equidem, quamprimum animum ad

scribendum impuli, totum expedire negoti-

um, sed dum praeter spem prohibeor, ea

qua decet integritate supplementum alii re-

seruo.

seruo tempori. Desunt Affectus abdominis Hydrops, Fluxus Muliebris nimius, Mulieris incuruatae morbus; Deficit Lepra et Febris ardens; item ex *Matth. XVIII, u. 12. Marc. VIII u. 50. VII, u. 19.* Generalia et si quae alia post haec loca suppeditabunt lectiones sacrae. Immo quaedam circa Affectus Capitis, qui mei sunt praepositi atque instituti, seposita uidebis, lector. Trado interea Paralyfin, Epilepsiam, Surditatem, Caecitatem, atque Muti infelicitatem tuo examini expectaturus iudicium decorum atque candidum.

*Da Pater augurium, atque animis
illabere nostris!*

CAPVT I.

§. I.

CHRISTVS quae fuerit persona, in Christiano orbe undique dum innotuit, iure etiam abstinemus lineis prolixioribus de ipso; sed ad alterum nos conuertimus uocabulum. Est uero Medicus, qui artem et scientiam habet integram corporis humani fabricam conseruandi, et labefactatam conuenientibus alimentis et remediis restituendi. Sic describitur a b. WALDSCMIDIO in *Institut. Med. Rat.*

Rat. pag. m. 6. quem quoad resolutionem definitionis consulere decet.

§. II.

CHRISTVM iam dum Medicum dicimus, nulla alia nisi haec intentio nostra erit, ut uideamus docentes, quos affectus curare ipse sit aggressus et quibus remediis tum naturalibus tum supranaturalibus. Et licet aduersus nos esse uideatur, AMBROSIVS Opp. T. III. fol. m. 185. scribens: *Donauit Dominus sanitatem, non medicinam exercuit.* Eos enim sanauit Dominus IESVS, quos nemo curaret; Patri tamen optimo partim loca infinita, in quibus Medicum illum ipse uocat, opponimus, partim dubitamus, omnesne morbi fuerint incurabiles, quod alias et *Mercuriali* placet.

§. III.

Remediorum naturalium et supranaturalium dum mentionem fecimus, triplicia potissimum respicimus remedia a CHRISTO perpetuo adhibita, *Tactum* scilicet seu *Impositionem manuum*, *Saluam* et *Verba*. *Saluam* quod attinet, de illius operatione agimus §. VIII. *Verba* per se nihil operasse, sed Virtutem tantum Diuinam omnipotentem, operan-

rantem per illa declaratam fuisse, credimus ex §. III. *Tactum et Impositionem manuum* naturaliter in CHRISTO haec etsi effecta producere potuisse firmiter persuasi sumus, per principia ex doctrinis de perfectissimo CHRISTI corpore, de atmosphaera atque effluuiis particularum per ἀόηλον διαπνοήν, seu insensibilem transpirationem, nec non de fiducia aegris implantata, et fide aegrorum praeexistente iam, quae corpora sic disposuisse uidetur, ut uirtutem e corpore CHRISTI effluentem instar magnetis et ferri reciperent, quo partium fluidarum in intemperie et mixture alteratio, nec non partium solidarum quoad situm, poros, etc. uitiosa dispositio corrigi ab illa potuerit atque restitui legitima: Quam et restitutionem frictio et fortis apprehensio multum adiuuere absque dubio. Confirmantur haec nostra placita eo magis, si uera, quae de tactu humano, ui medica polente, passim legimus. Sic WILLISIVS *de Anatom. Cerebr. cap. XX. p. 104.* de quodam Anglo referri scribit, quod magno cum successu omnis generis morbos solo tactu et frictione curarit. Euulgata est haec historia ad maiorem fidem apud posteros obtinendam anno 1666. integro scripto Anglico, historiamque uid. apud PAVLINI *in Philosoph.* Feyer-

Feyerabend p. m. 561. seqq. Et de quodam scriba, memorat BORELLVS *Hist. et Obseru. Cent. II. LXXXX. p. 186.* quod innumeros sanitati restituerit, et inter eos febricantes quoque sola brachiorum frictione. Nostris principiis maxime conformia Cl. KOENIGII in *Regn. Animal. p. 24.* uerba quin addamus, hic non possumus non: Ita uero ille: Haec si uera sunt, "me iudice, poterunt, praeter imaginationis" robur, effluuiis exhalantibus attribui, topica" enim febrifuga carpis apposita, uti animalia, "amuleti loca appensa, febrestertianas alias-" que breui curarunt, dum horum miasmata "glandulas subcutaneas et sanguinem ingre-" diuntur, quo hic alterari, uolatilisari, robo-" rari, fermentum febrile praecipitari, lympham "uitiata acida corrigi, eiusque correctio per" totum corpus continuari possit. Immo hinc "etiam plura sagarum nocumenta tactu cor-" poribus inducta, mediis fieri naturalibus "probabile est, talia enim iis usurpari solita" fiunt ex narcoticis u. g. succo hyoscyam. "mandrag. opio, frondibus populi, pinguedi-" ne puerorum e sepulcris erutorum, farina" item e tritico, quae inter se mixta odorem "spirant narcoticum, spiritus inuiscantem, "inquinantem, peruertentem etc." Quid si et ad hanc scenam ex parte referremus ta-
F Etum

Etum Regium medicum de quo §. IIII. quaedam et delibauimus, iure meritoque interim abstinentes ab hac controuersia, quod sciamus, sat multas esse dissentientium lites, quas uid. ap. Auctores §. c. adductos et WILLIS. *de Anat. Cerebr.* l. c.

§. IIII.

Absit interim, ut quis (siue Orthodoxorum siue Heterodoxorum nomine ueniant) Theologorum nobis ex hac doctrina uel impietatem uel contemptum erga *Seruatorem* nostrum obiicere possit, ut potius summam adorationem Diuinae maiestatis atque pietatem in Principem salutis nostrae publice his profiteamur. Veneramur CHRISTVM Deum, ueneramur Medicum, uerum minime cum uulgo, sed cum iis, rationem qui reddunt fidei suae. Manet admiranda medicina CHRISTI, quam nemo mortalium exercere poterit, etsi principia philosophica in demonstranda operatione afferamus. Neque eleuamus miracula medica, sed potius ubi sunt magis admiramur ceu *Diuina*, maxime ubi uirtus per uerba declarata fuit, absens tanquam praesens efficax, et animae immaculatae purissimaeque domicilium perfectissimum eius atque sanctum ex his ipsis principiis
accura-

accuratius demonstrare possumus ad mentem
PAULI Hebr. Cap. VII. u. 26.

§. V.

Mentem iam nostram dum proposuimus,
in nomine *Ter Sancti Medici Nostri Optimi*
IESU, ad Cap. II. transimus, ut casus, qui in
praxi CHRISTI occurrerunt circa affectus
capitis in praesenti, quantum per otia fieri
potuit, medice consideremus. Affectus uero
a CHRISTO curati, ut et melius percipiantur,
praemittemus ab initio statim cuiuslibet affe-
ctus, naturam, causas, sicque tandem, ad
medicam CHRISTI artem oculos conuerte-
mus. Interim:

אקרא בשם אל לעזור אותי
כי הוא לבר שברי ומבטחי:

CAPVT II.

§. I.

PRogredimur nunc B. C. D. ad paralyfin,
eiusque curationem a CHRISTO in-
stitutam, more recepto, consideramus. Est
uero paralyfis sensus et motus uel ex toto,
uel ex parte, in corpore abolitio, ob neruo-
rum flacciditatem seu resolutionem, ex ob-

structione tabulorum eorundem maxime in medulla oblongata spirituum animalium fluxum sufflaminante orta. Signa diagnostica ex definitione hac satis elucescunt. Sequiturque communiter apoplexiam, prout, ut ex domestica atque tristissima loquar experientia, inter non enumeranda exempla partim b. parens meus in concilio Academiae in aedibus Magn. t. t. Rectoris Dn. BECMANI conuocato, hoc fulmine in parte dextra percussus, atque die quarto d. 27. Mart. 1698. extinctus, partim Excellentiss. affinis meus Dn. IRENAEVS VEHR, Anno 1702. d. 18. Ian. in eodem latere tactus, per annum et quod excurrit usu manus ac pedis legitimo priuatus, satis testari possunt, quanquam hic *Diuini Numinis* gratia hoc anno ex *thermis Hirsbergensibus* redux, corporis uigorem consequi, iterum uideatur, cuius continuationem animitus affini huic optimo patris instar honorando, apprecor. Causa quae fit proxima ex definitione perspicimus, quae remotae enarrare iucunditatis erit medicae. Sic agibere obseruant *Ephem. N. C. D. I. A. II. p. 333.* Hydropi superuenientem: *D. I. A. VI. p. 153.* a lapsu *D. I. A. III. pag. 112.* Ex mesenterii dolore conuulsuo, *D. I. A. I. p. 157.* Pedis subitanream fluentibus menstruis, *D. I. A. II.*

A. II. p. 335. Pedum ex mora in frigore, *D. I. A. I. p. 202.* a philtro, *D. II. A. VIII. p. 547.* Scorbuticum, *D. II. A. V. p. 46.* a stanno, *D. II. A. VII. p. 156.* ex terrore, *D. I. A. III. et V. p. 14.* a tertiana diuturna, *D. II. A. II. p. 358.* a uermibus, *D. II. A. V. p. 15.* App. post uariolas, *D. I. A. III. et V. p. 13. et sqq.* Breuissime haec dicta, prout instituti ratio postulat, si applicamus ad aegrum *Matth. VIII.* et *Luc. VII.* facile huius aegrotantis miserum agnoscemus statum. Paralyticum fuisse expresse docet *Matth. I. c. u. 5.* quod D. LVTH. Sichtbrüchtig uertit ubique, respiciens magis ad παράρεσιν seu paralytin scorbuticam, secundum nonnullos: quanquam alii existiment, illum cum ceteris interpretibus et commentatoribus pseudoparalytin intellexisse, quos Germani alias appellant *contract.* Duplex enim ex MARCELLO EMPIRICO *c. XX.* est, una cum contractione, quam conductionem nuncupat AVRELIANVS *L. II. Chron. c. 1.* altera cum remissione neruorum: illa aut uel permanens, uel intercurrent, hinc illam aliis pseudoparalytin elegisse commentatores tradit BARTHOLINVS *de Paralyticis N. T. p. 24.* H. GROTIUS apoplexiam uertit ex auctoritate Celsi. Et CELSVS quidem *L. III. cap. 27.* suo tempore παράλυσιν utrumque

que appellari uidit: uerum exemplo carere, monet RONSSEVS. Apud HIPPOCRATEM lato apoplexiae nomine non raro uenire παράλυσιν certum est ex *Aph. XI. Sect. 7.* quod ex *L. I. de Morb. u. 50.* faciem mutuatur. „Interim „nihil uideo, iudicium est BARTHOLINI, gra- „uioris causae, quo minus uera et legitima „neruorum resolutio esse potuerit, quam „παράλυσιν uocant medicorum filii, παρά- „πληγίαν et ἡμιπληγίαν et πάρεσιν. Illam Sa- „cer uates hic sequitur, in qua ut eleganter „HILARIUS loquitur artus undique fluidi et ad „consistendi officium agendique corrupti. Exaggerat hoc malum S. Codex, dum addit, βέβληται iacet, sc. in lecto suo, quasi cadauer sic BRVTVS, uel toto corpore prostratus ERASMVS. per continuationem actus iacendi SCHMIDIUS reddit, unde German. dici solet: Er hat ein langweilig Lager. LIGHTFOOT est tantum non elatus, instar mortui proiectus. Decumbebat E. cum mortis periculo, quod *Luc. VII, 2.* refert: κακῶς ἔχων ἤμελλε τελευτᾶν, male habens, futurus erat interire: Godfranf: ut adeo quod *Lucas* his uerbis exprimit, idem *Matth.* innuat scribens: δεινῶς βασανιζόμενος, uehementer discrucia- tus: uerbum alias, quod uarios dolores interpretibus et commentatoribus attulit, quod

quod paralyſis ſine ſenſu ſit, ſine motu. Quidam enim centurionem ſeu medicinae imperitum loqui ſcribunt; quidam de acceſſionis principio explicant. GROTIUS miſeram tantum corporis conſtitutionem innuit, atque hanc uocem non ſemper dolo-rem ſignificare. Conſentit HAMMONDVS, cui quamuis poenam haec uox denotat, ut uerti poſſet coërceo, quaſi in carcere &c. Conf. POLI *Synopſ. Critic. T. IIII. ad h. l.* BARTHOLINVS *l. c.* nullo labore tormentorum iſtorum in uera paralyſi rationes ſe inuenire, ſcribit: "Nam (1) Βασανίζμενος dicitur" iam moriturus, ubi dolor anxietasque ex" ambiguo uitae mortisque certamine et morbi" uehementia exacerbantur. (2) Ob diuturnam moleſtiſſimi morbi moram ſatis animo" cruciatum conceperat, et infelicis uitae tae" dia, ut uelut per lapidem lydium, ſine aliis" tormentis fuerit probatus. (3) Vel ſucce" debat conuulſioni paralyſis uel uterque affe" ctus erat complicatus rariffimo exemplo," quod obſeruarunt tamen HIPPOCRATES" in illo, cui auris dolebat poſt uergiliarum" occaſum *L. IIII. Epid. 5. 7.* ABENSINA *3. ſen. 2.* FORESTVS *L. X. obſ. 95. 121.* et ego" (*Bartholin.*) pridem in Anna Longomonta" na deprehendi. (4) Impoſſibile non arbi" tramur"

„tramur dolores cruciatusque partibus sub-
 „inde pro caussarum uarietate insidere, quan-
 „do, illaeso sensu motus, tollitur. Hinc
 „μεταβασάνων μενάλης resoluebatur Alcimus
 „I. *Maccab.* VIII, 55. (5) Orta forsan
 „paralysis ex casu uel uulnere, ubi maximo
 „doloris sensu prout uel lethalis fuerit, uel
 „minus noxia, percelluntur. Huius farinae
 „resolutiones subministrant nobis longa serie
 „GALENVS III. *L. A.* 10. et III. *L. A.* 4. 5.
 „AVRELIANVS *L. II. Chron. c. 1.* GRADIVS
 „in *Rhaz.* FORESTVS *L. I. obs.* 95. 121.
 „SCHENCKIVS ex A. BENEDICTO *L. I. obs.* 172.
 „ZACVTVS, *L. I. Hist. Med.* 48. (6) In pseu-
 „doparalyticis dolorem describit HORSTIVS
 „noctuque dieque perseverantem, referente
 „SCHENCKIO, *L. I. obs.* 179. (7) Quid, si
 „cruciatus hos resolutioni superimposuerit
 „malus daemon, in hominum tormenta
 „promptissimus. Sed, proximius metam
 contingere mihi uideor, si, quod forsan ex
 diuturno decubitu attritus tristes dolores
 contraxerit sibi aegrotus, senserim, quem-
 admodum passim uidemus in praxi quotidia-
 na et nos Germ. efferimus: Er hat sich ganz
 wund gelegen. Er ist von Liegen ganz
 mürbe, alle Knochen im Leibe thun ihm weh,
 &c. Curationem iam quod attinet, dum
 huma-

humana frustra omnis fuit ex natura affectus, CHRISTVS Seruator optimus, precibus uictus atque intercessionibus popularium, maxime uero fiducia sancta centurionis, (de aegro enim nihil inuenimus, adeoque quoad statum praesentem nihil determinare possumus.) Absens, tanquam praesens, illum ex faucibus leti eripuit, uerbisque Diuina uirtute refertis: ὑπαγε καὶ ὡς ἐπίστευσας γενήσῃτω σοι. *abi et sicut credidisti fiat tibi.* Sanitati ac uitae restituit pristinae, summo cum gaudio domini atque salute.

§. II.

Alterum exemplum reperitur *Matth. VIII. Marc. II. Luc. V.* quem omnino diuersum ab illo *Io. V.* habemus, secus ac CHRYSOSTOMO aliisque uisum. Hic siue ex longinquo, ut ADERVS uult, fuerit aduectus, siue in ipso Capernaum, prout BARTHOLINVS statuit, postquam per tectum (quod in regionibus Orientis planum instar strati plerumque est) ante pedes CHRISTI demissus fuerit, accepta remissione peccatorum partim eorum, quibus per hanc uim publicam se inquinauerat, si iis credimus, quod inuito Domino facta apertio, partim ceterorum, quorum stipendium mors et morbi, per quos quotidie

morimur ; itidem omnipotente uerbo Seruatoris unico restitutus, grabbatum suum felix atque incolumis abiens sustulit.

§. III.

Tertium quod extat Io. V. occasionem dare posset prolixiores ducendi lineas: tum de ordinario sanandi remedio sc. piscina Bethesda, tum etiam de speciali CHRISTI ratione medendi; Sed quoad prius membrum, dum abunde satis explicauerit textum BARTHOLINVS *de Paral. N. T. p. 1.* Eiusque naturam FRISCHMUTH et WENDLER. *in Diss. de Piscina Bethesda, Ienae 1660. et Vitenberg. 1676. hab.* descripserint, alique plures diuersas sententias de Angelo descendente senserint, (dum alii non per Angelum sed nuntium humanum uel officialem certo tempore missum, ut aquas uictimarum sanguine atque intestinis repletas turbaret, explicant. Alii non quod uideretur, commentantur, sed, quod persuasum esset Iudaeis, talia a DEO non nisi per Angelos agi; Alii uel ad uirtutem DEI, uel aemulum uenti spiritum mouentem aquas, uel ad uentum subterraneum quendam naturalem turbantem fundum et aquam etc. confugiunt.) iudicium nostrum uspendentes, certi aliquid statuere nolumus.

Insti-

Instituti memores , et tantum de CHRISTI
 medicina quaedam dicturi extraordinaria.
 Appellamus uero hunc paralyticum , ductu
 BARTHOLINI nunquam satis citandi l. c. alio-
 rumque interpretum , non ignorantes quas
 difficultates criticas creauerit uerbum αὐθενεία,
 quas uide ap. POLVM in *Synops. Crit. ad h. l.*
 Rationes iam audiamus BARTHOLINI quibus
 motus paralyfin credidit. Huc inducor ,
 inquit , (1.) auctoritate uet. Patrum
 S. AMBROSII , CHRYSOSTOMI , THEOPHYLA-
 CTI , GREGORII. (2.) Quod pedibus uin-
 ctus ambulare nequiuert , unde ἀντίνακτος
 NONNO uocatur. (3.) Quia κρείββατος pa-
 ralyticorum proprius *Marc. XI, 4. Act. VIII, 33.*
 per κλίνη *Matth. VIII, 2. Luc. III, 18.*
 per κλινίδιον u. 24. Sed utrumque con-
 iungitur *Act. V, 15.* quia apud SVIDAM
 κλίνη , τὸν κρείββατον וְרֵץ *Amos III, 12.*
 per grabbatum reddit et *Vulgatus* et *Aquila* ,
 quod *LXX.* est κλίνη. (4.) Ab aetate uiri
 ad paralyfin apta. (5.) Accedit aer frigi-
 dior , siquidem tot annos sine cura exegerat.
 (6.) Rationes clariores ex comm. 3. ubi
 ξηρὸς paralyticos credo , sc. pro atrophia ul-
 timo inueteratae paralyseos gradu, teste FER-
 NELIO. (7.) Et curatione per balneum ,
 in paralyfi tam ab atrophia quam frigore
 com-

„commendatum uehementer C. AVRELIANO,
 „PLINIO, VITRVVIO, SYLVIO, MERCVRIALI,
 „SAXONIAE, MERCATO, SENNERTO, ZACVTO.
 „(8.) Eundem credunt LEONTIVS, CHRYSO
 „STOMVS, EVTHYMIVS, qui *Matth. VIII, 2.*
 „*Marc. XI. Luc. V.* paralyticus uocatur.
 Haec ille. Et certe quamplurimi praeterea
 dantur auctores, qui huic sententiae, subscri-
 bunt maxime moti, ut alias taceamus rationes,
 methodo CHRISTI sanandi, adhibitis locis
 parallelis atque exemplis. Hunc igitur,
 quem medicorum filii in se suscipere nec pos-
 sent nec uellent, CHRISTVS tandem magnus
 de coelo Medicus curare aggressus est, atque
 uerbulo imperantis negotium confecit: ἔγειρε
 ἄρον τὸν κρεῖββατὸν σε, καὶ περιπάτει,
 uerba sunt, quae in hisce affectibus plerumque
 adhibuit: Verba cum imperatiua potestate
 eius qui uerbo solo creat seruatque, quod
 Sibyllae canit oraculum:

πάντα λόγῳ πράττων πᾶσαντε νόσον
 θεραπεύων.

„Neque mirum, uerba sunt LACTANTII L. III.
 „*de Ver. Sap. c. 15.* quod uerbo faciebat
 „mirabilia, cum ipse esset DEI uerbum coe-
 „lesti uirtute ac potestate innixum. Et si
 locum *Ioannis* cap. I. u. 1. 2. 3. paenitius in-
 spexe-

spexeris, uis illa mystica tibi pie scrutanti perfectiori luce inclarescet.

§. IIII.

Hisce perspectis, dum constat saepius exempla haec CHRISTI pro sua defensione allegare quosdam medicos partim absentes, partim praesentes certis characteribus et uerbis curantes non immerito Quaer. (1) *An medicus Christianus absens curare possit?* Ad huius Qu. decisionem quod attinet, sciendum, curam sic dictam magneticam affirmantium legitimum et unicum esse fundamentum tot ac tantis exemplorum testimoniis firmatum, ut iam de eius ueritate dubitare medicis piaculo foret. Conf. MAXVELLI *Cura Magnetica a Frankio edit. Digbaei Opp. et de Pulvere Sympathetico KOENIG. in Regn. Mineral. p. 144.* Hinc quemadmodum operationem ueram esse et nos agnoscimus; sic quoque CROLLIVM, GOCLE NIVM, P. SERVIVM, PAPINIVM, DIGBAEV M, MAXVELLVM, ceterosque fautores temere non damnamus, neque infinita sympathiae exempla a finibus naturae profliganda dicimus, quanquam et non ignoremus, quam acriter SENNERTVS *L. V. Prax. P. I. c. 10.* ATH. KIRCHERVS *in Arte Magnet. LICETVS c. 55.* de

de Quaest. Epist. Tom. II. et HERM. CONRINGIVS Medic. Hermet. c. 18. contradicant, illamque improbare uelint. Quaest. (2) Quid de uerbis et characteribus et sq. habendum?
Resp: Exemplum CHRISTI infeliciter imitari eos, qui uerbis suis quandam medicam uirtutem tribuunt, quippe nemo mortalium eam sibi Diuinam omnipotentiam arrogare potest, qua Diuina CHRISTI maiestas et humanae naturae data usa deprehenditur. Neque uerba CHRISTI, quatenus uerba eodem edidere effectus, cum nulla proportio inter uerba et affectus deprehendi possit; sed signa tantum fuere Diuinae potestatis externa, quibus aegros certos reddere uoluit, quod, quemadmodum uerba iam uere proferret externe, sic δύναμις eius Diuinam omnipraesentem atque omnipotentem reuera operaturam esse, et in actum traduci. Eadem dicta sunt ad exempla Apostolorum, qui in nomine IESV aegrotos sanare, cum in Ecclesia plantanda uiri Sancti iussu CHRISTI Doctoris sui, his usi sint uerbis, et effectus non tam uerbis, quam uirtuti diuinitus concessae atque fidei miraculosae, per uerba declaratae sint adscribendi, quae requisita an in patronis magiae naturalis sic dictae inuenienda fuerint; Alii perscrutentur. Relinquimus

mus defensoribus suas opiniones, uerum uideant, quibus argumentis superstitiones immo blasphemias defendant coram tribunali medici animarum nostrarum, et qua conscientia aut methodo CHRISTI miracula uerbis patrata ex magia naturali deducant, aut characteribus, uel ignotis uerbis, uel numeris mensurisue, uel aliis ceremoniis a ratione alienis, superstitiose morbos expugnent. Nos D. CHRYSOSTOMVM sequemur, potius mortem homini Christiano subeundam, quam uitam ligaturis redimendam. Fugite hinc mortales, uox est b. BARTHOLINI *l. c. p. 54.* si sapitis, si me auditis, latet anguis in herba! Et laruam omnino detraxerunt SENNERTVS *L. XIII. de Conf. Chymic. Cl. WORMIVS c. 10. Nat. ad Fast.* DAN. HIER. IORDANVS *de illo, quod in morbis est Diuinum et sq.* Admiramur hinc magnae alias famae THEOPHRASTVM PARACELSV, quod (si scripta eius ex toto genuina sunt) asserat, tertia magiae specie seu naturali, posse quemcunque proferre: Surge, tolle grabbatum, et ambula, it. Lazare, exergiscere; etc. Verba sane, quae mirum in modum CHRISTI eleuant miracula. Mirum sane in ceteris PARACELSV nunquam haec praestitisse miracula, cum tamen haec et maiora iactet de scientia ex incolis coelestium corpo-

corporum ad se conuocatis et euocatis haurienda et hausta, ut hinc a quibusdam, et fere quamplurimis magiae seu commercii cum daemone suspectus tradatur posteritati, de qua suspicione tamen, uerane an falsa, prolixè in Diff. mea epistolica de religione medicorum ad Excell. patriae Professores Medicos egi olim. uid. SENNERTVM in *Consens. Chymic.* cum ARIST. et GALEN. HERM. CONRINGIVM in *Introd. in Medic.* BARTHOLINVM l. c. quamuis ab Cl. BORRICHIO aliisque contra illum defensus sit in HERMETE. Et optime de illo meritus esset Cl. THOMASIVS in disputat. *de Criminae Magiae*; si haec disputatio absque contradictione ab erudito orbe recepta fuisset, quippe huius commercii seu pacti expliciti existentiam plane negat. Interim neque defuere post PARACELSVM, qui ad eius excusationem ipsi hanc uouere sententiam, atque consortium harum substantiarum intermediarum anxie desiderare. Inter eos eminet integro scripto comite DE GABALIS, *sur les Sciences secretes*: qui eo processit, ut ad immortalitatem consequendam concubitus cum hisce substantiis intermediis celebrare sibi proposuerit; nouissime idem eruditio orbi propinauit scriptum Anonymi, in Tr. *Curiose Erwegung der Worte Moses Gen. 6.* 2, Amsterd.

2. Amsterd. 1700. 12. 2. *plag.* quod inuito quidem Auctore Celeberrimo lucem aspexit, plenius tamen atque cum approbatione eius ut et deductione ulteriori publica edetur forte, nisi negotia, impediant. Hic Auctor Cl. quid per **בני אלהים** filios Dei intelligat cognoscimus ex his verbis, dum scribit: Ich verstehe mit denen Cabbalisten, mit dem THEOPHRASTO und dem Auctore des Buchs: *Entretien sur les sciences secrètes* titulirt die *Substantias intermedias*, welche die Griechen in *Daemones* und *Agathodaemones* et *Calodaemones* unterschieden haben, welche schon vor viel 100. Jahren unter den Nahmen der *Geniorum* dem PLATONI, PYTHAGORAE, CELSO, PSELLO, PROCLO, PORPHYRIO, NOLLIO, TRISMEGISTO, PLOTINO, FLVDO, et DORNEO bekant gewesen, welchen sie die verborgenste Geheimniß der Natur gelehret, und diese Männer zu berühmten Leuten gemacht: Es sind die Einwohner der Elementischen Welt, des Feuers, der Luft, des Wassers, und der Erden &c.

Ita et editor eiusdem sententiae, nimis haec dicta extendit et praeter sententiam absque dubio Cl. Auctoris varias et nescio an satis Theologicas interpretationes S. Scripturae partim praemisit, partim adjecit. Quae tamen Theologis examinanda relinquimus, citantes interea ὡς ἐν παραδείῳ I. A. SCHMIDII *Disp. de Selenitis ex Luna proscriptis Jen. habit.* et POSNERI *Disp. de Virunculis Metallicis.* Quicquid sit, quam belle etiam res praedicetur, semper tamen non leve periculum subesse arbitramur, tutiorique viâ illum incedere, qui tale negotium penitus intermittat, tristia enim sat loquuntur exempla,

- - - *fugite hinc latet anguis in herba*

Judicium iam quoque feret Lector devotus, de barbara Abracadabra, quam superstitiosum vulgus collo contra febrem appendi curat: Scribit in schedula praemissis † et Nominibus Personarum S. S. Trinitatis h. m.

ABRACADABRA,

ABRACADABR

ABRACADAB

ABRACADA

ABRACAD

ABRACA

ABRAC

ABRA

ABR

AB

A

De quo uersus noti :

Inscribes chartae , quae dicitur Abraca-
dabra ,

Saepius et subter repetis , sed detrahe sum-
nam ,

Vt magis atque magis desint elementa fi-
guris

Singula , quae semper rapies et cetera
figes ,

Donec in angustum redigatur littera co-
num ,

His lino nexis collum redimere memento.

GOCCLENIVS *in Phys. L. 2.* Similis farinae, quod contra quartanam efficacissimum putant superstitiosi Iudaei apud BVXTORF. *in Synagog. Iudaic. cap. XXXV. p. m. 665.* qui ita scribit: In manuscripto quodam Iudaico obseruatum hoc experimentum uidi uocem hanc אברקלן chartae pergamenae inscriptam et appensam fugare febrem quartanam ut sicut litterae minuuntur, ita illa quoque gradatim minuatur. Forma haec:

אברקלן
אברקל
אברק
אבר
אב
א

Vidit idem celeberr. Vir in illorum domibus grandioribus elementis אדירירון Adiriron, Bediriron et ita deinceps ut Diriron per totum Alphabethum diduceretur, efficacissimum et praesentissimum sc. pestilentiae remedium. Magis ridiculosa atque iucunda remedia Agyrtarum quorundam reuelauit

B. TIMAEVS

B. TIMAEVS A GVLDENKLEE *in Cas. Med. pag. m. 367.* Laborauerat quidam feбри quartana ultra trimestre, tandemque circumforaneum consulens acceperat ab illo Amuletum Syndoni inclusum de collo appendendum, per dies VIII. gestandum et denique in profluentem demergendum: Hic sanitati restitutus, arcana scire cupiens aperuerit capsulam, atque schedulam inuenit, cui inscripta:

Sett Fleisch, gibet gute Suppen.

Simile quid refert PHIL. SALMVTH *Observat. Cent. III, Obs. 81.* de quodam agyrta, qui loco periapti antifebrilis fasciculum ad aegrotantis collum alligauerat, cui inscripti rhythmī:

Ein Fuchsbelz und ein Marden-Hut,
Sind beyde vor das Kalte gut.

Iucundum sane fuit remedium Studiosi cuiusdam circumuagantis medicinae contra Odonalgiam, qui uetulae cuidam hac laboranti collo appendit schedulam quandam, cui inscripserat: Diabolus tibi rumpat collum, uetula nihilominus conualecente, apud HEVRNIVM *Method. ad Prax. Med. L. III. p. m. 658.* Et ridiculum a tali uetulae Ophthalmia laboranti schedula occlusa appensum: Der Teufel reiß dir die Augen auß, und - - in die Löcher: Quo quidem liberata, sed

G 3

aperta

aperta iussu Confessionarii schedula iterum et atrocius malo correpta fuit apud OTT. MELANDRVM in Ioco - feriis : R. R. Quantam vim legitimae pronunciationi nominis Diuini Essentialis $\tau\omicron\upsilon$ $\text{—} \text{—} \text{—} \text{—}$ attribuant, ex eo cognoscere licet, quod tradant, eum qui debito modo pronunciare nosset nomen

$\tau\epsilon\tau\epsilon\gamma\chi\alpha\mu\alpha\tau\epsilon\upsilon$ maxima perpetrare posse miracula, omnesque curare morbos incurabiles.

Verum ex nulla alia ratione, quam ut Seruatoris nostri miracula extenuent, eumque magiae et furti accusent blaspheme. Tradunt enim CHRISTVM huius nominis pronunciationem in lapide, super quem steterit arca Domini antiquitus, et in quo sculptum fuerit

שם המפורש , Schem hamphorasch didicerit : atque hunc lapidem in templo CHRISTVM inuenisse. Tradunt haec in blas-

phemo isto libello, quem תולדות ישו

inscribere, referente NICOLAO DE LYRA in *Probatone aduentus Christi per Scripturas a Iudaeis receptas* pag. 209. 210. Hunc tamen libellum inter Iudaeos extare negat et

pernegat SALMON ZOBEL (SALOMO HIRSCH) in *Libr. Hebr. Germ.* quem inscripsit : iüdischer Tiriad : et opposuit Iudaeo conuerso dicto Fridrich Franz von Ottingen

C. I. n. 3. Verum satis audacter, cum hodie idem in Christianorum manibus habeatur. Nactus est enim eius exemplar incomparabilis BVXTORFIVS. De quo legi meretur eius *Biblioth. Rabbin. p. 421. et Lexic. Chald. Talmud. Rabbin. rad. תנ"ך fol. 1755. Conf. et THEOD. HACKSPANII Tr. de Scriptorum Iudaicorum in Theologia usu R. Lipmanno affixus c. 1. n. 40. p. 287. SEBALDI SCHNELLI Examen eorum, quae R. Abarbanel ex Es. XXXIV. contra fidem Christianam scripsit Th. 101. et IOH. BEN. CARPZOVIVM in Diss. de Quaest. Quonam Arca foederis peruenierit, Praeside SEB. SCHMIDIO Argent 1658. hab. et in Volum. Dissp. No. 2. fol. 86. Et haec quae a Viris hisce magni nominis adnotata sunt, confirmant etiam tradita satis ridiculosa, ap. BVXTORF. *Lex. Thalmud. in תנ"ך*, et *Histor. Arc. foed. c. 22. RAYMVND. Pug. fid. P. 2. c. 8. §. 6. it. LVNDIVM in iüdischen Heiligthümern fol. 262. Fuisse sc. Lapidu huic Nomen Diuinum inscriptum, et hoc nomen qui ex Israëliticis sciuerit, mundum deuastare potuisse. Huic malo ut praeueniatur, duos ingentis magnitudinis canes ante Sanctissimum in II. aeneis columnis positos fuisse. Hinc factum, ut quoties aliquis hoc legerit nomen atque exierit, tantos et horrendos**

rendos ediderint eiulatus canes, ut homines
perterrefacti huius obliti sint nominis.
IESVM uero ex Nazareth dolose hoc no-
men legisse, memoriae mandasse, et perga-
menae inscriptum pedis scissurae inseruisse,
sicque post exitum ex notitia huius nominis
miracula sua patrasse. Magis adhuc blas-

pheme R. ABRAHAMI apud SEB. MÜNSTER
Not. ad c. II. Matth. Hebraic. fol. 52. 53. Edit.
Basil. An. 1537. in fol. legere potest. L. B.

In re Botanica quoque Botanicorum quidam
nimis curiosi sunt, quod certa uerborum
prolatione herbas colligant. Docet id exem-
plo Menthae APVLEIUS *de Virtut. Herb. p. 397.*

quam mense Augusto ante solis exortum le-
gendam iubet, addita prece: Te precor herba
Hedyosmos per eum qui nascite iussit,
uenias ad me hilaris cum tuis uirtutibus, et
effectu tuo, et ea mihi praestes quae fide a
te posco. Mittimus haec et similia alia quae

passim nota, et quamuis quaedam ex his in-
scriptionibus nihil mali neque barbari in se
contineant, eo ipso tamen quod superstitionis
plenaе reiiciendas a Christiano ducimus.

Confugere quidem possent Defensores ad
imaginationis effectus, quos magnos in hoc
terrarum orbe undique depraehendimus.

Adeo ut et Magnif. noster BECMANVS Regalia
Medica

Medica Maiestatis et Anglicae et Gallicae pro huius phoenomenis habeat; Conf. *Lineas Doctr. Moral. c. II. th. 4. pag. 13. et Not. Dign. Illustr. Diss. V. c. II. th. 4.* Verum haecne imaginatio quoad remedia uana in morbis Christiano digna sit iure dubitamus, qui et non ignoramus quoad tactus regios uirum immortalis famae MORHOFIVM in *Diss. Princeps Medicus Rost. 1665. hab.* non leuiter haerere.

Quaer. (3.) *Quid de Fiducia aegrotorum statuendum?* Resp: Fiduciam aegri de Medico curante conceptam posse plurimum docet experientia et sana ratio. Docuit id iam olim GALENVS I. *Prognost.* dum dicit: Confidentiam aegri de Medico plurimum facere ad salutem, idque se in seipso expertum esse, et propterea illum Medicum melius sanaturum, qui melius poterit persuadere. Testatur ALBERTVS M. 4. *de Anima* scribens, aegrum per confidentiam de suo Medico tantum sanare seipsum, quantum Medicus medicamentis. Conf. pluribus FIENVS de *Viribus Imaginat. pag. 191.* BOHNIVS *Diss. II. §. 4. de Officio Medici.* Elegans exemplum refert BARTHOLINVS de NICOL. KAASIO, *Illustr. Reg. Maj. in Dania Cancellario*, qui accedente ad illum Medico IO. PALVDANO, statim ab aegritudine

tudine respirans laetus exclamauit : Egregie fidem meam *Paludane* iuuiſti. Videant tamen aegroti probe cui fidant , ne ſc. talis Medicus ſit , de quo BARTHOLINVS p. 53. *l. cit. loquitur h. uerbis* : Ruſtici , Paedotribae Sacerdotes , aniculae , et carnifex ſpe pretioque ſollicitantur , hoc uno a latronibus differentes , quod ciues intra moenia et non in montibus depraedentur , ut alibi GALENVS loquitur. Nam :

*Fingit ſe Medicum quiuis idiota , Sacerdos ,
Iudaeus , Monachus , Hiſtrio , raſor ,
anus ,*

*Miles , Mercator , Ordo , Nutrix , et Arator ,
Lamæa , Decoctor , Pharmacopola , magus.*

Quos pluribus deſcribunt NESTERVS in *Praefat. ad MACASII Promptuar. Mat. Med.* et BOHNIVS *Differtat. I. ſ. 20. de Officio Medici*. Concedendum praeterea aliquid eſſe exiſtimamus Phantaſiis aegrotantium , maxime melancholicorum , quo Spiritus exaltari et uires intendere poſſint omnes naturales ad Materiam morbificam expellendum uel emendandum. Refert hic ſeriis ut miſceamns amoena , THOMAS A VEGA , quendam ex ſuis decumbentem cauſo frequenter in delirio obnixiſſime Medicos rogaffe , ut liceret ſibi in
iſto

isto stagno (pauimentum monstrabat) natare, dicendo, quod exinde esset conualiturus: Et Medicos id ei tandem concessisse: Illum tum in pauimentum mox se deiecisse, et cum in eo aliquanto temporis fuisset, uolutatus, cum summa laetitia dixisse, aquam nunc ad genua et paulo altius adscendisse: Et cum ultimo sibi persuaderet, eam iam usque ad guttur peruenisse, dixisse se iam sanum esse, et reuera sanum euasisse. Plura non adducimus exempla passim in Melancholicis obuia, quibus concludimus, fiduciam sanam erga Medicum probum magno in curandis morbis adiumento esse, sed caueant aegroti, ne nimia fiducia erga ministrum Principem negligant.

§. V.

In ceteris L. B. dum uides Disputationem nondum ad finem perductam quippe iam Tractatio ulterior de Epileptia ceterisque promissis affectibus adiungenda foret, haec quae omissa ob angustiam temporis post haec Solennia tibi promittimus. Praecipue uero cum quasdam ultiores deductiones in §. III. promissas esse nobis in mentem veniat illae uero desint, ne quasdam haurias opiniones contra mentem nostram ob breuitatem nondum satis explicatam sed in fine demum disputationis

tationis ex proposito nostro explicandam. Praemonitum te uolumus L. B. ne quae §. III. diximus, ita interpreteris, quasi τὸ naturaliter, prout communiter de rebus corporeis solet, intellectum esse uelimus; Dicimus enim in CHRISTO i. e. Theantropo, remedia haec naturalia fuisse, a uirtute diuina exalta et suffulta, humanamque naturam absque ea nunquam adeo efficacem sese ostendere potuisse: Nullam aliam in medicamentis etiam mere naturalibus agnoscimus uim, quam τὸ Θεῖον in prima creatione per uerbum fiat impressum et ex parte post maledictionem omni agro factam, residuum, quapropter diuinam illam potentiam a natura humana nequaquam separamus aut excludimus, pro fine obtinendo, necessariam, cum et sine ea i. e. natura diuina non potuerit esse CHRISTVS.

§. VI.

Peruenimus nunc ad miros obsessionis effectus a *Matthaeo* c. XVII. u. 15. sqq. coll. *Marc.* IX. u. 18. 20. *Luc.* IX. u. 38. adnotatos *Epilepsiam* puta, *Lypothomiam* et *Surditatem*. *Epilepsiam*, eamque perfectam, ut institutum meum continuem, cum Excell. Dn. Praeside meo in *Disp. Inaug. de Epilepsia*, hic Resp. D. MONSCHEIN An. 1700. hab. c. I.

p. 3. describo, quod sit affectus, quo terribili suffusus horrore animus repentino obtorpescit nubilo; sensus tam interni, quam externi uidentur oboliti, neque de memoria in paroxysmo unquam constitisse aegro compertum; Motus si non abolitus, adeo tamen deprauatus existit, ut uel in totum, uel quoad plurimas partes conuulsione ex statu naturali distorqueatur corpus misellum, sine ulla praesensione uel morbi subito prostratum: praesertim autem contrahuntur manus incluso pollice, strident compressi dentes, spumaque circa os cum stertore clamoso aut boatu sese exferit; nec raro ipsa respiratio, si non in totum cohibita, ad minimum difficilis est: Interdum semen et excrementa sponte fluunt etc. Causam alii ab humoribus pituitosis et melancholicis in cerebro turbam mouentibus, alii a spiritu acido uolatili, alii a cumulato sero in uentriculis cerebri, quod particulis suis nitro sulphureis seu biliosis spiritus animales rebelles efficit, atque motum ut WILLISIVS loquitur, explosiuum producit, conf. prolixius deducentem DOLAEVM in *Encyclop. Med.* p. 140. Hoc certum, maxime phoenomenon hic esse conuulsionem, quo mobilis pars ex statu suo naturali in praeternaturalem cogitur; quoque ratione id fiat,

fiat, maximo ex ordinarii motus ratione cognosci poterit, unde facilis deinde ad contrarium patet conclusio. Nos ne nimis prolixi uideamur, breuissimis uerbis concludimus, motum ordinario in contractione musculorum a. insufflatione ab influxu legitimo spirituum animalium naturaliter sese habentium orta consistere: Et ex his requisitis unum uel alterum si deficiat, oriri conuulsionem. conf. ex Physiologis BOHNII *Circulum Anatom.* et VATERI *Disp. Physiol V. de Motu Animal.* Methodum influxus uero quaeque naturalis esse debeat natura spirituum animalium noua hypothesi atque doctissima describit Excell. Dn. Praeses *l. c. c. III. p. 13. sqq.* quem legendum Tibi L. B. commendo. Concipit hic Excell. Vir Spiritus animales non aliter, ac subtilissimas summeque mobiles sanguinis particulas, quae dum motu cordis ad cerebrum propellae crassioribus ac magis uiscidis sese extricare et recta linea pergere conantur, obstantibus autem his deflectunt, et in gyrum aguntur, hac gyratione sibi integumentum ex iis formant, quo in bullulas coguntur concentratae et pressae, ut aliter fieri non possit, quin uim elasticam aut expansiuam secum habeant. Hanc confirmant thesin fermentantes liquores, aqua sapone grauida

grauida tubulo et lusu puerili in bullas co-
acta, bullulae in acidulis diffilientes, item
globuli quas LOWENHOWCK in *Anatom. rerum*
p. 102. et 103. in nouo optico bouino detexit.
Bullulae igitur naturales et ordinariae i. e.
in quibus proportionata mixtio, et tempe-
rata tegminis compositio, rotundae et facilius
mobiles canaliculos neruorum subeunt; hinc
musculis datae, et ab insequentibus propul-
sae, blande diffiliunt, ruptoque tegmine, uis
elastica liberata explodit, qua explosione fibrae
musculorum distentae abbreviantur, secum-
que membra connexa contrahi et moueri
faciunt. Quod si vero praeternaturales,
i. e. si partes eam constituentes spissiores rigi-
diores, falsae acidae etc. tunc aether uel in-
sufficiens est ad motum, unde densitas, ob-
scuritas, caligo etc. uel si ab aethere impe-
tum faciente licet difficiliter semel commotae
fuerint, impetuosius, ut corpora maiora et
compacta solent, et maiori ui illidunt et con-
cutiunt. Distinctio nunc quoque adhibenda
erit inter Idiopathicam et Sympathicam, et
illam iamiam dum considerauius, quaedam
de hac dicenda restant. Deprehendimus
uero hanc ex consensu partium tum interna-
rum tum externarum. Sic a uentriculo,
a liene et pancreate conf. *Ephemerid. N. C.*
Dec.

Dec. II. An. II. obs. 148. p. 324. Dec. I. A. I. Obs. 85. p. 203. Dec. II. A. VIII. Obs. 101. p. 229. et 230. Dec. I. An. VI. Obs. 133. p. 180. ab utero, hysterica dicta, haecque uel mensibus suppressis, semine et secundinis retentis, foetu mortuo, partu, conceptione etc. conf. FORESTVM L. XX. obs. 115. HILDANVM Cent. VI. Obs. 25. Ephem. N. C. Dec. I. An. III. Obs. 140. p. 201. Obs. 317. p. 534. Dec. II. An. II. Obs. 32. p. 62. An. X. Obs. 89. p. 160. A. VIII. Obs. 101. p. 229. a partu laborioso TIM. a GULDENKLEE Epist. II. L. I. a Suppresso Semine in Viro ZACVT, Prax. L. II. Obs. 109. ab intestinis a. ab acido maligno Eph. N. C. Dec. II. A. II. p. 470. A. VII. app. p. 133. a uermibus, conf. Dn. Praesidis l. c. p. 9. obseruationes. BONETVS in Anat. pract. L. I. Sect. XII. fol. 542. PECHLINVS Obseru. 29. p. 287. a Scarabaeo Ephem. N. C. Dec. II. A. I. obs. 124. p. 317. ab animalculo lacertam referente capite uiridi ast uentre rutilo Dec. II. A. X. Obs. 166. ab ol. Vitrioli. DECKER. Exerc. Pract. p. 186. ab assumpto Helleboro IAKSON Compend. Theoret. Pract. ab assumpto Euphorbio. TVLPIVS. Obs. Med. L. I. c. 18. ab Externis partibus instar aurae frigidae ad cerebrum procedente. GALENVS III. de hoc aff. c. 7.

Ex tibia HEVRNIVS *Comment. ad aph. 7. Sect. V.* Ex Hypochondriis it. ex aliis partibus extremis sensim surgentem et incipientem ap. TH. BARTHOLIN. *obs. med. Cent. III. obs. 21.* ex sinistro pedis pollice amputato. *Ephem. N. C. Dec. I. A. VI. et VII. obs. 77. p. 112.* ex manu et brachio sinistro. *Dec. I. A. III. obs. 336. p. 548.* e sinistrae manus medio digito HILDANVS *Cent. VI. obs. 24.* e digito cum spasmo incipiente *Eph. N. C. Dec. II. A. VIII. obs. 36. p. 100. A. VIII. p. 459.* ex pollice pedis BORELLVS *C. II. obs. 95.* H. ab HEER. *obs. 24.* In muliere circa plenilunium ap. DECKER. *in Exercit.* cum tumore digiti pedum minimi singulis nouiluniis BARTHOLIN. *C. I. obs. 82.* Rariora exempla sunt a sono campanae et intuitu cuiusdam caesarei Donavverdae *Ephem. N. C. Dec. II. A. II. obs. 149. p. 326.* a uiso lepore uiuo seu mortuo seu picto. *Dec. II. A. III. app. obs. 45. p. 209.* ex mitra passerum plumis infarcta *A. VII. app. obs. 5. p. 133.* a cerebro passerum. *A. III. obs. 190. p. 372.* a spectro *Dec. I. A. VI. obs. 32. p. 65.* a fascino *Eph. N. C. Dec. II. A. II. p. 335.* de quo obseruationes non quidem in totum negamus, interim ueniam impetraturos non speramus, si non cuiuis anili fabulae absque iudicio et censura subscribamus. VNZERVS *de Epilepsia L. I. c. 16. §. 2. p. 98.* inter causas externas etiam

Daemonem seu spiritum malignum, qui corpus exagitet et materiam ad cerebrum, refert ex *Matth. XVII. Marc. VIII. Luc. VIII.* Loca quae huic §. materiam dicendi suppeditarunt. Dicitur in Historia Sacra noster aegrotus ὅτι σεληνιαζεται, in quem Daemonium potestatem habet. *Aethiops Pers. et Arab. uersio* D. LVTHER. Er ist monstüchtig, cui et conformes sunt reliqui interpretes uertentes: quia Lunaticus est i. e. a Luna patitur. Notum enim ex Scriptoribus Medicis, quod a fermento lunari maxima capiat incrementa, et ad eius conuersiones periodos suas seruet paroxysmus, maxime circa nouilunium, ut hinc medici maxime in phasibus lunae adhibenda medicamenta suadeant; addunt et alii rationem hanc, quod natiuitas in eclipsi lunari maxime eo inclinetur. Eidem *Matthaeo c. III. u. 24.* eiusmodi infelix homo dicitur σεληνιαζόμενος *sideratus* ex uersione ERASMI (sc. in prima editione, nam in secunda id ultro mutauit uid. ERASMI. in *Stunice*.) sed male, prout censet *Stunica in append. crit.* *Siderati* enim dicuntur, quorum corpora ui quadam occulta siderum momento temporis arefacta redduntur, a quibus ut nomine, ita et re differunt lunatici. GROTIUS *ad h. l.* annotatu digna quaedam affert, dum docet,

quan-

quanquam Graeci morbo caduco laborantes
 σεληνιακὸς interdum uocent ; uideri tamen
 hic malum grauius et a naturalibus causis
 remotius indicari , cui tamen adfit ἐπίληψις
 siue Epilepsia. Nam infra c. XVII. n. 15. ἐκ
 deinceps , qui σεληνιαζόμενος uocatur , osten-
 di fuisse et ἐπιληπτικὸς et δαιμονιζόμενος .
 Comprobare cupit hoc assertum ex FIRMICO ,
 qui aperte distinguat lunaticos a caducis , et
 AEGINETA , qui quosdam σεληνιακὸς dicat esse
 ὡς ἐνθεάζοντας tanquam numine afflatos ;
 item ex BASILIO et HIERONYMO , qui non
 aliter interpretentur. Arabs eandem syno-
 nymiam nobiscum agnoscit , dum σεληνιαζο-
 μένος uocat , qui corripuntur in initiis luna-
 tionum i. e. in nouiluniis , quando interlu-
 nium est ex LVD. DE DIEV. Syrus contra
 pro Somnambulone habet , dum *filios tectis*
 interpretatur , quasi tectis addictos , quod
 illorum proprium dum dormiunt surgere et
 instar felium tecta aedium conscendere. Nos
 circa synonymiam amplius non sollicitos no-
 strum praesentem patientem (uti loquuntur)
 epilepticum fuisse signa diagnostica ex descri-
 ptione haurienda dubitare non sinunt ; Pe-
 ctoris angustia , stridor dentium , *τείζει τὰς*
ὀδόντας αὐτῆς , spumae collectio in ore , con-
 uulsiones per totum corpus , τὸ πνεῦμα

ἐπαράξεν αὐτόν. καὶ πεσὼν ἐπὶ τῆς γῆς
 ἐκύλιστο ἀφρίζων ap. *Marcum* u. 20. com-
 probant satis, quae diximus. Confirmant
 Thesin accurati Medici BARTHOLINVS *de*
Morbis Biblicis p. 81. qui et recte Epilepticum
 hunc nostrum aegrotum censere VNZERVM
L. I. de Epileps. c. 1. affirmat, atque idem
 fere, quod nos supra, docet, morbum sc.
 lunaticum dici uel quia secundum uarios
 lunae motus et adspectus nonnullos inuadit,
 uel quia interlunio concepti atque nati huic
 morbo obnoxii existimantur. VOGLERO *de*
Rebus Natur. et Med. quarum in Script. fit
mentio p. 308. eadem sententia omnino certa
 uidetur, ac eo magis, quoad hanc historiam
 uerisimilis, quod affectus ipse prae aliis maxime
 horrendus sit, et etiam eo malignus genius ma-
 xime delectetur, et miseros homines diuexet.
 Idem approbant Commentatores CAMERO,
 LVD. DE DIEV, WALAEVS, BRVTVS, HAMOND.
 GROTIUS etc. Conf. POLVM *ad b. l.* Agno-
 scunt praeterea hi auctores omnesque fere
 reliqui, Daemonem pro causa huius mali
 funestissimi, maxime moti u. 25. et 29.
Marc. c. VIII it. *Matth. loc. c. u. 21.* quanquam
 quoque non desint, qui Euangelistas ex vul-
 gari gentis opinione loqui tradunt, qua
 morbos grauiores et eos praesertim quibus
 uel

uel distortum corpus, uel mens turbata Daemonio attribuit. Conf. LIGHTFOOTI HOR. TALMVD. *ad h. l.* et OTTHONIS *Lexic. Philol. Rabbin. tit. Daemones.* Alia ratione D. HIERONYMVS *Comment. in Matth. c. III. n. 24.* Daemones fraudis accusat, atque mendaciorum patres agnoscit, dum non uere lunaticos fuisse commentatur, sed qui putabantur lunatici ob Daemonum fallaciam, qui obseruantes lunaria tempora creaturam infamare cupiebant, ut in creatorem blasphemiae redundarent. Et WILLISIVS quoque *c. 2. de morb. Convulsu.* refert, esse non infimae notae Theologum Anglum qui plures daemoniacos in nouo testamento tantum epilepticos fuisse asseueret, idque et ad nostrum applicet. Nos licet praesupponamus Daemonem adfuisse, malum etiam hoc *παῖδιόθεν*, ab infantia afflixisse aegrum, difficile tamen decidi poterit, an Daemon iam epileptico infortunio puerili et infantili associauerit se demum, adeoque auxerit illud, an ipsius imperium infelix solum has exitiosas leges naturae tulerit atque sanitati. Nobis sufficit Daemonem quandam possessionem permissu DEI sapientissimi atque iustissimi citra periculum animae rationalis absque dubio habuisse, ut hinc et quidam auctores hanc

epilepsiam diuinitus immissam statuunt, eo quod *Θέου τὴ* subsit. Ex conuulsionibus porro ab operatione Daemonis eiusque uoluntate ortis procul dubio quoque euenit, ut surdus atque mutus factus sit epilepticus noster, idque ideo, quod quemadmodum organa auditus ita et lingua eadem praeternaturali dispositione cohibita; cui accedere potest et illa ratio non contemnenda, quod auditu priuatus homo atque orbis sermonem addiscere non potuerit; AMMANNI enim *surdus loquens* incognitus t. t. fuit. Et sic explicato hoc epilepsiae exemplo, uisis etiam consuetariis *surditate* sc. et *ἀφασία*, adiunctum quoddam epilepsiae adhuc restare uidetur. Exprimitur illud uerbis *καὶ ἐνεαίνεσται* et arescit. ERASM. PISC. etc. Vnde fit ut totus arescat, descriptio est VATABL. Et tabescit GROT. sic et *שׁוֹב* Zach. XI, 17. BRVT. et CAPELL. uertunt. CL. HEINSIUS alia hic commentatur: Potest, inquit, hoc referri uel (1) ad Spiritum, tunc uertas et *abit* seu euanescit, ut *ἐνεαίνεσται* idem si quod Hebr. *יָדַי*, quod Hellenistae reddunt modo *ἐξαιρέω* recedere aut abire ut Gen. XXXV, 5. Exod. VIII. 4. modo et *ἐνεαίνεσται* i. e. abire uel non apparere ut Zach. X, 2. uel (2) ad *ἐνεργήματα* siue afflictum, tunc uertas et *defecit*, ut *ἀνεργήσται*

λεηνοδομίαν uel ἀναίθροίαν innuat sic aut designet; ut ἐξηραίνεσθαι idem sit quod שׁבִּי ut passim in Psalmis, ἐξηράθη ἡ καρδιά μου. etc. uidemus ex his sententiis, alios pro ἀναιθροία explicare alios maxime Cl. HEINSIVM pro λεηνοδομία, cui et nos accedimus, praecipue u. 26. *Marc.* l. c. moti, quaque in sententia confirmamur etiam, quod ἐξηραίνεσθαι *deficere* significet apud auctores Graecos, et hic defectus animi seu deliquium Epilepsiam sequatur communiter. De cura, ut breues addamus theses, tradunt scriptores sacri itidem uerbis CHRISTVM illum restituisse sanitati, dum Daemonem ui maiestatis eiecit, et sic sublata causa sustulerit effectum: Lypothomiam seu potius syncopen deinde perpesum puerum manu apprehendit; hocque ipso communicando uitalem spiritum et restituendo cordi calorem, motumque sanguinis debitum, puerum ad se redire et conualescere per contactum effecit.

§. VII.

Mirum iam DEI, Omnipotentis Creatoris, dominii in mundum rationalem exemplum attenta mente considerabimus, agnoscentes ex his in primordiis statim, morbis quandoque Θεῶν ἵ reuera subesse, nam:

*Non est in Medico semper ut eleuetur
aeger.*

CONF. IORDANI *Scriptum de eo, quod diuinum
est in morbis.* Est illud manifestum in coeco
a natiuitate *Iob. VIII. u. 6.* atque confirmat
u. 3. qui nos docet, ideo huic ademptum
fuisse uisum, *ὡς φανερόν ἦ τὰ ἔργα τῶ Θεοῦ
ἐν αὐτῷ.* Exemplum curae a CHRISTO
institutae eo magis admirandum, quo magis
a causis naturalibus, iisque paratis medica-
mentis fuerit remotum. Clausa igitur at-
que tenebricosa licet haec sint adyta, facie-
mus tamen periculum magis ex necessitate
medica praesenti, quam curiositate illegali,
et quousque progredi licebit, causam huius
mali, seu medium, quo DEVS hoc produxit
infortunium fortunatum scrutabimur. Spe-
cies caecitatis est, eiusque non demum post
partum, quae contingere solet hominibus,
sed quae in ipso utero materno, uel partu
diuinitus immissa fuit nostro. Duas alias
potissimum inter homines caecos in usu esse
caecitatis species palam est; appellanturque
suffusio siue *catarracta* der graue oder blaue
Staar, et *gutta serena* der schwarze
Staar. Haec describitur, quod sit uitium
oculi, quo oculi naturalis constitutionis nul-
liusque uitii speciem prae se ferunt, nihilo
minus

minus homo omni priuatus est uisu. Rationem huius phoenomeni ut et uisus, accurato cum iudicio mathematico ad mentem huius felicioris aevi composito demonstratam lege in *Disp. Inaugurali de uisu integro et corrupto et in specie de gutta serena*, quam hic MART. DAN. IOHRENIUS iam *Med. Doct. Amicus atque Fautor ex animo sub praesidio Excell. Dn. Parentis praesidis mei anno 1761. habuit*. Suffusio siue supremus gradus cataracta potius, cuius indolis et nostri caeci affectum fuisse credimus, miseriam suam debet particulis crassiusculis, uiscidis iisque fibrosis et sibi inuicem intexris humorem aqueum obtegentibus: et eadem particulae, si nondum conglutinatae, sed uolitantes atque uagae, suffusionem producant, qua culices, muscae, festucae, retia, etc. ob oculos uersari uidentur. Concomitatur hoc malum perfectum clausio oculorum sibi quae et oculis agglutinatae quasi palpebrae deprehenduntur. Specialiora circa causas obseruamus quaedam apud *Ephem. N. C.* adducta. Norunt illae caecitatem ex barbae et pilorum tonsura *D. II. A. III. p. 202. app. A. VIII. p. 294.* certa anni tempestate uirginem inuadentem *D. II. A. VI. p. 169.* Ex cancro latente. *D. I. A. II. p. 130. a Coitu D. II. A. V. p. 56.*

H s. app.

app. ex Dysenteria nimis cito adstricta *D. II. A. X. p. 159.* post Epilepsiam in parturiente. *D. I. A. III. p. 293.* a fumo ligni uiridis. *D. II. A. X. p. 38.* ex Nicotianae intermisso usu. *D. II. A. V. p. 459.* Ex scabie capitis sanata. *D. II. A. VIII. p. 255.* Ex stercore columbino. *D. II. A. V. p. 76.* *app.* a stramine in nare fracto. *D. II. A. VI. p. 287.* a VSctione *D. II. A. V. p. 292.* *app.* a uermibus. *ibid. p. 346.* a uini adusti nimio usu. *D. II. A. VIII. p. 198.* a conuulsione. BONET. *In Sepulchr. L. I. Sect. 18. obs. 8.* a forti sternutatione HILDANVS *Cent. I. obs. 24. et C. V. obs. 24.* Ex alapa ZACVT. LVSIT. *L. I. Prax. obs. 52.* a sudorifero RHODIVS *Cent. I. obs. 37.* a VSctione FONTANVS *Exempl. X. f. 48.* Ex ueneno. TVLPIVS *L. I. c. 31.* a purgatione AMMAN. *Med. Crit. p. 530.* a uomitorio HILDANVS *Cent. V. obs. 19.* a bombardarum horribili fragore. SCHENCKIVS *L. I. obs. 306.* in Monacho quoties barbam raserit. BARTHOLIN. *Cent. III. Epist. p. 175.* parallela exempla inuenies apud PAVLLINI in *Zeitfürzende erbauliche Lust. P. I. p. 40.* Fortuitam in illustri quadam Westphaliae persona subito in capitis dolore obseruauit Excell. IOHRENIVS *Pater ex Relatione Filii in Disput. cit.* illamque adhibito Spir. Volat. Oleos.

Oleos. post 24. horas restituit etc. medicamento iam nobis progredientibus natura atque compositio consideranda erit medice. Deprehendimus sputum siue saliuam et puluerem fuisse ingredientia, quibus commixtis et ex his collyrio effecto coeci huius palpebras illiniuit CHRISTVS die Sabbathi, atque si non perfecto sufficienti tamen ad uiam inueniendam (nisi illum quidam eo deduxerint) uisu instructum ad piscinam Siloha ablegauit, quo in ea se leuaret. Interpretatur haec piscina Siloha a S. Scriptore, ἀπεσάλμενος: Fons enim Siloam duplici riuo se effundebat in duplex stagnum, superius dictum **פִּיֶּשֶׁת** Es. VIII, 6. quod significat ἀπεσάλμενος. Inferius **נֶחֱמִשׁ** Nehem. III, 15. quod Graeci uocant τῶν κωδίων, pellium q. d. piscina pellium. Ita LIGHTFOOT. ad h. l. et in *Disquisition. Chorograph. Sect. III. p. 34.* Dignae hoc uocabulo Grotii Meditationes, quas antequam hinc discedamus, praetereundas non duximus: Sic ille: *Quoties uocis interpretationem adiungunt Euangelistae, ostendunt ad eius significatum alludi. Siloah dictum uolunt Hebraei, quod inde aqua emitteretur. CHRISTVS qui ubique se uocat missum a Patre Job. III, 17. 33. et V, 36. 38. et alibi*

alibi passim, unde et ἀποσολος dicitur Hebr. III, 1. per hanc κολομβήθραν τῆ ἀπεσολμῆναι intelligit uerbum suum, uerbum emundans Eph. V, 26. Act. XV, 9. Quod qui contemnerent, iis incumbabant clades similes iis de quibus locutus erat Es. VIII, 6. id enim uaticinium iterum completum est in Excidio Hierosolymorum. Neque incredibile est respexisse Johannem simul ad celebre Jacobi uaticinium, ubi חלש, uel cum epenthesi חלש, per ח non per ח, in antiquis fuisse Codicibus documento est HIERON. uersio, qui mittendus est etc. Oculos igitur non de nouo creasse CHRISTVM, quod quidem ex Patribus CYPRIANVS, CHRYSOSTOMVS, THEOPHYLACTVS, AVGVSTINVS et qui hos secutus NONNVS statuere ap. HEINSIVM in Exercit. Sacr. c. 8. Sed apertos tantum atque ordinariis humanae naturae requisitis ad uisum exornatos recte statuit TH. BARTHOLINVS l. c. p. 95. cuius et Carmen 42. ex L. VII. Eius Carm. hanc concludat §:

Prima Luto debent nostrae primordiae
uatae,
Exque Luto reficit languida membra
DEVS.

Vide-

*Viderat hoc caecus, cuius referantur ocelli,
Ut quoque discamus nos meminisse
Luti.*

Illustravit huius piissimi Medici meditationes
et olim ATHANASIVS in Opp. T. II. f. m. 327.
dum scripsit: ἐπὶ τῇ τυφλῇ ἐποίησε πηλὸν,
καὶ ἐπέχεισε τὰς ὀφθαλμούς αὐτῇ, ἵνα δείξῃ,
ὅτι αὐτός ἐστιν ὁ πλάτας καὶ ἀρχαῖς τὸν
ἄνθρωπον ἐκ τῆς πηλῆς. Super caeco fecit Lu-
tum, et eius oculis illiniuit, ut ostenderet,
quod ipse sit, qui ab initio formauit hominem
ex luto. Et fol. 255. quoad aegrum. ἔδῃ ὁ
τῷ πύσματι τῆς τυφλώσεως ἐλευθερωθεὶς
εἰς πύσμα τὴν πεποίθησιν εἶχεν. ἀλλ' εἰς τὴν
ἀήτητον ἐξουσίαν τῷ κελεύσαντος αὐτὸν ἔτω
τὴν ἰασιν δεῖξασθαι. Nec in spūto fiduciam
suam fixit is, cuius caecitas spūti remedio sa-
nata erat, sed in inuicta eius potentia, qui
hac illum ratione sanare voluit.

§. VIII.

Alterum Salinae CHRISTI effectum
in curanda caecitate forte eiusdem naturae
cum praeced. conspiciamus. Marc. VIII, u. 23.
πύσας εἰς τὰ ὕματα αὐτῆς ἐπιθεὶς τὰς χεῖρας
αὐτῇ. D. L. Sprühet in seine Augen, und
leget seine Hand auf ihn, uerba sunt S. Marci,
quas

quae satis quidem ostendunt, et impositione manuum u. 25. ex oculis dissipatam fuisse caecitatem, et saliuam. Qui uero modus applicandi saliuam, proieceritne immediate in oculos cum impetu sputum, an eodem modo quo *Iob. VIII.* Sputum illinerit digitis, eosque hac madidos imposuerit oculorum palpebris decidere nolumus.

§. VIII.

Ad surdum restituendum atque mutum quoque profuisse CHRISTI saliuam testatur *Marc. c. VII. u. 33.* uocat is nostrum patientem (1) κωφὸν surdum ex uersione ERASMI. BRVT. AR. MONT. D. LVTH. etc. uti sumitur *Matth. XII, 22. et XV, 31.* quem tamen Beza Surdastrum interpretatur, dictumque surdum siue κωφὸν ex communi loquendi usu hyperbolico existimat. Nos hic a littera haud discedentes attendimus (2) miseriam, quae ipsum Μογιλάλον uocat. Alii qui miraculum commendare cupiunt, mutum uerunt, i. e. ἄλαλον ex u. 37. atque in auxilium criticum uocant LXX. quae hebraeον **דלן** *Exod. III, 11. Es. XXXV, u. 6.* reddit per Μογιλάλον ac utrobique uerum mutum significari statuunt. Sic. LVD. DE DIEV. HAMMOND. D. LVTH. *aliique.* Alii impeditae linguae

linguae reddunt siue hominem tardiloquum, balbutientem siue difficulter loquentem a Μόγῃς siue Μόγος labor, difficultas, et λαλῆν loqui. Probare satagunt hanc thesin (1) si de muto ageretur, quorsum hoc adderetur; nam qui natura surdus est, idem etiam mutus intelligitur, (2) Paulo post non dicit illum CHRISTVS loqui coepisse, sed recte loqui. (3) Sibi haud obstare u. 37. eo quod α particula graecis saepe difficultatem significat, uel praeter hunc balbum alios mutos IESVS sanauit, et LXX. modo ἄλαλον Ps. XXXIII. 14. modo μεγαλᾶλον uertere. Modum curationis descriptum nobis reliquit u. 33. et 34. ex quibus paucis illum delibabimus. Postquam illum ne ostentabundus uideretur a populo abduxerat digitos suos in concham aurium uel meatum auditorium potius misit profundius, quo morbificam constitutionem tolleretur mirabiliter. Expuebat dein in digitos absque dubio, iisque inunctis saluberrima saliuā tetigit linguam, uel uitro a natiuitate uel aduentitio laborantem. Qua ex ratione saliuā iterum adhibita, Scriptores decidere nolunt, unde et nos interim tantum H. GROTIJ adducimus decisionem, qua opinatur CHRISTVM saepe externo aliquo signo inaspectabilem efficaciam ueluti spectantem

spectandam exhibuisse, atque eadem metho-
do digitis in aures immissis, irrigataque lin-
gua testatum fecisse, se eum esse, cuius ui-
clausi meatus quasi perterebrarentur, et lin-
gua palato adhaerescens motum recuperaret.
Signum porro sequebatur, quo ad Patrem
referebat operis gloriam, ut pie satis GRO-
TIVS loquitur, sc. suspexit in coelum, atque
ingemuit, non ob difficultatem operis pa-
trandi, aut a patre impetrandi, sed miserans,
ut credibile est, humani generis labores.
Exemplum sane, quod omnes probi medici
pie imitari debent conf. BOHNIVM *in Diss.*
II. de Officio Medici §. 28. et magni uiri imi-
tati sunt, conf. BARTHOLIN. *de Paral. N. T.*
p. 61. HORSTII *Medicæ Precationes pro com-*
modo aegrotantium, etc. Nam:

Ni DEVS adfuerit uiresque infuderit
herbis,

Quid, rogo, dicemus, quid Panacea
iuuat?

AVGVSTINI quoque uerba aurea: *Qui sine*
Saluatore salutem uult habere, non sanus, sed
aeger, non prudens, sed stultus, in aegritudi-
ne assidua laborabit. ΕΦΦΑΘΑ denique post-
quam dictum erat, siue cum impetu illud
pronunciauerit (quorsum tendere uidentur,
qui

qui ἐσέβαξε per hebr. **פִּי** ex LXX, *Iob.* XXXI, 38. et **וּפִי** *Iob.* XXIII, 12. expou-
nunt) siue non, cura finita legitur, et occa-
sionem simul primitiuæ ecclesiæ dedit, my-
stice ad ritus baptismi hæc transferendi facta
CHRISTI, sc. uocem ἐφφαθα, tactum au-
rium et linguæ cum saliuâ, ut significaretur,
non minus interna mentis impedimenta tolli
per spiritum CHRISTI, quam in isto homi-
ne sublata fuerant sensuum impedimenta.

§. X.

Haftenus multoties adhibitam fuisse a
Seruatore saliuam dum uidimus, uidendum
etiam existimamus, quæ humanæ nostræ
uis naturalis, ut eo facilius deinde, quæ sali-
uæ CHRISTI uis humana aut quæ diuina
concludi possit. PLINIUS *L. XXVIII. c. 4. H. N.*
quæ suo tempore saliuæ adscripta fuerit
efficacia, plenius nos docet h. u. Hominum
uero ieiunam saliuam contra serpentes prae-
sidio esse docuimus. Sed et despuimus co-
mitiales morbos h. e. contagia regerimus.
Simili modo et defascinationes repercutimus,
dextraeque clauditis occursum. Veniam
quoque a Deis spei alicuius audacioris peti-
mus, in sinum spuendo. Eadem ratione
I terna

terna despuere praedicatione, in omni medicina mos est. Et uim alexipharmicam ipsi inesse *Ephemer. N. C. Dec. II. A. VI. p. 151.* quoque obseruant, de rustico in Apulia quodam dicto Lucio, qui a uiperis aliisque uenenatis animalibus demorsum saliuua sua uulnus tangendo mox seipsum sanauit: quin et eandem aqua commistam uenenis febribusque curandis miram uim ei potu assumpto impertiisse scribitur, armentis quoque morbo-
sis et canibus rabiosis adpersam, recuperasse sanitatem; qua porro uirtute omnis eius familia ipsis quoque fasciis adhuc inuoluti infantes polluerint. Idem adnotatum reliquit ZEILERS *Cent. 4. Quaest. p. 203.* Ita hodiernum illinitur et insputatur salubriter occipientibus strumis, gangliis, gibberi in principio, accedente frictione quae uulgi sunt remedia innoxia, immo satis bona: et nouit WEDELIVS *in Ephem. N. C. l. c. p. 426.* Extuberantium haemorrhoidum tubercula saliuuae ieiuni aegri ipsius inunctione fuisse coercita. SYLVIVS *Prax. Med. L. I. c. 30. §. 177.* Saliuam ad partem arthritide affectam contra nouos insultus muniendam infricatam mane commendat. Ganglia seu nodos in carpo existentes frequenti cum saliuua frictione absque aliorum medicamen-
torum

torum usu saepe curauit CHALMETEVS quo de uid. ENCHIRID. *Chirurg. L. I. c. 13.* MAXVELLVS in *Cur. Magnet.* omnes morbos saliuā pelli posse scribit. Olim cum ad aueruncanda mala in calceum dextri pedis, antequam illum induerent, spuerē solerent, atque PLINIVS *L. V.* inter amuleta referat, in calceamentum dextri pedis, antequam induatur, exspuere, hoc saliuā in utroque factum, a nonnullis contra pedum stuporem remedium efficax fuisse creditum tradit BEN. BALDVINVS de *Calceo Antiqu. c. 22.* Notanda et hic quae WAGENSEIL. in *Exercitat. Exercit. II. p. 75.* scribit: Quantum saliuā sani hominis, si frequenter sorbeatur, etiam ad longaeuitatem conferre queat, in nupera panegyri academica facunde, more suo, disseruit Nobilissimus Archiater noster MAVRITIVS HOFFMANNVS. Saliuā ulcera, lentigines abstergere uel canes omniaque bruta loquuntur, et D. VATERVS in *Diss. I. Diss. Phys. c. 5. th. 5.* annotat. Lichenes puerorum hoc laudare saliuale remedium WEDELIVS *Ephem. N. C. Dec. II. A. I. obs. 11.* docet. Ipsa saliuā, uerba sunt WALDSCHMIDII in *Institut. p. 22.* ui sua abstersiua et saponaria sanat impetiginem et uulnera, ui acida necat araneas, figit mercurium, uestigia ueneris etc. Idem in

oculorum morbis, dolore, inflammatione uexatione, punctura etc. Saliuam ualere scribit: TIM. a GULDENKLEE *in Cas. Medic. p. 62. de caecitate ex ueneficio*, quae obseruauit huc facientia, digna quae apponantur h. l. Superuenit, *inquit*, tandem, (omnia cum frustra) me inscio uetula quaedam saga, digitoque saliuam obducto palpebras et oculos contrectauit, uerba quaedam semitertiata submurmurans. Quo facto, subito et quasi in momento uisum recepit. Quae tamen cum suspecta sint, adducemus alia. Confirmat id D. HVNERSWOLF *Eph. N. C. Dec. II. A. III. p. 195. h. u.* Memini cum uterinus frater meus anno aetatis suae duodecimo lorium diffecare uellet, cultri sursum abscedentis cuspidem petiit oculum sinistrum scaeuam, et tunnicam corneam uueaeque partem ita uulnerauit, ut notabilis quantitas humoris aquei efflueret. Curabatur autem uulnus nullo alio remedio, quam saliuam matris. Ea enim diductis palpebris linguam saliuam madidam uulneri admouebat, idque lambendo ieiune et deligando molliter curabat, remanente in bulbo isto paruo uulneris inflicti uestigio cum pupilla angustiore et uisu acutiore. In Epilepsia, quae operari possit, meren-

merentur legi in WEDELII *Exercit. Dec. III. Exercit. VIII. p. 37. de morbo insputato*, et Excell. Dn. Praeses in *Disp. de Epilepsia*. In oculorum sane affectibus inter Iudaeos et tempore CHRISTI maxime celebratam fuisse salivam, discere possumus ex OTHONIS *Lex. Rabbin. Philolog. p. 618.* et LIGHTFOOT, in *Hor. Talmud. ad Io. VIII.* Demonstrant id ex uaiicra Rabba fol. 175. 2. Nam ibi R. MEIR simulans morbum oculorum, iuber feminam pro remedio septies in ipsius oculos sputare. It. ex MAYMONIDE c. 21. in *Schabbat*. ubi tradit, illud remedium Sabbatho aegro applicare fuisse prohibitum, nec licuisse oculos nisi in diebus profestis saliva illinire ob reuerentiam Sabbathi, quod medicina prophanandum non erat. Iudicat hinc idem LIGHTFOOT ad *Io. VIII.* quod CHRISTVS ideo adhibuerit salivam pulveri commistam, ut experiri posset hominem, an adeo superstitiosus esset, dum sputum miscuit, euitasse suspicionem incantationis etc. Neque dissentit OTHO l. c. dum tradit, fuisse CHRISTVM oculos sanaturum salivam, sed ut Iudaeis ostenderet, se plane alia vi et facultate sanare, quam uulgo fieret, immiscuit salivae pulverem terrae, qua nihil magis oculis officit, et fecit ex his tale *מִיָּצָא*, quod etiam purissi-

num et optimum uisum turpidum reddere et corrumpere potuisset, nisi summi Medici omnipotens manus adfuisse, et miraculo haec ita temperauisset, ut caeco salutaria fuerint. Verum licet concedamus, puluerem terrae, ipsas si attigerit oculorum tunicas, infestum esse illis, negamus tamen illum in mixtura cum aliis coniunctum palpebris illinitum istorum uirorum sententiam approbare posse, sed ex aliis causis CHRISTVM hanc adhibuisse potius uidetur. Docemur enim ex principiis physiologicis atque experimentis chymicis, saliuam, ceu optimam atque spirituosissimam lymphae partem, particulis sulphureo-aqueo-salinis maxime alcalicis turgere, et hinc dum summis pollet uiribus discussiuis, optime in nominatis affectibus adhiberi. Quis iam me Heterodoxiae arguet, quod *Saluatoris nostri* saliuam, quae ex perfectissimo prosiliit corpore atque sanctissimo, nostrae satis corruptae anteferam, atque si huic tantae uires physicae et medicae, illi maiores tribuam. Idque eo hilariori facio uultu, quod ex S. Historia cognoui, saliuam in iis affectibus fuisse usurpatam, in quibus discutientia medicamenta a nostris praecipuuntur praeceptoribus, atque magni sunt ab experientissimis medicis. Nemini
interim

interim litem mouebo, sed unicuique diffentiendi concedam libertatem, eadem officia ab ipso postulaturus, atque iura; qui et, quae de naturaliter institutis a CHRISTO curis dixi, minime de natura nostra humana intellecta uolo, sed de natura CHRISTI humana, summa perfectione, sanctitate, diuina potestate atque uirtute gaudente accipi, hoc sensu, ut naturaliter in CHRISTO, quotiescunque hoc uocabulo utar, mihi nihil aliud denotet, quam quod non supra humanam CHRISTI naturam fuit, sed CHRISTVS homo ui praesuppositorum saluam et tactum ceu remedia physica optimo cum successu adhibere potuerit, illae quoque in tantum operari potuerint, licet non in totum, dum accessere his mere naturalibus uirtutibus diuinae concessae, quibus tam cito tamque iucunde et in momento curauit. Praesupposito iam humanam naturam et ui perfectionis mirabiles producere potuisse operationes medicas, quoque haud me peccatum existimaui, si tentarem, possitne processus hic operationum per principia philosophica physice explicari, maxime cum in medicorum obseruationibus, et philosophorum meditationibus quaedam illustrantia legerim exempla, ad quae semper tamen ex-

clamandum duxi: duo cum faciunt idem,
non est idem.

§. XI.

Quatuor nunc *caecos* ex *Matth. c. VIII*,
u. 27. et *XX*, u. 30. considerabimus una
vice. Affectum alium, ac haftenus fuit no-
strae considerationis cur statuamus, non ui-
demus, et in elucidanda cura prolixi cur esse
uelimus, haud intelligimus. Omnes *IIII*.
aegros firmam in se collocantes fiduciam ta-
ctu restituit atque uirtutem ex se exeuntem
discutientemque particulas crassas uiscidas-
que communicauit per impositionem digi-
torum, hoc tantum cum discrimine, quod
priores postquam tetigerat, addiderit: *κατὰ*
τὴν πίσιν ὑμῶν γενθήτω ὑμῖν. Hocque ipso
fidem illorum egregie iuuare uoluerit, atque
adstantes ad imitandum incitare.

§. XII.

Subiungimus his statim caecum atque
mutum ex *Matth. c. XII*, u. 22. eo magis
commiseratione dignum aegrum, quo remo-
tior causa a causis naturalibus. Textum si
inspicimus, iterum exemplum obsessionis est
in isto populo frequentioris neque perrarae;
obseſsum uocamus maxime, quod simplicita-
tem

tem textus euangelici deferere nolimus, neque ex iis, quae §. 6. de ritu loquendi populi Israelitici locuti sumus, conuinci queamus, quod non δαιμονιζόμενος fuerit. Visus huic homini Daemon abstulit atque linguae usum, ceu praestantissimorum organorum, quibus salutem animae procurare nobis, legem diuinam meditari, atque τὰ μεγαλὰ τῆ Θεᾶ effari possumus deuoti atque grati, fecitque id absque dubio, ut aegrum hunc ὡς λέων ὠρυόμενος et quoad animam numero suorum infereret. Quibus mediis id aggressus consilium, quibusue remediis Dominus hunc ex faucibus Daemonis atque aduersae uoletudinis eripuerit, dum scriptura tacet, et nos tacere cupimus, suspicantes interea, forsan eadem methodo institutam fuisse curam, quae in antecedd. §. saepius descripta a nobis.



X.

GEORG. VVOLF. VVEDEL.

*in exercitatt. Medico-Philolog. etc.**Dec. V. Exercit. IIIL.**p. 15. sqq.*

DE

SALE INSULSO.

*Matth. V, 13. Marc. VIIII, 50.**Luc. XIIII, 34.*

NOn sine caussa ueteres sapientiam in quadrato statuebant, ut fortunam rotundo lapidi insidentem, innuentes huius uolubilem et in horas mutabilem, illius uero sedem firmam et inconcussam esse.

Alio longe elegantiori emblemate firmitudinis sapientiae diuinae simulacrum exhibet Saluator Optimus Maximus, *Marc. VIIII, 50.* quando καλὸν τὸ ἅλας, *inquit*, εἰν ᾧ τὸ ἅλας ἀνάλογον γένηται, ἐν τῷ αὐτὸ ἀρτύσῃ; *Bona res est sal, ceterum si sal insulsum fuerit, in quo ipsum condietis?*

Dixerat antea ad suos, *Matth. V, 13.* ipsos esse sal terrae, seu diuina sapientia tinctos et imbutos, nosse uiam salutis et aliis doctri-

doctrinam illam caelestem impertire debere, complexus sic simul pietatem sinceram, fidem, prudentiam, quod quidem a sacrorum horum mystis repetendum huc est. Sapientiam item hanc diuinam solum et unicum esse condimentum uerborum, morum, factorum et totius adeo uitae. Laude extollens hanc subiungit cauendum esse, ne τὸ ἄλας ἀναλον *sal insulsum* fiat, seu ut alibi id effertur, ne μωραῖς ᾤ, *infatuetur*: non esse enim aliud condimentum, quo salire et condire animos liceat.

Haec optime quidem habent, sed clarius res patebit, si nouerimus, quo modo sal in comparisonem hanc ueniat, et quid sit, uel quo modo reddatur insulsum. Id enim si constet, longe rectius uidentur patere posse haec omnia. Cumque contraria iuxta se posita magis elucescant, nec simpliciter dicatur, habere debere CHRISTVM sequentes illud sal mysticum, sed et si non habeant, quam misere degant, duo ista laudata attendenda potissimum ueniunt.

Et primum quidem e salis affectionibus clarere et emicare potest. Salis puta culinari, tanquam simplicioris et omnium communissimi.

In sale nihil desideratur magis quam *sapor*,
quem

quem et ipsum habeat κατ' ἐξοχήν, et aliis omnibus infinitis modis foenerat, unde et in principiorum chimicorum censum uenit sal, tanquam primum sapidum. Non sapit esca bene, quae datur absque sale. Omnia sapida propter sal saporem obtinent suum, et pro salis huius quantitate, qualitate, miscella diuersitatem sortiuntur uel offerunt gustatui exposita.

Vti itaque sapor commendat cibos, ita sapientia animum, sapientia cum primis diuina, quae radicatur in sapientiae fonte Θεωθεωπρω mellitissimo. Quo sapidior seu sapore gratior cibus, eo acceptior; quo magis increscit sacra illa et uera sapientia, eo magis decorat mentem.

Si a sapore dilcefferimus, laudanda in sale est *integritas*, ubi sibi relictum sit, neutiquam permixtum alieno odore, sapore, colore inquinatum. Ipsum sibi sufficit, nullo eget additamento alio, neque aliud ipsi contra facit ad ciborum gratiam apparandam. Quo purius sal est, eo melius, eo sapidius. Idem ualet de diuina sapientia, impermixtam minime fucatam hanc esse oportet, nulla affuta sapientia humana, quae coram DEO stultitia est, nulla eget accessione, instar purissimae et illibatae uirginis se habens.

Nec

Nec dividi debet uel commaculari carnis illecebris, uel aliis mundanis quisquiliis.

Integritatem salis excipit *consistentia*. Tamdiu sal nomen suum retinet, et in usus cedit cibarios maxime, quamdiu mensis imponi, et cibus inspergi potest, candore conspicuum et corporatura decenti. Quando uero uel pluuio caelo, uel aqua temperatum deliquium patitur, (ita loquuntur chimicorum filii,) non perditur quidem penitus; usum uero suum ordinarium deponit. *Consistentia* haec emblemata est constantiae, ut Christiana sapientia conspicui non diffluant ad mundi delicias, ad persuasiones religioni et conscientiae, contrarias. Semper eadem esse debet, non deliquium pati, uel flecti aquis tribulationum et calamitatum.

Denique *condiendi aptitudo* reliquis omnibus addit colophonem affectionibus, ad conseruanda illa, quae asseruare intendimus, ad durationem puta longiorem, ne putrilaginem concipiant, ad seruandum saporem, et praestanda omnia ea, quae a salino principio expectari possunt. Fallor, an ad inuendum hoc mystice etiam sacrificiis adhibitum fuit sal, et in omni oblatione sacrificiorum offerendum erat? *Leuit. II, 13.*
omnis

omnis uictima debebat sale condiri, *Marc. VIII, 49.* et igne hinc comburi. Id eo magis confirmat iam asserta, condiri debere animos, ne obtorpeant otio, ne uitiis et peccatis corrumpantur ac putrilaginem concipiant. Ne putris sermo uel ex ore egrediatur *Eph. III, 29.* Sed semper cum gratia, sale sit conditus. *Coloss. III, 6.* Sicque foedus aeternum ipsum (einen Salzbund) signat simul, si fructum sapientiae illius, quae condit carnis stimulos, uel refrenat potius, ne exuberet, et luxuriet.

Hoc pacto sane uidetur clarere posse optime, qua de ratione uel quo medio comparisonis Saluator salis terrae nomine dignatus sit suos. Non minus quoque idem ualebit de statu contrario, si prius dixerimus, quod potissimum intendebamus, de sale insulso ipso.

Sal insulsum ex utriusque praedicati sensu dicitur, quod saporem exuit suum, ob quem est et dicitur sal, ac in usus deseruit. Τὸ μωρὸν de insipido dici etiam ex HIPPOCRATE nostro pater *Lib. II. de diaet. cap. 27. t. 2.* ubi de iis agit, ἡρόα ὑγρὴν Φύσιν ἔχει, καὶ ψυχρὴν, καὶ μωρὴν, quae humidam habent naturam frigidamque ac insipidam.

Videri

Videri posse contradictio in adiecto, et sal insulsum uelut *σιδηρέξυλον* aliquod se habere. Licitum fuerit etiam id ex hypothesis saltem asserere, ut sensus sit: posito, si sal reddatur insulsum, quo ipso nil quicquam derogatur splendori ueritatis ipsius. Neque enim insuetum est, prosequi allegoriam, et conditionarie etiam ulterius rem ipsam illustrare. Verum enim uero eo non opus est, re uera enim sal, utut sapidissimum, reddi potest insulsum, infatuari penitus, et usibus suis ineptum reddi, seu ex toto, seu ex parte.

Inuerti potest penitus sal et exui sua uelut anima per ignem, si soluatur aqua primo et euaporetur, hinc aliquot horarum spatio igne aperto exuratur; solutus per deliquium iterum euaporetur, destillando inde aquam dulcem, et iterum aliquandiu exuratur; quo pacto repetitis aliquot uicibus in limum uel terram puram omni gustu priuatam conuertitur. Experimentum hoc sal marinum omni falsedine exuendi pluries a se factum scribit BLASIVS VIGNERIVS *Lib. de igne et sale c. 68. p. m. 125*: Addit mirabundus: *quorsum igitur falsedo salis mei deuenit? certe de hac re quid dicam nescio, rem autem ita se habere ipsa ueritas est. Hunc modum si quis mihi solueret, certe gratum faceret.*

Id uero non difficile esse deprehenditur, si nouerimus sal esse foetum terrae, ut sulphur aquae, mercurio utrisque communi, ex secretiori chimia. Est materia secunda, ex prima nata, est terrae quaedam *diva*, *evipera* ac uirtus. Terra fale exuta, damnata audit chemicis et relollacea, inutilis. Ignis uero elementa salis destruit, particulas acuminatas, rigidas, acres, solubiles, sapidas inuertit, aqueas proportionatas abigit, acidās ab alcalibus urinosis, seu ammoniacalibus, paucis licet, separat, sulphureas exiguas destruit, singulas e loculis suis deturbat, quo saepius repetito, necessum est tandem nil superesse, quam matricem primam, terram inertem.

Valet idem de salibus quoque aliis seu acidis, seu alcalibus, lixiuiosis. Quis nescit, acetum ipsum saepe sponte inuerti, et inuersis particulis insipidum, iners reddi solere? De salibus lixiuis idem ualet, quod de fale communi iam assertum est. Sal tartari enim eodem modo tractatum, crebriori calcinatione et solutione etiam in terram abit.

Infatuatur itidem et insulsum, saltim secundum quid, et ad debitos usus fit, si fucetur et remisceatur cum aliis, heterogeneis, peregrinis. Sicuti enim aliquando adduntur
aromata

aromata alia, piper, semen anisi, carui, uel similia pro suis usibus, condiendi et corrigendi tum cibos, tum humores morbosos, seu flatus quoque; ita impuritas et permixtio alia ineptum reddit omnino. Quis cum terra, cum puluere, cum quisquiliis permixtum sal uel mensae apponere, uel ferculis remiscere condiendi gratia sustineat?

Vtriusque exemplum, et inuersionis et permixtionis huius, exhibet destillatio, quando, recepto chimicorum more, addito boli communis puluerisato triplo, ad impediendam fusionem, in fluorem adiguntur ui ignis partes acidae, et separatio elementorum artificiosa peragitur. Ibi toto die et ad oculum *ἄλας ἀναλον sal insulsum* uisitur.

Tacemus iam tactam solutionem, quando solutum in muriam abit, nec si perfecte commodat utentium uotis, aqueis nimis diluentibus particulis. Neque enim muria tam condiendi et aptandi ad saporem, quam asseruandi aliquandiu usu adhiberi consuevit. Mittimus oppositam huic ipsam decrepitationem, quando sal ad ignem torretur, aqueo sic absumto solum phlegmate. Ex his ergo efficitur facillime, exutum sapore sal seu dictis illis et cognitis modis, seu aliis, sal esse desinere, et ut *ἄναλον*, ita plane inutile.

Notanter hinc addit Saluator : οὐτὲ εἰς γῆν, οὐτὲ εἰς κοπρίαν ἔυθετον ἐστίν, neque in terram, neque in sterquilinum utile est; *Luc.* XIII, 34. et *Matth.* V, 13. Εἰς οὐδὲν ἰσχύει ἔτι, εἰ μὴ βληθῆναι ἔξω, καὶ καταπατεῖσθαι ὑπὸ τῶν ἀνθρώπων, *ad nihil ualet ultra, nisi ut proiciatur foras, et conculcetur ab hominibus.* Mens est, alia recrementa, ad cibum inutilia, reiectanea habere suos usus ad stercorendos et impinguandos agros. Tantum uero abesse ut sal insulsum redditum huic fini inseruiat, ut potius debeatur locis incultis uiarum, quo quisquiliae aliae, ut conculcetur, et annihiletur penitus. Ita uero admodum emphatice insinuat, quam inutilia terrae pondera sint Christiani, thesauro illo ineffabili orbi, et foras proiiciendi extra regnum coelorum.

Non minus una supponitur ac innuitur, sal esse sterilitatis argumentum ac causam, quod prius, quam attingamus penitius, in mentem uenit, non paucos contrarium asserere. Instar omnium sit P. BORELLVS, qui *Cent. II. Obseru. 21. pag. 126.* Sal esse adipem terrae, *inquit*, quo fertilius quotidie redditur, cum a pluuiis et aliis aquis ad loca decliuiora sal dissolutum defertur, unde fit, aquam et terram fossarum terras fertiliores reddere,

reddere, et montes steriles remanere, fertiles e contra planities. Hincque fit, terram, a qua sal eductum fuit, sterilem per triennium omnino remanere, donec ab aere uel terrae magnetica sal denuo attrahatur. Ideo dixit optime Doctor Doctorum, sal rem optimam esse, et Apostolos ideo sali similes esse asseueravit. Haecenus ille.

At, quantum quidem nostri est loci, diuersa est ratio. Ratum hoc est potius, ut alimentum animalium est dulce, ita et idem in uegetabili regno ualere; sal uero nutritioni esse contrarium. Testatur id quotidiana experientia, si solum fuerit nitrosius, arbores breui extingui, nec aetatem ferre, ut alia uegetabilium genera muria uel urina, uel aliis talibus aspersa mox marcescere et emori. Est enim sal contrarium γλισχρῶ, acrimonia sua poros findit, et exsucca ac arida reddit arbuta.

Interim uerum est, cineres aspersos uel salia conferre posse ad fructificationem, sed per accidens magis, quod uel tollantur sic peregrina impedimenta, uel porosius sic reddatur solum, uel sulphur magis solubile et ad diductionem aptum, uti solent fimo soluto nitrum addere, solutione hac grana macerare et imbibita hinc serere, non minimo cum

foenore. Pertinet huc eo fine etiam accendi aliquando arua, quod latius canit *Poeta I. Georgic. p. m. 34.*

*Saepe etiam steriles incendere profuit
agros,
atque leuem stipulam crepitantibus urere
flammis etc.*

Notum enim uicissim est desolatis locis inspersum esse sal, et in prouerbum abiisse terram saluginosam pro infoecunda et sterili, quod e sacris ipsis et aliunde fusius probare supersedemus. Vt adeo sal insulsum plenarie sit ineptum ad illos usus, quos obire sal alias consuevit: e contrario uero *in solo*

*CHRISTO qui sapit,
ille sapit.*



XI.

IO. IAC. BAIERVS

*in animaduers. Physico-Medicis in quae-
dam loca Noui Foederis D. N.*

IESV CHRISTI

p. 15. sq.

DE

SALE FATVO SEV IN-
SVLSO.*Matth. V, 13. Marc. VIII, 50.**Luc. XIII, 34.*

QUod istis locis non aliud *sal*, quam culi-
nis ad alimenta condienda usitatum,
propterea *commune* et κατ' ἐξοχὴν dictum,
significetur, nemo non intelligit. Nec mi-
nus perspicua est *comparatio*, quam CHRI-
STVS instituit, *assimilando rectam Apostolo-
rum suorum doctrinam et uitam, uirtuti et
bonitati salis*; de qua comparatione et ipsius
acumine multa et egregia commentatus est
BERN. GOMESIVS *Diasceps. de Sale Lib. III.
cap. 14.* quocum conferri possunt ea, quae
pariter prolixè in eandem rem congeffit
G. VV. VVEDELIVS *Exercit. Med. Philolog.*

Decur. V. pag. 19. Nobis in praesenti sufficiet hoc unum examinare : *num et quo modo sal istud , condiendo destinatum , reddi possit ἀναλον , i. e. insulsum , iners , fatuum , seu infatuatum ?* quod postremo positum τὸ μωρανθῆ exprimit ; ac Germani apposite pronuntiant *abgeschmactt* , uel *ungeschmactt* , *contrarium naturae salis* , utpote quod Chemicorum sententia sit *primum sapidum*. Et sane , si uulgaris consulatur experientia , *sal nostrum commune* , seu *fontanum* , seu *marinum* , seu *fossile* , sicut alia corpora , quibus id accedit aut aspergitur , a corruptione defendit ; ita per se ac sibi relictum , non aequè obnoxium est corruptioni , ne dum putredini , ad quam citata ab interpretibus Aethiopica uersio inepte respicit. Est tamen fortasse inter illas *salis culinariae* species aliquod discrimen , ut *unum altero sit durabilius*. Quodsi hodiernum Palaestinae statum , a prisco non penitus alienum concipere licet , usitatum incolis *sal* , teste OLIV. DAPPERO , in *descriptione Palaestinae p. m. 442.* , e cauernis rupium ad littora *maris mortui* , quod *S. Litterae salsum* uocant , ab Arabibus colligitur ac diuenditur. Tale probabiliter terrestris et hebetioris est indolis , et quod a diuturno uariantis coeli commercio sensim obtundi ,
et

et acredine nutiua exui poterit , forte facilius quam id, quo nos utimur , nempe magis purificato et condensato. Ast neque desunt modi , quibus *optimum etiam sal commune leui opera iners et ἀναλον* re uera effici queat , repetita nempe per aquam solutione , rursus exsiccatione et calcinatione ; quam in rem legi possunt , quae fusius edisseruit OL. BORRICHIVS , de ortu et progressu Chemiae pag. 82. , qui etiam fidem facit , isto modo impetrari corpus insipidum , linguam non magis feriens , quam quacuis terra singularis , commoriente sic sale , ut ab alia terra alba insipida distingui nequeat : conf. Illustr. D. STAHLII Specim. Beccher. pag. 216. et sequ. Viam hoc experimento praeuenientem , BORRICHIVS et VVEDELIVS citant quendam , BLASIVM VIGENERIVM , quem tamen inspicere mihi haecenus non licuit. Ceterum istiusmodi *sal euandum* et reapse ἀναλον , ueracissimo CHRISTI effato , ad nihil ualet amplius , neque ad terram (foecundandam) neque ad sterquilinum appositum est , quale propterea , Chemicorum phrasi , caput mortuum , aut terram damnatam nuncupare licebit.



XII.

IO. IAC. BAIERVS

in animaduers. Physico-Medicis in quaedam loca Noui Foederis D. N.

IESV CHRISTI

p. 17. sqq.

DE

IMPOSSIBILI MUTATIONE
COLORIS CAPILLORVM.*Matth. V, 36.*

Pllos in uniuersum, ipsosque etiam *capillos*, pro contemptissimis humani corporis partibus habere, adeo commune est, ut uilissimae res quaeuis, *ne pilo quidem dignae*, ueteri adagio pronuntientur. Ad hanc uulgarem opinionem forsitan sese accommodans *Diuina Sapientia* (*cuius thesauri omnes in CHRISTO sunt absconditi*) ut redargueret mortalium proteruiam, in exemplum adducens eorundem obiecit illud ipsum: *non potes unum capillum album facere aut nigrum.*

Quandoquidem uero pridem excogitata et usu comprobata sunt *arcifricia*, diuerso colore imbuendi capillos; cuiusmodi uaria iam
ante

ante natum CHRISTVM celebrata, scorsum apud DIOSCORIDEM *Euporist. Lib. I. cap. 98. et 99.* expressis titulis (πρὸς τὸ ποιῆσαι ξανθὰς καὶ μελαίνας τρίχας) leguntur; ut alios, qui post illum scripserunt GALENVN scilicet, AEGINETAM, AETIVM, ORIBASIVM, ac recentiores multo plures, similia tractantes, taceam; oriri hinc poterit, circa sensum istius negationis aliqua dubitatio; quae tamen facile cessabit, si consideretur, *omne illud artificium esse fucatum et inconstans, saltem in homine aut animali uiuo.*

Nimirum qualiscunque tinctura, pilos iam productos imbuens, non penetrat in eorum radices, e quibus sensim repullulat innatus color pristinus, euanescente sic gradatim ab imis partibus fucato, nisi idem continuo repetatur. Hoc autem, accurate loquendo, non est τὸ πειῆσαι (cuius uerbi ἔμφασιν eleganter ostendit ERASM. SCHMIDIUS in comment. ad h. l.) sed illinere saltem pigmento fugaci, nil mutata natiui coloris indole in originibus pilorum. Quin neque uerum est, quod capilli, natura coloris alieni, temporario quantumuis isto artificio, speciatim dealbari queant; si forte momentaneas farinacei pulueris (qualem barbaramente composito

uocabulo *Haar-Poudre* appellamus) asper-
siones exceperis.

At enim uero *canos* haud uno modo pro-
ducere ualet humana cura, etiam ante sene-
ctutem; ut aerumnosam uitam agentibus,
citra uoluntatem quoque suam tales saepius
proueniant, (daß sie für Bekümmerniß und
Sorgen frühzeitig grau werden); cuius-
modi capillorum conditio cum *albedine uera*
non raro quidem confunditur, distinguenda
tamen eo magis, quo magis a τὸ λευκὸ di-
uersum est τὸ πολὺν: Quare LXX. Inter-
pretes, ubicunque in *Testamento Veteri* fit
mentio *canitie*, constanter ponunt τὰς πολυ-
κὰς, proprie *canos*, non albos capillos. Ta-
les uel sola inunctione *pinguedinis taxi* posse
effici, satis exploratum est; ut etiam iuuenes
uisi sint, qui aliqua in parte nigri capillitii
sui, aut barbae, per iocum illata pinguedine
illa, *stabilem canitiem* contraxerint.

Ceterum *capilli* re uera *incani*, micro-
scopio accuratius examinati, apparent inanes
et medulla uacui, colore destituti, atque
hinc pellucidi ad instar glaciei, ad cuius simi-
litudinem *canities* nostratibus apposite dici-
tur Eis-grau. Ex aduerso autem *colorati*
quiuis, ipsimet etiam *albi natura capilli*, me-
dulla quadam farciti conspiciuntur, quae iis
pro

pro diuerſa indole ſua colorem ſingularem conciliat. Confer. Diſſertatio inaug. noſtra, de *Capillis*, praefide D. RVD. VVILH. CRAVSIO, habita Ienae An. CIOIOCC. Horum aliquid ut aliter naſcatur, ad arbitrium ſuum efficere homo neutiquam poteſt, corrumpere uero ac perdere ſuis artibus pulcherrimis.

Quod ad *canitiem* attinet, ſicut ea, quaſi naturalis, in ſenectute et poſt aetatem pie recteque traductam, ſponte ſua emergens, *gloria exiſtit ſenum*, ita in ſe conſiderata phyſice, exarentes et caſui proximos deſignant capillos; qualium artiſcioſa effectio non magis commendare mihi uidetur artiſicem, quam eum, qui arbores aut herbas uelociſſime ad macrorem et interitum perducere ſe poſſe gloriaretur.

De uaniſſimo illo uiuos capillos tingendi ſtudio, ut nonnihil adiiciam, ne quidem periculo carere id certum eſt; quandoquidem non ſolum GALENVS, citante HIERONYMO MERCVRIALI de morbis cutaneis Lib. I. cap. 6. teſtatur, *acerba, adſtringentia et frigida remedia*, eo fini frequentata, *magnos morbos attuliſſe mulieribus, ueluti apoplexiam, comitialem morbum; catarrhos atque huiusmodi aliaque malorum*; uerum etiam TERTVLLIANVS Lib. de ornatu feminae commemorat,

mulieres dedisse poenas istius lasciuiae, quod ob diuturnam moram sub sole, caput ipsis saepe et grauiter laesum sit.

XIII.

GEORG. VVOLF. VVEDEL.
in exercitatt. Medico-Philolog. etc.
Dec. IIII. Exercit. III.

p. 10. sqq.

DE

PANE QVOTIDIANO.

Matth. VI, 11. Luc. XI, 2.

NOtissima apud Christianos et solennis inter alias precandi est formula, τὸν ἄρτον ἡμεῶν τὸν ἐπιούσιον δὸς ἡμῖν σήμερον, *panem nostrum quotidianum da nobis hodie; Matth. VI, 11.* Si illos forsan excepero, qui cyclopis Euripidei instar non DEO, sed sibi offerunt edulia, καὶ τῇ μεγίστῃ γαστρὶ τῇδε δαυμόνων, *et uentri suo, qui maximus ipsis est Deorum.*

Quid uero notetur et per panem ipsum, et uocula illa descriptum, per panem ἐπιούσιον puta, non inepte forsan et ex medicorum oculis disquiri meretur. Neque
cul-

culpandum tamen quis sustineat temere loquendi usum receptum, modo uicissim liceat meditari de sensu penitiori et nunquam satis exhaustiundo, inprimis cum non omnibus linguis aequae accurate exprimere liceat quod hac uel illa effertur.

Panis notione in dubium est, e Scripturae genio et familiari loquendi usu, notari omne uescum, esui et usui humani corporis aptum, unde frequenter admodum panis et aquae nomine exprimi legas omne cibi genus, u. g. *Gen. XXVIII, 20. II. Reg. VI, 22. sq. Eccles. VIII, 7. et passim.*

Panis nominatur loco omnium, utpote fundamentum, basis et praecipuum reliquorum, quicquid etiam contra ea asserat HELMONTIVS, reliqua alimenta ueros cibos, panem obsonium saltem esse reliquorum ciborum contendens. Panis antidotus famis genuina, pabulum uitae, uirium, sanguinis spirituum, roboris; panis elementum chyli optimum, e seminibus frumentaceis chylosis confici solitus; panis stomacho gratissimus, ut neminem satietas eius capiat, si quidem sanus fuerit.

Habet in se dulcedinem nutritibilem, habet γλίσχεότητα, sulphur alibile plurimum, unde recte CELSVS L. II, c. 18. plus alimenti esse in pane, *sic*, quam in ullo alio. Nullum itaque

itaque conuenientius poterat dici, cum, si panem dixeris, omnia dixeris, et reliqua eiusdem saltim sint accessoria et condimenta. Tacemus eodem nomine signari latius et alia usibus et commodis uitae necessaria subsidia, quo de nostri scopi non est pluribus agere.

Vox ἐπιούσιος N. T. est propria, neque enim uel apud LXX. occurrit, uel profanos alios, quod sciam, auctores. Si lexica consulamus, commune illud occurrit cacoethes, reperiri easdem fere merces sub diuersis fornicibus, pluribus magis in nominibus occupatis, quam rebus ipsis,

Res eo redit, posse deriuari hoc uocabulum et epitheton admodum emphaticum uel ἀπὸ τῆς οὐσίας a *substantia*, ne alias significationes, uitae, opum, et similium, facile huc applicandas, laudemus, addita praepositione ἐπὶ, unde substantialem, essentialem, substantificum, supersubstantialem, adsubstantialem panem uertunt, quem uno uerbo mysticum hinc fere intelligunt, siue ἄπρὸς ὧν, Io. VI, 35. *panem uitae*, siue doctrinae coelestis; q. d. (ut cum ERASMO loquamur): Ale pater, quod genuisti, prospice nobis, ne nos deficiat panis ille Tuus doctrinae coelestis, ut eo quotidie sumto, confirmemur et adulescamus, uegetique redamur ad Tua iussa perficienda. Et

Et id quidem pia deuotione non male, quamuis id uideatur textui ipsi minus per se congruum, cum iam antecedenti petitione non una id exorare iussi simus.

Vel a communi radice composita ἐπειμι, *succedo*, *insequor*, unde ἐπιδόν, ἐπιούσα, *sequens*, quod de sequenti posteroque die non solum in sacris, ut *Actor. VII, 26.* uerum quoque apud HIPPOCRATEM nostrum pluribus locis, etiam absolute positum, sumitur, ut apud FOES. *in oeconom. Hippocr.* sub hac uoce reperire est. Vnde quamplurimi alii, tum ueteres, tum recentiores uertunt *crastinum*, q. d. uictum imminentis temporis, *panem crastinum*.

Nec desunt, qui pridem ex textu Hebraico כֶּמֶח id demonstrari posse confidunt, neque enim recens est haec opinio, quamuis nouiter asserta a SIMONE *Historia Critica N. T.* recensita *Actor. Lips. CIOICLXXXVIII. M. Martio p. 117. sqq.* Audiamus TANARQVILLVM FABRVM, qui *uers. et not. in Aristophanis concionatric. p. m. 995.* Miror, inquit, haecenus non uidisse doctos ἐπιούσιον ἄρτον significare panem seu cibaria, quae in diem crastinum necessaria sunt, ut absque omni sollicitudine DEO uacemus.

Verum

Verum hi non attendunt, eodem in fonte *uers.* 34. prohibitum esse a Salvatore: *μὴ μεριμνήσητε εἰς τὴν αὐριον.* Vel, si maxime id molliamus nec contra pietatis leges esse arguamus, quod uult FLACIUS *in clauae* Par. I. p. m. 1027. obstare tamen uidetur textus *συνάφεια*, et quod expresse additur *σήμερον*, *hodie*, seu, ut *Lucas* emphatice reddit Cap. XI. *uers.* 3. *τό καθ' ἡμέραν*, quantum pro quotidiano usu indigemus.

Nescio enim, annon diffidentiam quandam importare possit, si illa petamus hodie dari, quae in crastinum cedant usum. Non confundenda est dictio *ἐπιούσιος* cum *ἐπιούση*, seu sequente die crastini, quae sunt diuersissimi generis.

Demus tamen, utrumque sano sensu dici posse et statui, liceat nobis inferre, *τό ἐπιούσιον*, notare sequelam, adeoque reddi optime panem, ut ita loquamur, *consecutiuum successiuumque* unser immerzu bedürfendes, täglich auf einander folgendes nöthiges Brod.

Vt enim pulsus pulsum consequitur, ut uita et nutritio pari passu ambulant: ita successiue reparanda sunt principia uitalia, reparanda quae abiire, et consumta sunt. Panis tanquam cibus consequitur appetitum, appe-
titus

itus defectum, defectus caloris ἐνέργειας in humidum, motum, labores.

Efficitur nimirum, quod diximus, partim ex natura rei, partim ex natura uocis, rem designantis. Quotidiano egemus pastu, eoque duplici in adultis, continuato, consecutiuo, et successiuo ordine ipsius naturae; huic uero defectui si non succurratur, si non subinde noua succendicula, nouus fomes et pabulum igni uitali subministratur, pessime habet corpus.

Norunt id satis superque suo damno, qui famem experti sunt longiorem, nec ἐπιούσιον ἄρτον obtinent, quo succurrant poscenti corpori, quem offerant famelico uentriculo. Petimus ergo iure meritoque a DEO O. M. ut hunc nobis benignissime largiatur, et sic superesse dignetur longius laudis suae praecones.

Hinc notat 2. panem *necessarium*, *sufficientem*, adeoque quotidianum, qui et respondeat ut supplementum, et ut complementum corporis, nec deficiat. Attendit id prae aliis Arabs, (quem dono Exc. ANTONII MAGLIACHII debemus,) qui uno loco *sufficientem*, altero *sufficiētiaē* expressit. Nisi enim sufficiat, nec corpus sufficit uel labori, unde illud Coi: ubi fames, ibi laborandum non est, uel aliis functionibus suis, sed uires

fatiscunt. Illam sufficientiam et proportionem praebii limitat tum ἡ τοῦ σώματος αἰσθησις, *corporis sensus*, tum εὐφροσύνη tolerantia, ut frustra sit ad stateram, ad libellam haec mensurare cum SANCTORIO et LESSIO.

Ampliori porro significatione notat 3. panem *satiantem*, firmum, substantificum, sensu medico, qui ex asse satisfaciat, et foerneretur partibus alimentum debitum, non spirituosum saltem, non fluidis, sed et solidis, per πρόσθεσιν, προσποιήσιν, καὶ πρόσφυσιν, *appositionem, assimilationem, et uelut con-naturationem*. Nec auferatur sic omne robur panis et omne robur aquae, Esf. III, 1. quae alendi facultas et robur alibi לֶחֶם - מַטֵּה *uirga seu scipio panis* dicitur, *Leuit. XXVI, 26. Ps. CV, 16*. Faceffant itaque, qui nescio quo magico unguento umbilico illito omni se usu cibi et potus carere posse persuasum habent.

Notat 4. panem *ordinarium*, cibarium, homini congruum, et alere aptum, cui fini frumentacea semina ordinarie ac usitato optime inferuiunt, secale, triticum, zea, minus leguminosa, minime alia, adhuc peiora, radices arborum, plantarum, uel cortices; quis enim enumeret, quae durum famis te-
lum

lum insolita tentare iubet? Exemplum unicum laudabimus *Hippocraticum*, ex *L. VI. epid. S. 4. t. 31.*

In Aeno ἐν λιμῶ, *tempore famis*, (hoc uero plane omittit Latinus,) legumina comedentes assidue, feminae, mares, crurum impotentes facti sunt, et permanserunt. Sed et eruum comedentes genuum dolores habebant. Quid de aliis deterioris commatis sperandum fuerit?

Notat γ. panem seu τροφήν εὐκαιρίας; *tempestiuum*, *Pf. CIIII, 27.* Habet enim statâ sua tempora appetitus, suas uicissitudines et ordinem, ut urgente fame, et exerente se stimulo archei, praesto sit, quod eundem obtundat iuxta ac expleat, ut panis cor hominis confirmet, *Pf. CIIII, 15.* et robur nouum addat. Hinc apud D. IACOBVM II, 15. redditur ἡ ἐφήμερος τροφή; *uictus quotidianus*, admodum concinne.

Ex quibus omnibus patet, quam apte et rei conueniënter, aliisque omnibus uocibus contra hoc ipsum epitheton pani tributum sit. Panis itaque et aqua omnium solidorum uescorum et fluidorum potulentorum materia prima, ut modo panis suppetat, etiam simplex aquae potus ad diluendum nutritibile sulphureum officium faciat.

XIIII.

IO. IAC. BAIERVS

in animaduers. Physico-Medicis in quaedam loca Noui Foederis D. N.

IESV CHRISTI.

p. 19. sqq.

DE

OCVLO LVCERNA COR
PORIS, ITEM DE OCVLO
SIMPLICI ET
NEQVAM.*Ad Matth. VI, 22. Luc. XI, 34.*

QVam recte sustineat *oculus* elogium *lucernae corporis*, ipsi adeo caeci intelligunt, quando illius beneficio carentes, sole quantumuis meridiano splendente, in profundis uersari tenebris sibi uidentur; uti contra illius lucernae, extrinsecus accepto lumine sufficienter instructae, usu gaudentes, *totum corpus illuminatum* quasi promte circumferunt. His tanquam *oculatae sunt manus*, recte uersantes circa quaelibet obiecta, quae uisu digno-

dignoscuntur; *pedes* itidem *oculati*, ac ueluti prospicientes, quonam tuto insistere aut progredi debeant. Neque ulla unquam lucerna uelocius irradiare poterit obscurum aliquem locum, quam oculus humanum corpus, quatenus idem lumine indiget.

Non est praesentis instituti, admirandam oculi fabricam exponere, aut seorsim declarare, quam conuenienter eadem comparetur cum machina, quae *Opticis* dicitur *camera obscura*, in qua rerum extra positarum imagines, minuta forma et inuerso situ repraesentantur; quod similiter in *oculo* fieri exploratissimum est; cum tamen illae ipsae imagines in contrario, naturali nempe rectoque situ constitutae, in sensum communem transeant; quae sane conditio omnem omnium machinarum subtilitatem longissime superat.

Quemadmodum uero, dicta ratione *oculus*, proprie satis loquendo est *lucerna corporis*, qua praelucente *totum corpus lucidum* existit, dificiente autem ad recipiendum aut percipiendum officio, *totum* quasi *tenebrosum* euadit, ita externo etiam aspectu produnt *oculi* frequenter ualetudinem totius corporis, secundum istud HIPPOCRATIS *Epidem. VI, 48.* effatum: *oculi ut ualent,*

ita et corpus ; quem locum interpretans, GALENVS, τὸ γυῖον significare docet τὸ σῶμα ὅλον, totum corpus ; pulchra sic emergente analogia huius dictionis cum phrasi Biblica. Ostendit etiam idem GALENVS, quod colorum mutatio celerius in oculis, quam in aliis partibus appareat, ob eorum munditiam nitoremque naturalem.

Ceterum quis, tam physica, quam morali significatione, sit *oculus simplex*, aut *malus*, uix melius puto me explicare posse, quam uerbis a IO. de MEY *Physiol. sacr. append. p. m. 230. mutatis : Dicitur oculus simplex, qui sanus est, et externis humoribus, qui uisum perturbant, non miscetur, ideoque purus est et clarus. Q. d. si oculus est naturaliter et recte constitutus, totum corpus tuum lucidum erit, et quasi oculatum ; quia praeuia oculi sui, luce et directione omnes actiones suas recte obibit. Si autem oculus tuus male affectus fuerit, et uitioso humore imbutus, adeoque impurus ; totum corpus tuum tenebrosum erit ; quia carebit luce et duce, illustratione scilicet et directione uisus. Si ergo lumen oculare, quod in te est, id est, esse debebat, iam offuscatur, non lumen sed tenebrae et caecitas sit, ipsae tenebrae quantaerunt ; id est, ipsum reliquum corpus, natu-*

ra sua tenebrosum, ac, ut ita dicam, caecum; cum nullum nisi ex oculis lumen habeat; iam oculis suis et luminibus, quasi ducibus destitutum et priuatum, quam tenebrosum erit, quamque in tenebris errabit? Parabolice autem CHRISTVS per oculum intelligit mentem et sensum internum. Quod enim oculus est corpori, hoc intellectus est animae. Errores quippe et uitia animae in operando nascuntur ex errore et uitio intellectus practici: quod tamen uitium saepe oritur ex inclinatione praua, consuetudine, et affectuum inordinato motu. h. i. Mihi liceat hoc unum addere, quod FRANC. VALLESIVS de S. Philosophia c. 84. animaduertendum esse monet, in S. Litteris τὸ ἀπλὸν simplex, in relatione ad hominem, idem esse ac bonum et lucidum, τὸ πονηρὸν uero nequam ac tenebrosum.



XV.

GEORG. VVOLFG. VVEDEL.

*in exercitatt. Medico - Philolog. etc.**Dec. X. Exercit. VII.**p. 55. sqq.*

DE

LILIO AGRI.

Matth. VI, 28. Luc. XII, 27.

INter alia hieroglyphica, etiam in nummis largiter expressa, non minimum est spei, desumptum a *lilio*. Vti enim flores in genere illam designant, anteambulones seminum ac fructuum secutorum: ita seorsim *lilio* illa eminentia cessit, tanquam florum reginae, ut sub hoc habitu spei typus exprimatur concinne et solenniter.

Hinc non paucorum Imperatorum nummi, hinc monumenta antiqua alia *spem* tanquam *Deam* cum *lilio* manu praetento exhibent,

Conf. hac de materia Cel. b. D. IO. MICH. LANGII
olim in Norimbergensium academia Altorphina Theol.
Prof. Publ. Ord. et V. D. M. postea apud Prenslandenses
Inspectoris meritissimi Dissertat. *Altorphii* A. R. S.
CICICLXXXXVIII. 4.

bent, cum inscriptione : SPEI, uel SPEI PVBLICAE. Hanc enim in nummis aliisque monumentis plasticis non tam herbam trifolii, ut nonnullis uisum est, quam re uera liliū expressum, oportuniori symbolo, repraesentare, secus ac aliis uisum est, *ἀκριβέσσει* dudum notarunt. Vid. SPANHEM. *diff. II. de praestant. et usu numism. p. 118.* et PIER *Lib. LV. hieroglyph. c. 9. p. 688.*

Enimvero gratus color liliorum spei amoenitatem praefigurat, et licet breue liliū uiuaci apio contra obseruetur a FLACCO; est tamen inter perennantes plantas praecipua, ut non solum quotannis flores nouos parturiat, sed etiam bulbos subinde nouos sibi foenoret. Quaeque in floribus est breuitas; pulcritudine mixta, in radicibus emicat constantia.

Neque apud profanos solum scriptores spei hoc symbolum sustinet liliū, sed in sacris quoque oraculis ipsis. Instar omnium sit LILIVM AGRI, a Salvatore Opt. Max. celebratum, et tanquam lemma spei plenissimae uberrime propositum, quandoquidem arguere uult, uerbis QVINCTILIANI, stultam curam esse, quae spem non habet.

Demonstraturus Optimus Saluator curam uictus et amictus inutilem, gemino exemplo

reprobam, illam abiectae auis corui, hanc floris excelsi, lilii syluestris, illustrat. Priorem iam non nostram facimus, utut non minori ἐξηγήσει nobilem: alteram uero pro uirili laudabimus, qua de ita uerba sonant *Matth. VI, 28. sq.* καὶ περὶ ἐνδύματος τί μερμηνατε; καταμάθετε τὰ κρίνα τοῦ ἀγροῦ, πῶς αὐξάνει· οὐ κενεῖται, οὐδὲ νέθει· λέγω δὲ ὑμῖν, ὅτι οὐδὲ Σολομὼν ἐν πάσῃ τῇ δόξῃ αὐτοῦ περιβάλετο ὡς ἐν τούτων. κ. λ. *Et de uestimento quid solliciti estis? considerate lilia agri, quo modo crescunt: non laborant, neque nent. Dico autem uobis, quod nec Salomon in omni gloria sua coopertus est, sicut unum ex istis.*

Quam herbam, quem florem intelligat, habetur communiter pro satis noto ac comperto. Qui enim nescit lilium, hortorum decus, argenteo candore coruscans, oculos delectans, et huic effato Diuino per omnia quadrans, lunam florum? Huic, inquam, uelut uno ore omnes deferunt hanc gloriam, hanc comparationis ἐξοχήν, hanc ab ipso Diuino elogio sacratam dignitatem, securi de alia significatione.

Ast licet satis accurate omnia illa in lilium hoc notissimum aptari possint, nec opus uideatur seu Theologis, seu uniuersis adeo Christianis, ad alia digredi incerta, cum
sufficere

sufficere possit uel unum solum lilii nomen; meretur tamen res ipsa inquiri penitius, et exhaustiri fontes curatius, ut ἐμ.Φασιν textus et rei ipsius euidentiā clarius nosse, palpare et mirari queamus.

Non intelligendum esse lilium hortense, uulgare et βασιλικόν, seu regium DIOSCORIDI dictum, ob eminentiam, non unis efficitur argumentis. Enimuero non negandum est, ὡς ἐν πλατεί, in ambitu illo, si lilium, ut genus certum, consideremus, merito huc et illud pertinere, siue tanquam norma, siue praecipuum reliquorum spectetur, collectivē, ut uocant in scholis. Confirmat hoc D. LVCAS XI. τὸ κρίνα reddens, lilia in genere ac indefinite, et optime quidem ad mentem Diuini oraculi, et rei ipsius. Quaelibet herba idem edocet, et ostendit DEVM, nedum tam elegans, tam culta, tam amoena et e praecipuis una. Quid impedit concipere ita effatum: *Considerate lilia, et lilia quidem agri, discite a mutis praeceptoribus, a realibus doctoribus, quid uos deceat.*

Hoc ut magis pateat, sane τὸ κρίνον τῷ ἄγρῳ, *lilium agri*, ui uocis, nil aliud significat, quam ἄγριον, *syluestre*, ager enim oppositus est cum primis urbi, et latius ipsis aruis paret. Euincit idem genius linguae

Hebraeae

Hebraeae, et in Sacris usitata loquendi ratio. Quid enim sunt bestiae agri *Dan.* II, 38. et *Psal.* CIII, 11. quid herba agri *Dan.* III, 12. quid *ἀνθος ἀγρου*, flos agri, *Psal.* CIII, 15. quam sylvestres itidem, bestiae domesticis, herbae hortensibus, incultae hortis urbanis cultis et ordinatis contradistinctae?

Accedit locus, indeque occasio evidens loquendi et demonstrandi desumta; concio enim fiebat in monte, remoto ab urbe, culturae omnis experte, sibi relicto. Neque impedit genus et speciem coniungi, sibi que subalternari, ne implicat contradictionem, si dixerō, ui textus, ecce uolucres coeli, et nominatim uelut digito monstrem coruum. Alterum enim alterum potius supponit, et illustrat, utraque concinne comprehenduntur.

Et hoc non difficulter argui potest ex sequentibus quoque et *συναφεία* orationis, *ἐν τούτων*, inquit, *unum horum*, non *αὐτῶν*, adeoque demonstratiue, quasi manu prehenso et decerpto uel ostenso obuiō flore, aestiuo ineunte uel uerno tempore, quando omnia rident, et formosissimus annus est; saltim definite magis uox *τῶτο* omnia edisserit, ac exprimit.

Cum

Cum itaque ratum sit, non innui liliū uulgare, hortense, cultura gaudens, sed syluestre montanum, operae pretium fuerit et de hoc dispicere. Monemur et incitamur ad hoc ipso praecepto Diuino : καταμάθετε. Postquam de uolucris coeli, tanquam magis notis dixisset : ἐμβλέψατε τὰ πετεινά, *aspicite, intuemini*, non eodem uerbo hoc loco utitur, quando de plantis, de liliis sermo est, sed καταμάθετε, inquit, *discite cognoscere, perpendite*.

Proh! quantum hoc est encomium botanicae, seu rei herbariae! Summus Magister ipse iubet non aspicere, sed discere, nosse, et perpendere. Est hoc medicorum singulare et eminens prae aliis hominibus priuilegium, quod herbas contemplantur, inquirent, discant et nouerint, in quo statui prima uo accedunt propinquius, aliis hominibus omnibus quasi contra.

Τὰ κείνα *lilia*, in plurali, ut uocant, sunt noscenda, quod ipsum genus plantarum decore quodam et maiestate prae aliis emicat, iuncta demonstratione oculari, et lilia seorsim siluestria, sibi relicta, nullo cultu sata, humectata, curata, ut tanto euidentius discant homines, et attendant, quid inculcare uelit, quid inde hauriendum sit.

Con-

Constans est sententia botanicorum, lili-
um sylvestre montanum dici; apud ANAZAR-
BEVM uero, et THEOPHRASTVM ERESIVM oc-
currit nomen *Hemerocallis*, elegantissimo titu-
lo. Neque enim tam breuitatem duratio-
nis notat, quam gloriam diei. Vt nocte la-
tent mendae, quod in paroemia est, ita et
decora, quae luci exposita superbiunt. Vt
Hercules audit quasi αἶρος κλέος, *gloria aeris*;
ita liceat nobis diei gloriam uertere hemero-
callin hanc. GAZA uertit elium apud THEO-
PHRASTVM, hoc uero ex uoce lilium corru-
ptum est, desumptum ex synonymis notis
DIOSCORIDIS L. XIII. c. 137.

Non uero asphodelus hoc nomine ueni-
re potest, uel arrogare sibi illam gloriam,
minorum gentium qui existit, sed *Martagon*,
quo de hic quaedam delibare consultum est.
Martagonum recens nomen FERRARIUS no-
tat, *horticult. p. 153.* a rusticis et alchimi-
stis ita uocatum, secundum *Anguillaram*,
p. 155. sua lingua, Italica uult dicere, AMATO
LVSITANO *enarr. CXIII. p. 360.* quod liliis
sylvestribus, siue montanis, adeoque et per-
eigrinis liliis aetas recentior imposuit. Confer.
FERRARIUS *ibid. p. 318.*

Hoc ergo intellectum et tantum non
monstratum esse euincitur ab obiecto magis
obuio.

obuio. Quid opus fuerat, prouocare ad lilia in hortis culta, cum in agro uerferis, uel montanis? adiuncto inprimis epitheto distinctiuo, τὸ ἄγρον, insinuata tacite cultura neglecta, tanquam ratione decidendi, et proprio splendore commendato, qui non minor est quam liliorum, immo cum illis certare potest, adeoque et elegantia.

Lilium est martagon bulbo, floribus, licet intortis, caractere, lilium syluestre. Et nostrum quidem ipsummet lilium purpureum flore reflexo, montanum, martagon dictum, abunde in montibus nostris uisendum, sufficere potest; ast, si differentias et species attendamus, elegantissimas, ulterius uidemur progredi posse et penitius exquirere. Hemerocallis in Syria copiose crescit, inprimis flore albo, teste RAVVOLFIO.

Instar omnium sit martagon Chalcedonicum flore miniato, quod cymbalum miniatum LAVREMBERGII est, lilium Byzantinum. Immo hoc ex Iudaea primitus quasi aduectum, uel saltem ibidem praecipue extare et crescere in montibus, nomenclatura euidenter reddit. Audit enim wilde Lilien von Galvarien IO. BAVHINO, PENAE et LOBELIO, aliisque. Fuerit hoc crinanthemum HIPPOCRATIS I. *de nat. mul.* S. 2. t. 14. quod in domi-

domibus nascitur, puta ex montibus in hortos pensiles insertum, ob pulchritudinem, et quod nullum ex toto censu, ut cum LAVREMBERGIO loquamur, tamdiu immarcidos servat flores, quam quod miniatum est; *appar. Pl. i. L. I. c. 16. p. 88.*

Sed uisamus rationem comparationis geminam, elegantiam, et ad prouentum, incrementum, durationem sui ordinis abunde, citra ullam curam, suppetentia media. Sunt qui primo aspectu hoc suspiciendum pulchritudinis artificium non incurrere oculos rentur; sed si quis nouum catoptri genus, quod res minutas ante oculos proxime positas aggrandescere facit, usurpet: et per id contempletur stamina illa exilia, itemque filamenta et fissuras lilii, fatebitur nulla humana lingua illam elegantiam, illud miraculum, efferri et satis praedicari posse. Confer. LAVREMBERG. *l. c. cap. 14. p. 83.*

Linquamus hanc praerogatiuam artificiiis opticis, satis illa usurpari possunt oculis quorumuis hominum, ut non opus sit microscopio, ideas uisivas grandiores reddente. Enimvero summa est ut liliorum, ita seorsim syluestrium horum *εὐπρέπεια*, qua uoce, uti placuit ipsi Spiritui S. Testatur *ἐξοχήν* hanc radice, aurei coloris, unde Goldwurz audit
lingua

lingua uernacula, bulbosa illa et liliorum aemula, iisque et hoc nomine anteferenda. Confurgit ex huius centro caulis satis emiens, folia protrudens saponariae fere similia, quae orbiculatim caulem ambiunt et cingunt. In fastigio emicant flores, colore modo niveo, modo croceo, modo miniato, liliorum fere effigie, sed petalis sex retroflexis, et minoribus, singulis pulcherrimis.

Folia uestis sunt et integumenta plantarum, quia defendunt, tegunt, et, cum motu locali careant, sin uicem huius quoque data sunt. Unus idemque bulbus noua quotannis ueste redimitur, folia uelut uestis quotidiana, flores festiua, ad pompam et splendorem faciens se offerunt.

Elegantia hic maior est, quam uestium et integumentorum quorumuis. Suo nitore superbiunt lilia omnia, et sigillatim syluestre hoc; corporis ille commodatus est et alienus. Non unum sufficit regnum fastuoso hominum amictui, uegetabile linum, bombacem, urticam ipsam suppeditat; ex animali oues lanam, ostreae margaritas, et purpuram, struthiocamelus pennas et cristas, quas erigimus; aurum, argentum, ne uiliora arcessamus metalla, interstinctos limbos, crustas, decorem: antimonium, mercurius sua

M

pigmen-

pigmenta. Et quis omnia illa enumeret? Nil horum desiderat lilium hoc et martagon, nullo eget, uel opus habet, regina florum, agrorum, montium, hortorum; nam his quoque insertum foenerat suum decus.

Quod maius est, martagon symbolum et figuram repraesentat coronae, uel diadematis regii. Quid excelsius est in uita humana, quam corona, seu imperialis, seu regia? Est illa et seorsim sub liliorum classe, et in martagonibus repraesentatur. Superbiant paludamento suo et diademate reges, bysso resplendeant, auro, gemmis, corona coruscant, maximo labore, pretio summo, artificio subtilissimo contextis omnibus ad amissim decoris. His omnibus contra superbit *lilium* hoc, nullus hic affectatus splendor, omnia natiuo nitore refulgent, et sese commendant satis superque.

Non sine causa hinc relinquit post se multis parasangis hic fulgor maiestatem Salomonis, regum maximi et incomparabilis. Ille coronam gratia parentis, si a DEO discesserimus, acquisitam impetrauerat: *lilium*, etiamsi syluestre, connatam. Ibi ars uariorum hominum ad apparatus concurrat, mutuatitio atque palliatiuo ornatu, aliunde diuersimode petito, quod paroemia cornicis

Aeso-

Aesopicae, alienis plumis ornatae, notum est. Hic aurum croceis antheris, hic argentum splendore lunari coruscat, hic punctata pictura, ineffabili singula pompa, refulgent nitentque, nullo artis auxilio indiga. Quin ipsi hi flores ornatui inseruiunt non solum inter corollas et ferta, sed et ad aliena illa et fucata sua accessione, uel depicta, uel expressa fulgidiora reddenda.

Sunt, qui *martagonis* nomen excogitatum a chemicis asserunt. Quamuis uero haec gratis dicantur, fatendum tamen est, et *martek* et *martagon* nomine appellare eosdem suam materiam. Vid. *Theatr. Chim. Argentin. Tom. I. p. 512.* Liceat nobis et hoc hieroglyphicum emblema sublimioris chimiae delibare. Radix autem eminens et bulbosa in martagone nota est auri uegetantis et seminalis. Album et rubrum, distincta tamen, in floribus duplicem finem figurant, metallorum fixiorum et nobiliorum; operantur enim ad utrumque hoc, tincturam albam et rubram longe praestantissimam. Sex petala, sex stamina aurea antheris corusca, sex illos planetas inferiores ♄. ♀. ♂. ☉em, ♀em, ♃em, plumbum, stannum, ferrum, aurum, aes, argentum, referunt exacte. Haec omnia et singula suo centro statumina-

ta confurgunt, mercurius enim Philosophorum, uelut centrum omnium, omnibus modulum largitur, ceteroquin indifferens, prout tinctura seminali, puritate et fixitate diuersa specificatur.

Sed ut redeamus unde digressi sumus, proh! quantus impenditur labor ad uilissimum inuestigandum hominem, si netricum, si lotricum, si artificum operam aestimemus, nedum reliquos honoratiores, nedum regum tabernas, et qui molliori ac delicatiori uestitu gaudent. *Lilia non laborant, non nent.* Nullus hic apparatus, nulla fabrica. Succus seminalis non eget nisi terrae et aquae hospitio, afflatu aeris et excitabulo caloris solaris, simplicissimis omnibus.

Habent enim et plantae, non minus ac homo, suum succum nutritium, habent luculam impensam, a Summo Numine concessam, calidi innati seu animae uegetatiuae uicem gerentem, quae diffundit sese et exporrigit in uniuersum corpus, ut non opus sit uel coelestis, uel elementaris naturae dici, nisi hac ratione. Exurgit nihilominus hinc textura mirabilis foliorum, ad typum a Diuino Creatore impressum, quae fibris suis gaudent motricibus et nutriticibus, suo elatere, suo uiuido uirore. Succedit caulis et fastigiatur,

tur, αὐξάνει, *augetur* in dies, et extuberant flores modo niuei, modo miniati, modo aureo splendore corusci, quod seorsim maxime antheris proprium est, non sine summo Diuinarum laudum praeconio.

Quamobrem, a minori ad maius concludendo, demonstratiue infertur: si *lilium*, nulla cultura humana aliaue, gaudet sua uegetatione, incremento, flore, decore, prouidentia, nutu et cura Diuina, quid non de homine sperandum? Si, inquam, *lilium* superbit collato decore, partibus omnibus et singulis, foliis, floribus, petalis, cauliculis, punctis, antheris, capsulis feminalibus, quid non promittendum homini, ad imaginem Diuinam facto, cuius et capilli numerati sunt, nec unus decedit, quod eius fugiat prouidentiam.

Decurrit sua tempora *lilium*, immotum perstans, iniuriis uentorum, aeris, coeli bestiarum expositum, immo et deciduum perennat, inuitans merito clarissimo suo exemplo homines, ratione, sensu et motu praeditos, ut laborare, ut nere, ut procurare sibi utilia et necessaria possint, ut in se intuentes pii sint, confidant benignissimo Numini, non μετρίωποι, sed αὐτάρχεις, per totam uitam degant, a morte etiam perennaturi.

XVI.

IO. IAC. BAIERVS

in animaduers. Physico-Medicis in quaedam loca Novi Foederis D. N.

IESV CHRISTI.

p. 21. sqq.

DE

LILIIS AGRI.

Matth. VI, 28. Luc. XII, 27.

SVpersederem ego expositioni huius loci, ac remitterem L. B. ad integram de eo *exercitationem Vedelianam* Dec. X. Exercit. VII. tum et ampliorem *dissertationem* edit. Altorphii, A. CIOIOCLXXXVIII *uiri maxime uenerabilis* D. D. IO. MICH. LANGII, *affinis et compatriis, et olim collegae mei desideratissimi.* Veruntamen cum fortasse commentationes illae doctissimae in manibus complurium non sint, a me autem, utpote botanices professore publico, requiri utique possit aliqua istius thematis illustratio, huius caussa nonnihil in medium afferre cogor.

Mini-

Minime tamen uniuersi generis *liliorum* historiam contexere hic opus aut necesse est; quandoquidem satis fore puto, si hoc unum declarauero; *quaenam liliorum species a S. SALVATORE indigitata, et in exemplum splendidissimi habitus, supra omnem Salomonis gloriam praedicata fuerit?* Hoc autem non adeo expeditum est, cum in utroque citato loco generatim saltem τὰ κρίνα commemorantur. Ex priori tamen *Matth.* epitheto (τὸ ἄγρον) statim apparet; quod non fatiua, sed suae spontis nata et *syluestria* indicentur *lilia*. Sed enim uero, ne sic quidem liquet certa quaedam istius generis species, in tanta multitudine, cum etiam non constet, quaenam prae ceteris indigena ibi fuerit, ut a CHRISTO quasi digitis ostendi auditorum turbae potuisset? Commemorat equidem LEON. RAVVOLFIVS *Hodoëporic. p. m. 54. et icon. num. 125.* unum alterumque *lilium agreste*, in Syria et Palaestina a se obseruatum, ut adeo inter uulgatiores passimque obuias plantas et olim extitisse constet.

Ego autem de certa specie indicanda eo minus laborandum esse puto, quo magis exploratum habeo, *unumquodque lilium mereri illam cum ornatu Regio comparationem.* Etenim in amplissimo bulbosarum stirpium

M 4

genere,

genere, familia *liliorum*, amplitudine ac proceritate nulli cedit; ut recte magnus ille THUANVS *Carmin. a Paulo Renealmo edit. Paris. A. CIOIOCXI. p. 21. iudicauerit:*

- - - - - omneis
procera specie, et uiridanti caudice uincit.

Adde, quod flores in singulis speciebus, aut formae, aut coloris elegantia, aut ordinata dispositione, singularem exhibeant pulchritudinem.

Quodsi ad *lilium uulgare album* respiciatur, praeter formosum totius plantae habitum, niueus florum candor, cum insigni fragrantia coniunctus, abunde produnt eius praestantiam. Si quis praeterea, PETRO LAVREMBERGIO *Apparat. Plant. p. 83. admonente, nouum catoptri genus, quod res minutas ante oculos proxime positas aggrandescere facit (uulgo microscopium) usurpet, ac per id contempletur stamina illa exilia, itemque filamenta et fissuras lilii, fatebitur, nulla humana lingua illam elegantiam, illud miraculum efferrī ac satis praedicari posse.*

Sunt insuper haec, inter *lilia* petalis florum repandis seu reflexis donata (quibus commune nomen *martagon* tribuitur) uariae species elegantissimae, praesertim illud *Byzantinum*,

num, quod CLVSIVS descripsit primus, *cymbalum* uero *minatum* nuncupauit LAVREM BERGIUS, colorem ei esse perhibens *elegantem minii*, aut *cerae rubrae recentis*, totum *sui similem*, sine omni macula; cuiusmodi colorem coccineum Regibus ac Imperatoribus quondam in uestitu familiarem et quasi proprium fuisse constat, uariisque Scriptorum conquisitis comprobatur EDMUNDVS MERILLIVS *Not. Philolog. in Passionem CHRISTI* p. m. 24.

Taceo *coronam Imperialem*, uulgo dictam, non unius differentiae plantam, maxime affinem *lilio*, quam Turcae appellant *Tousai* uel *Tuschai*, quod *lilium Regium* significare testatur CLVSIVS. Speciosissimam illius formam, et ueluti maiestatem quandam, cum hodie inter frequentiores hortorum incolae occurrat, exaggerare uerbis superuacuum duco, sed tantum sententiae LAVREM BERGII subscribo: *Posset hic flos, specie, magnificentia et admirabili pulchritudine ceteris omnibus palmam praeripere; absque odore ingrato si esset, qui totam hanc plantam collutulat, et dignitatem reddit obscuriorem.* Veruntamen ista foetoris observatio est omnino extra tertium comparationis, a CHRISTO institutae.

XVII.

IO. IAC. BAIERVS

in animaduers. Physico-Medicis in quaedam loca Noui Foederis D. N.

IESV CHRISTI.

p. 24. sqq.

DE

SPINIS AC TRIBVLIS.

Matth. VII, 16. Luc. VI, 44.

Cum passim in *Sacris Litteris* commemorantur duo ista stirpium genera, τῶν ἀκανθῶν καὶ τριβέλων, tanquam inutiles hominibus, quin et in horum molestiam et agriculturae incommodum succrescentes plantae, non erit alienum, si de iisdem brevis instituatur quaestio; num genera, an certae saltem species nominibus illis designentur? Quod si Graecorum ueterum, inprimis THEOPHRASTI *Lib. III. Hist. Plantarum cap. 3. sqq.* monumenta litterarum euoluantur, ἡ ἀκανθα, uel ἀκανθα, genus quoddam spinosarum stirpium significat, cuius diuersae nec paucae sunt species, quarum una praeter ceteris distincte intelligi nequit, nisi per epitheton speciatim declaretur, e. g. *leucantha*,

cantha, *oxyacantha*, *pyracantha* etc. quarum omnium descriptiones luculentae a Botanicis traduntur.

Ceterum de aliquibus eius generis speciebus, quando de *Corona CHRISTI spinea* nobis agendum erit, plura forsitan ediffereamus. Interea hoc habemus compertum, τῶν ἀκανθῶν vocabulo cum primis quidem *fruticosas stirpes*, partim uero etiam quasdam *herbas*, quarum caulas, rami, folia, non aequae fructus, aut saltem hi non soli *spinis* siue *aculeis* obsidentur, generatim notari.

Alia uero est τῶν τριβόλων conditio, ad *fructum solum* habendo respectu, manifesto satis etymo, quod τρεῖς βολαὲ, *tres cuspides* habeat; quamuis hoc reapse in speciebus cognitis haecenus neutiquam obseruetur. Distinguunt Botanici communiter *tribulum* in *terrestrem* et *aquaticum*: huius unica extat species, nostratibus *Stachel-Nüsse*, oder *Wasser-Nüsse* nuncupata. Ipsi ordinarie *quatuor* sunt *aculei* crassi, ad instar *muricum* appositi pericarpio seu cortici nucleum includenti. *Terrestri* autem *tribuli* *quatuor* a IOSEPHO PITTONE TOVRNEFORTIO* enumeran-

* in splendidissimis rei herbariae institutionibus, quarum editio altera, Gallica longe auctior, quingentis circiter rabulis aeneis adornata tribus tomis, Parisiis; ex typographia Regia, C1D10CC. 4. edit.

merantur species, quarum uulgatior *ciceris folio*, *fructu aculeato*, cognominata, satis eleganter delineatur a MATTHIOLO in editionibus herbarii, grandioribus iconibus illustrati Patav. et Prag.; characterem uero inter plantas anomalas, ipsi RAIUS *Method. Plant. emend.* p. 130. adiudicat flores pentapetalos, fructus muricatos, e quinque uelut triangularibus partibus compositos, quarum cuspides in centro concurrunt, reliqui anguli in longam et acutam spinam exeunt.

Sicut autem de *plantis* ferme quibuslibet *spinosis*, quoad caules, folia et ramos, abunde constat, parum commodare hominibus ad esum, ut neque *uvis* neque *ficibus* simile quid hinc liceat colligere; ita quod illius generis luxuries agriculturae multum officiat, plus sane notum est, quam ut nostra indigeat demonstratione. Huc pertinet, in *Euangelis* ex ore CHRISTI annotata parabola de semine, quod inter spinas cadens, his enatis suffocatur. Ast enim uero de *tribulis* idem non adeo perspectum est, saltem de *aquaticis*; qui quemadmodum frugibus terrae et agrorum foecunditati, propter instinctum plane natalem locum suum, impedi-

mento

mento esse nequeunt, ita *nucleos* suppeditant *esculentos*, a castaneis non multum discrepantes, quin et panificio idoneos; ueruntamen de his nec in praesenti, quem dilucidamus, nec in ullo alio *S. Scripturae* loco, sermonem esse, quilibet non plane stupidus facile intelligit; quamuis etiam qualiscunque istorum nucleorum materia, ad suauitatem *uuarum* aut *ficuum* comparari haut mereatur. De tribulo autem *terrestri*, quod in Syria luxuriat, testimonio RAVVOLFII l. c. p. 55. ubi ab incolis *Hasek* appellari refert, satis constat; PETRVS BELLONIVS *Observat. Lib. I. cap. 18.* uero eundem tribulum obseruauit *agris maxime noxium, praesertim leguminibus*; unde clare Diuinae sententiae grauitas *Genes. III, 18.*, quando in poenam peccati denuntiauit *Adamo, terram spinas et tribulos sibi germinaturam*; quorum scilicet prouentu non modo satiae ac desideratae fruges opprimerentur, sed et agricolarum atque messorum corpora, inprimis pedes non minus laederentur, quam istis ferreis machinulis, quae dolose in terram aduersus hostes conici solent, atque ob similitudinem quandam *murices* aut *tribuli* dicuntur.

Paucis animaduvertere placet, quod *S. LVCAS*, in loco parallelo, τῷ βάρῃ uocabulum

lum posuerit pro *tribulo*, quod omnino aliquid specie diuersum designat, uidelicet *rubum*; tametsi et hic aliquod genus constituat, pridem dictante THEOPHRASTO *Lib. III. cap. 18.*, exemplis uulgo quoque notis *rubi idaei*, *syluestris*, *cynosbati* etc. quorum tamen nullius, quantumuis Medicinae et esui etiam apti fructus, ad delicatam *uuarum* atque *ficuum* naturam accedunt.

XVIII.

IO. IAC. BAIERVS

in animaduers. Physico-Medicis in quaedam loca Noui Foederis D. N.

IESV CHRISTI.

p. 26. sqq.

DE

LEPRA.

Matth. VIII, 2. Luc. XVII, 12. etc.

NUllum morbi genus in *Sacro Codice* pluribus circumstantiis atque exemplis memoranda-

moratum legitur, quam *lepra*, et uix ullum saepius miraculose immissum atque sanatum deprehenditur. De *uera* autem eius *essentia*, et ab aliis humani corporis affectibus *differentia*, magnus est inter Medicos scriptores dissensus. Plerique in eo quidem conueniunt, quod si non genuina species, attamen prope *cognatum sit scabiei malum*: cum interim *lepram* et *elephantiasin Graecorum et Arabum*, inter se conferendo ac distinguendo, *lepramque* in S. Litteris notatam, ad hoc aut illud genus referendo, rem omnem turbent atque confundant.

Vt autem uera specialis ratio istius *Iudaeorum leprae* declarari queat, supposito prius hoc, (non facile a quoquam nobis denegando) quod *idem sit specie morbus*, qui et in *Veteri et Nouo Testamento λέπρα nominatur*; cum etiam LXX. Interpretes eodem ubique utantur uocabulo; ad sequentia per *Moysem Leuitic. XIII.* diuinitus indicata *signa leprae uerae diagnostica, et quasi pathognomonica* praecipue attendendum esse arbitror: I.) ad *colorem*, tam cutis quam pilorum, in album p. n. mutatum: II.) ad *profundiorum seu humiliorum redditam loci affecti superficiem*: III.) ad *incrementum*, quod subinde *latius serpendo*, malum capit. Haec igitur *tria simul*

simul comprehensa, lepram perfectam, ex oraculo diuino produnt.

Secundum has conditiones, uti par est, considerata *Iudaeorum lepra*, non uideo, quare ratione possit referri ad *lepram*, siue *Arabum* siue *Graecorum*, siue etiam ad *Elephantiasin* utrorumlibet, uti sane quiuis, auctores illos ueteres, tam Graecos quam Arabes siue Mauritanos, citra praëiudicium, et accurate inspecturus facile mecum obseruabit. Nolo iam descendere in illam disputationem, quousque conueniant aut discrepent *lepra Graecorum et elephantiasis Arabum*? hoc tamen non uereor asserere, quod affectus ab utrisque descripti *leprae* nomine, unum aut alterum in *Iudaeorum lepra* notatum phaenomenon excludant, et contraria quaedam alia adiungant, e. g. *tumorem partis affectae*, et *colorem ab albo diuersum*. Quapropter uero simile est, quod *malum peculiare et quasi endemium fuerit Iudaeis*, ac *uicinis forte quibusdam gentibus ista lepra*, cuius notas adeo clare designauit *Moses*; quamuis ipsa hoc fortasse habuerit commune cum *lepra*, siue Graecis siue Arabibus dicta, quod latius serpendo se diffuderit, et affectam cutem in squamas resoluerit, formato sic uocabulo ἀπὸ τῶν λεπίδων (*a squamis*) unde τὸ λεπτύρεον,

νεοθαι, quod significat *scabrum fieri et simul albescere*; quemadmodum hoc uerbum, NICANDRO de quibusdam serpentibus usitatum interpretatur IO. GORRAEVS Schol. in *Nicand. Theriac.* p. 77. et 82.

Quodsi ergo *lepram istam Iudaeorum* ad aliquam speciem cutaneorum affectuum a Medicis antiquis designatorum reducere uelimus aut debeamus, uix alia occurrit conuenientior, quam *utiligo alba* CELSI Lib. V. c. 28. §. 19. Graece λεύκη dicta, quae ab ipso graphice describitur, *quod habeat quiddam simile albo, sed magis albida sit, et altius descendat, in eaque albi pili sint, et lanugini similes, praeterea serpat, in aliis celerius, in aliis tardius; quod non facile dimittat, quam occupauit.* Nescio sane numquid congruentius ad descriptionem *leprae Biblicae* afferri queat? praesertim cum et idem CELSVS de *utiligine* ista pronuntiet, *quod foeda sit, et ex mali corporis habitu fiat.* In eandem sententiam nobis praeciuit VOGLERVS p. 105. sq., tamen si luculentum istum CELSI locum haud animaduertērit, sed tantum ad ANDREAM CAESALPINVM *Specul. Artis Med. Lib. III, c. 15.* similiter statuentem prouocauerit.

Non exiguum pondus opinioni huic
N addit,

addit, quod ARNOBIUS (qui sub finem tertii post N. C. saeculi floruisse fertur) dum miraculosas CHRISTI therapeias recenset, nusquam *leprae* uocabulo, utpote non Latino utatur, sed *uitiliginis* eius loco ter minimum proponat *Lib. I. aduersus Gentes has foedas, earumque albicantium notas, manu admota deterfisse CHRISTVM*, expressis uerbis pronuntiet; in cuius testimonii praeclari notitiam HIERON. MERCVRIALIS *de morbis cutan. Lib. II. c. 5. lectione* (qui et ipse est *ὁμόψυχος*) me peruenisse fateor.

Ceterum ut alii complures morbi suos habent magnitudinis ac uehementiae gradus, ita seorsum circa *lepram Iudaeorum* idem usu uenisse ex *S. Litteris* abunde patet. Ac licet *chronicum* communiter *malum* extiterit, sensim inualescens, nec uelociter occidens homines; interdum tamen *subito* emeruisse et uiolenter tractasse; quos occupauit, exemplo *Mariae, sororis Moysis*, constat, in quam ex ira furoris Domini *lepra* inuadens, adeo saeuiit, ut intra breuissimum tempus, *dimidium carniū eius absumsisse* iam appareret. Consimili celeritate occupauit *lepra famulum Elisiaei Prophetae*, ut et *Regem Iudae Vksam*; qui tamen casus, quoad originem et causam, plane supra naturam contigerunt. Et sane in

in uniuersum *lepra Iudaeorum*, si quae in *Bibliis* de eadem commemorata sunt, accurate perpendantur, non pauca singularia, sed ab aliorum morborum more admodum diuersa habuisse uidetur: quo pertinet inprimis *illa uestimentorum quoque et aedium inquinatio uisibilis*, in eiusmodi rebus, quae uita carent, aliquid uiui, serpendo ac corrodendo repraesentans, cui simile, et quidem *endemium* alicui regioni malum, a Medicis aliisque scriptoribus notatum non legitur. Quare non dubitamus cum VOGLERO suspicari, quod fortasse *Diuini quippiam, et a supernaturalibus causis profectum hic subsuerit*; praesertim cum nec apud alias gentes unquam, nec postea, aut hodie in illis terris idem amplius sit obseruatum.

Sed ad *humanorum corporum lepram* ut reuertar, sicut illam in *Sacris* occurrentem, ad *λέυκη* Graecorum, seu *uitiliginem albam* Latinorum, quam proxime accedere, quin eundem prorsus affectum esse ostendimus, ita nec alienum quoque putamus *Albaram albam Ebnsinae* (uulgo *Auicennae*) qui notas ei attribuit *Lib. III. Fen. 7. tract. II. c. 9. quod albi super eam nascantur pili, cutis sit magis depressa, et uehementius defossa, quam cutis reliqui corporis; quod etiam non tantum*

in cute subsistat, uerum etiam in carne, usque ad os; si nempe consummatum sit malum; cuiusmodi aliquando me uidisse recordor in milite, cum nosodochii castrensis, in uicinia Norimbergensi a Praepotent. circuli Franconici Ordinibus constituti praefecturam sustinerem. Istius autem mali aestimationem, et utrum sanabile sit an non? experimento colligi CELSVS edocet, quod nempe incidere cutis debeat, aut acu pungi; si sanguis exeat, quod in alba et in nigra uertigine soleat fieri, remedio locum esse; si humor albidus (sicut in leuce) sanari non posse; itaque ab hoc abstinendum esse.

Sed non abstinuit a curatione *ὁ Θεός* Omnipotens, cui nullum morbi genus inexuperabile fuit: hinc *unum* leprosum benigno contactu; alia occasione *decem* leprosos simul, solo uerbo suo mundauit, atque confestim liberauit a morbo, humanis uiribus, aut plane non sanabili, aut certe non nisi longo tempore multisque remediis difficulter auferendo.

Paucis adhuc attingo opinionem illam, haut nuper quidem, teste IO. MANARDO *Epistol. Medicinal. Lib. VII, 2.* exortam, et in hunc usque diem ab aliquibus propagatam; *uid. b. D. VVEDELI Cent. II. Dec. III.*

Exer-

*Exercitat. VIII. quod lepra Iudaeorum et lues uenerea, uulgo dicta, sint unus idemque morbus. At enim uero si praecipua istius luis, siue concubitu impuro, siue alio contagionis modo contractae phaenomena, lip-
pis etiam et tonsoribus nota, cum istis e S. Codice adductis leprae notis praecipuis conferantur, ingens apparebit differentia. Praeterquam enim quod in toto capite XIII. Leuitici nullum omnino in uerendis concurrens uitium commemoretur, et in sequenti capite XV, de gonorrhœa uirorum, tanquam distinctio a lepra affectu tractetur, atque huius causa peculiare praescribantur leges, ordinaria luis uenereae, seu morbi Gallici symptomata, quae extra partes genitales, primario communiter affectas, in aliis locis erumpunt, toto quasi coelo discrepant a declaratis leprae Iudaeorum notis; dum loco praeternaturalis albedinis ac depressionis in cute, tumores liuidi aut discolors, duri, dolentes, in ulcera saepe profunda abeuntes obseruantur; ut propterea parum aut nihil commune exhibeat (saltem externo habitu) cum lepra Iudaeorum. Quatenus autem ista lues cum elephantiasi Graecorum conueniat, non est praesentis instituti decernere.*

XVIII.

GEORG. VVOLFG. VVEDEL.

*in exercitatt. Medico - Philolog. etc.**Dec. V. Exercit. II.**p. 6. sqq.*

DE

PARALYSI TORQVENTE.

Matth. VIII, 6. Luc. VII, 2.

QUOD ARISTOPHANES, comicorum Graecorum lepidissimus canit: ἀνθρώποις νοσήματα ἀπαντα εἰν, *hominibus morbi omnibus sunt*, id longe quidem uerissimum est; non minus uero et alterum, omnibus morbis sua sunt remedia. Datur omnium morborum panacea, si non humana ope, non corporis, non in terris, impetranda tamen e coelo, a Salvatore, medico uero et Θεω-
 ῳ. Sanauit desperatos, sanauit gratis, miraculose, et hoc quoque caractere se demonstrauit Messiam.

Inter hos si non grauissimis, e praecipuis omnino fuit *paralysis βαα ἰζουα*, torquens et crucians, descripta historia *Matth. VIII, 6.* seruo centurionis hac ipsa decumbente, eoque nomine rogata Diuina ope.

Para-

Paralysis ille morbus est Medicis, quando motus est ablatum, siue integro sensu relicto partium affectarum, seu eodem quoque amisso, qui gradus paullo maior est. Et motus quidem, nostro effato, secundus, salvo primo, qui sanguini debetur, et vitalis audit, ut aliter ille animalis, προαισθητικός, *voluntarius*, quando ad nūtum omnes motus species exercemus, imperatas a mente, seu contrahere uelimus membrum, seu extendere, seu transferre, seu tensum manere, qui motus tonicus dictus reliquis omnibus suo modo est communis.

Exercent eundem muscoli, tanquam corporis remiges, eorumque fibrae nerueae, materia subtili et elastica spirituum momentaneo motu in neruos uibrata, e neruis in musculos, e musculis in tendines, e tendinibus in ossa et articulos. Singula haec cessant in *paralyfi*, nec manus, nec pes, uel alia quaeuis pars ita affecta facit officium, non impellitur, non mouetur, flaccescit, frigesit, arescit, uel tumet etiam, utrumuis suis de causis.

Hic uero praesenti casu expressus affectus non erat *paralysis* sibi relicta, simplex, uulgaris, qualis uel sequenti capite scriptoris authentici, uel in uita Saluatoris alibi occur-

rit. Recensentur enim circumstantiae aliae, quae id euincunt; non unus motus cessabat, ut in aliis, non sensus, adaucto malo, uerum diuersa erat species et singularis.

Sed attendamus haec momenta paullo curatius. Generalius fuerit, quod ἀδυνῆς fuisse scribitur, *Luc. VII, 2. infirmus, debilis*, quamuis et hoc epitheton primaria emphasi de *paralyticis* Nou. Testam. uideas praedicari; quod item κακῶς ἔχων, *male habens*, *ibid.* haec enim communia sunt cum morbis aliis, in primis grauioribus. Pressius liquet, qualis et quanta habenda, quando *Matthaei l. c. commate 6.* dicitur aeger δυνῶς βασανίζμενος, *grauiter tortus*, et apud *Lucam loco citato u. 2. ἡμετέ τελευτῶν, moriturus, mortis proximus*. Vtraque haec satis accurate describunt morbum, et quid in recessu habuerit, innuunt.

Τὸ βασανίζειν *torturam* denotat, quali pro exploranda ac inquirenda ueritate, in iudiciis utuntur, duo importans, tensionem, *das dehnen, spannen, peinigen*, et inde confurgentem dolorem, qui tortor est eximius, et ab interna quoque caussa, accensis facibus, eiusdem satis atrox et crudelis carnifex. Addita uox δυνῶς gradum uehementiae exprimit, non aliter ac Icti, in irroganda *tortura,*

tura, certis terminis definiunt, quousque, proportionem delicti uel circumstantiarum habita, sit exequenda.

Enimuero *paralysis* ordinario statu tantum abest, ut dolorem habeat comitem, uel tensionem, ut potius natura sua utrumque excludat. Non intenditur enim sensus, uel exprimitur, (uti dolorem sensum expressum nominare solemus,) in *paralyti*, sed nisi aboletur penitus, saltem imminuitur. Hinc torpor, stupor, et *ἀναισθησία* sunt prodromus paralyseos, et comites; hinc contra ea dolor in *paralyticis* signum est bonum, quod saepius uidimus.

Curatus olim a nobis, primo praxeos initae anno, singulari DEI gratia, adolescens XVI. annorum paralyticus, qui nullius partis infra caput positae usura gaudens, praeterquam duorum digitorum leui sensu et motu, miserrimo spectaculo per integrum biennium decubuerat; is quoties dolorem sentiebat in hac uel illa parte, bono omine id fiebat, breui post redeunte sensu et motu, donec post sex menses integre restitueretur, etiamnum superstes.

Immo ideo dicitur *paralysis*, a resoluen-
do, quod membra sint resoluta, flaccida,
omnis tensionis, ad motum necessariae, ex-
N 5 pertia,

pertia , cui λύσις opposita est τάσις *tensio*, qualis in conuulsionibus occurrit. Nec *paralysis* praesentaneam infert noxam, sed moram patitur, malum chronicum per menses et annos durans, qualis etiam XXXVIII. annorum Io. V, describitur curata itidem. Accidit eadem apoplexiae medii generis, ubi *hemiplegia* audit, resolutio alterutro latere, secundaria magis. Non raro uero obseruatur, et primaria, citra illam, aliumue morbum praeuium.

Attamen nec pro insolita absolute et supernaturali habenda fuerit nostra haec, cum ut monstra dantur in medicina, ita et in *paralysi* eadem occurrant. Vtut enim tortor summus daemon morbis βαταίστικῃ, *torturentibus*, inquietis, conuulsivis se immisceat facile, et exempla talia in Sacris obuia sint non pauca; non temere tamen ad illa descendimus, dum sufficit naturalis causa, nec stringens argumentum in textu id cogit statuere. Sufficit insolitam fuisse secundum quid, eoque maiorem morbum, quo magis insolitus, aestimandum.

E quibus porro efficitur, fuisse eandem *uniuersalem*, et quidem proprie sic dictam, cum latius sumendo et hemiplegia quandoque ita audiat; particularis enim, uni soli
parti

parti inhaerens, non intulerit symptomata laudatis notis congrua. Talem inter alios uidimus in candidato quodam iuris, olim in capite non leuiter uulnerato, capite integerrimo, uniuerso reliquo corpore paralytico, uiso, miserrimo itidem spectaculo, letali cum euentu. Eo enim casu, principium neruorum magis affectum est, nec in insertione, sed in origine radix mali haeret.

Fuit eadem chronica, sed *acuta*, acutorum more se habens, uelocia, magnitudine, periculo; fuit *urgens* et *grauissima*, non patiens moram, sed breui fatalem illatura horam. Non acuta est paralytis per se, ab adiunctis uero accidentibus et circumstantiis talis reddi potest, seu acutorum instar comes accedat alius, seu *ἐνερπῶς* parti inferatur, quod uidimus in paralytico studioso, cui tum ob ambustionem pedum improuidam, tum ob compressionem et decubitum ulcera enascebantur foetorem morticinum spirantia, quamuis dilata a praesidiis generosis morte, donec patriis redderetur laribus.

Et maxime omnium fuit paralytis *torquens*, *spasmodica*, *conuulsiva*. Nullus penitus morbus *βασανισμὸς* seu torturam tam accurate exprimit, quam conuulsio. Spasmus enim fit tensione partium constanti, dolori-

fica;

fica : torquet tenditque membra, uel particularis flatulenti exemplo, quem crampam uocitemus, nedum uniuersalis, qui modo in anticam, modo posticam partem torquet corpus, et dicto pacto distendit, modo aequali rigore (retanum apellant medicorum filii,) non inflexum dilacerat.

Infert id textus ipsius curatior consideratio, consentit ratio, non abnuat experientia. Omnia nimirum illa, circumstantiarum loco eruta, medium hunc statum; paralyfin torquentem inferunt, quod altius repetere superfedemus. Nec absolum esse posse uel superuenire paralyfi spasmus, uel alternare ac reciprocare adeoque coniungi haec duo symptomata.

Potest enim mixta caussa concurrere, quae partim figat spiritus, iisque fixatis neruos resoluat, partim irritat, exemplo acidi, quod lymphae et spiritibus maritatum in poris neruorum obstructionem ac coagulum, in membranis et fibris irritationem sufficientem caussare potest.

Nec obstat, qua occasione enatum sit malum, non patere simul, an ex uulnere, cum miles fuerit; an ex caussa interna. Vtroque enim modo uisa est paralyfi coniuncta conuulsio. Ante aliquot annos,
e uulnere

e uulnere capitis circa suturae coronalis dextrum latus neglecto, studiosus paralyticus interpolatam patiebatur conuulsionem latere sinistro, breui inde consequente morte. Exemplum plura, ut rem in summam contrahamus, collecta e uariis auctoribus legi possunt apud MORONVM *Director. Med. Pract.* p. 342. *sqq.* Tacemus concurrere simul posse conatum naturae ultimum, uim morbi, scorbutum, eminentia salium et aliis promotam. Sic et aegrotus decimus tertius *Lib. I. epid. t. 6.* dextram manum paralyticam habebat cum conuulsione.

Cum itaque tantus fuerit morbus, cum nulla humana arte sanabilis, non nisi Diuina ope simul et semel, eadem hora, eodem momento, dictum factum curari potuit, idque ab absente, ex quo abunde maiestas Diuina Saluatoris Optimi Maximi emicuit.



XX.

IO. IAC. BAIERVS

in animaduers. Physico-Medicis in quae-
dam loca Noui Foederis D. N.

IESV CHRISTI.

p. 30. sqq.

DE

PARALYSI.

*Matth. VIII, 6. VIII, 12. Luc. V, 18.**Act. VIII, 33. etc.*

TEmerarium foret, si praesumerem, post
exquisitas magnorum inter Medicos Phi-
lologorum TH. BARTHOLINI *de Paralyticis*
N. T. iter. edit. Basil. MDCLXII, et
G. VV. VVEDELII Cent. I. Dec. Exercit. 2.
expositiones illius morbi, eodemque afflicto-
rum, qui in *S. Litteris* notantur, aliquid
singulare, nedum melius istis in medium af-
ferre. Neque tamen penitus intactam re-
linquere hanc materiam consultum uidetur.
Quare breuiter saltem ac summatim non
nulla ex Medicorum dogmatibus depromam,
quae facere inprimis poterunt ad distin-
ctio-

tionem iustamque aestimationem propositi affectus.

Latine uertitur ἡ παραλυσις, *resolutio* scilicet, uti CELSVS *Lib. III. c. 26.* componit. Accuratio*r* eius *descriptio Brunonia* Lexic. Med. tit. *Paralysis* habetur, quod sit *motus animalis et tactus in parte quadam* (aut pluribus) *corporis abolitio, uel imminutio uehemens, cum eiusdem quandoque atrophia, pulsus debili, aliisque symptomatibus, proueniens a partium nervosarum relaxatione, propter deficientem spirituum animalium praesentiam aut aetiu*it*atem, ab intemperie materiali cerebri, uel obstructione nervorum oborta.* Est igitur accurate loquendo non tam *nervorum resolutio dicenda paralysis, quam fibrarum in musculis et membranis, quae sunt partes nervosae, non ipsi nervi; quod idem admonet beatus D. BRVNO noster.*

Placuit haec sane uulgaria in scholis, hic praemittere, ut fundamentum ponerem discernendi *paralysin* a morbis aliis; in quibus itidem imminutus aut abolitus est animalis partium motus, nominatim a *contractura* unius aut plurium membrorum, quae consistit in uitiosa adductione, hinc abbreviatione aut corrugatione fibrarum, wann die Glieder frumm und zugleich unbeweglich sind:
cui

cui opponitur *praeternaturalis diductio uel extensio, cum rigiditate coniuncta*: *gestreckt und steif*. Prioris generis mulier *συνών-
τρουα* Luc. XIII, 11. de qua suo loco. Vtrinque autem manifestum apparet a *paralysi discrimen*, per contrariam huic penitus, illis *coniunctam rigiditatem*. Differt uero etiam *paralysis ab arthritide, tam uaga quam fixa*, quod in utraque affecta membra moueri aegre aut uix queant, non propter fibrarum motricium *resolutionem*, sed atrocissimum *dolorem*; quamuis interdum hoc cessante relinquatur impotentia quaedam ad mouendum, alii in *rigiditate* consistens.

Ceterum hoc non parum turbat interpretes, rei Medicae ignaros, quo modo *paralyticus centurionis seruus* potuerit esse uehementer *simul discruciat*, quando secundum dicta, in definitione, *paralysis* non tantum motus, sed etiam sensus imminutionem aut abolitionem inferat? Veruntamen facilis erit explicatio, si statuatur, *primarium quidem affectum fuisse paralyin, accessisse uero deinceps dolores uerminantes aut formicantes, aut ipsas denique conuulsiones*, a reuertente quodammodo, sed anomalo et impetuoso spirituum influxu: Το Βασανίζει enim, i. e. *torquere*, non unam *cruciatus* designat rationem.

nem. Quod autem *dolores paralyfi superueniant*, id iam pridem, etsi rarius contingens, obseruauit ARETAEVS de *Morb. diuturn. Lib. I. c. I.* consentiente etiam CAEL. AVRELIANO, de *Morb. Chron. Lib. II. c. I.*, quod dolore attestante, i. e. praesente uel accedente, interdum existat *paralysis*, Luculentum suppeditat exemplum *Alcimus*, qui memoratur, posteaquam *παρελύθη* (*resolutus est*) *occluso etiam ore eius*, seu *aphonia* correptus, *μετὰ βασάνου μεγάλης*, (*cum tormento magno*) uitam finiisse. *Macchab. Lib. I. c. 9.*

Complures historias, de *paralyfi*, *uariis doloribus*, quin et *conuulsionibus comitata*, ex Medicis scriptoribus collegerunt atque annotarunt MORONVS ac SCHEFFERVS Director. *Med. Pract. p. 343. et sq.*; quas sigillatim hic recensere nimis foret. Hoc tribus quasi uerbis addimus, quod per istam *complicationem* ordinarie grauior ac periculosior, quin et *letalis* euadat *paralysis*; cuiusmodi sine dubio fuit illa, quae centurionis famulum excruciauit: *ἡμεμε γὰρ τελευταῖον* erat enim moribundus, teste *Luca c. VII, 2.*

Lubet concludere appositis *VVedelianis* uerbis: *Cum itaque tantus fuerit morbus, cum nulla humana arte sanabilis, non nisi diuina ope, simul et semel, eadem hora,*
O
eodem

momento, dictum factum, curari potuit, idque ab absente; ex quo abunde Maiestas Divini SALVATORIS Optimi Maximi emicuit.

XXI.

IO. IAC. BAIERVS

in animaduers. Physico-Medicis in quaedam loca Noui Foederis D. N.

IESV CHRISTI.

p. 33. sqq.

DE

FLETU ET STRIDORE
DENTIVM.

Matth. VIII, 12. XIII, 42. 50. XXII, 13. XXV, 30.

Singularis haec est uocabulorum constructio, qualem in S. *litteris* V. T. tum apud profanos auctores Graecos ueteres non facile inuenies. Quo luculentius autem apparet, istam phrasin S. SALVATORI nostro usitatam, et connexionem τῆ κλαυθμῆ καὶ τῆ βρυγμῆ τῶν ὀδόντων, designare acerbissimos dolores

dolores corporis aequae ac animi, quos ad aeternum supplicium tracti percipere debeant, eo magis etiam certum est, quod in hac uita maximo cruciatu afflictis accidere quodammodo simul ista queant et soleant.

Et τὸν κλαυθμὸν quidem, non tam fletum et lacrymas, quam *uehementem eiulatum et plangorem* significare, quidam Philologi perhibent; Vid. GODOFR. VVEGNERI annotat. in *Matth.* l. c. cuiusmodi *lamentationes* (ut ita dicam,) *siccas* h. e. sine lacrymis, grauissima quaeque tormenta et morbos admodum dolorificos sustinentibus familiares esse constat.

Quod autem ad τὸν βρυγμὸν τῶν ὀδόντων attinet, is hoc loco non quemlibet dentium, ab adductis crebro maxillis excitatum tremorem ac strepitum denotat; qualis, interdum quoque leuior, ab externo aut febrili frigore oboritur; sed *uiolentam plane collisionem et attritum*, cuius sane sensu idiomate nostro melius redditur, das Knirschen der Zähne, quam das Zahn-Klappen; quemadmodum uerbi βρύκειν siue βρύχειν, aut βρύξαι, (unde ὁ βρυγμός) *emphasin* EROTIANVS edit. *Barth. Eustachii* p. 29. et 30. scite tradidit: ἡγουν βιαιῶς ἐκρεῖσαι, ὡς ἡχόν τινα γινέσθαι, τῶν κάτω πρὸς τοὺς ἄνω κρούοντων: h. e. den-

tes uiolenter connectere, et inferioribus cum superioribus collisis sonum quendam fieri.

Consona fere sunt τὸ πλεῖν καὶ τριζεῖν, utpote ex sono rei pariter formata uerba, quorum altero HESYCHIVS illustrat τὸ βρυχεῖν. Semel id occurrit Marc. VIII, 18. dum inter symptomata miseri hominis, spiritu muto correpti, relatum hoc legitur: τριζει τοὺς ὀδόντας, *dentibus stridet*; ut adeo τοῦ βρυχέον optime interpretemur cum CELSO Lib. II. c. 6. et 7. *dentium stridorem*, qui est acutus ac penetrans sonus, a uiolenta eorum collisione obortus.

Quam frequenter, in eadem significatione, iisdem uocabulis ac uerbis utatur HIPPOCRATES, e locis bene multis a FOESIO *Oeconom. Hippocr.* p. m. 128. - 29. it. p. 527. notatus intelligere licet, simul uero et hoc e plerisque colligere, malum indicari ualde periculosum mortisque praenuntium; seorsim febribus acutis superueniens, ubi futuram *insaniam* portendit, hac autem iam praesente secuturam *mortem*: *Praenot. III. it. Coac. II. 151.* Est etenim eiusmodi *stridor dentium* p. n. effectus conuulsionis musculorum maxillas mouentium, qualis conuulsio ab extrema spirituum animalium conturbatione proficiscitur.

Notis

Notissimum est praeterea, quod *uehementer irati*, ad furorem usque, dentibus stridere soleant; quemadmodum Iudaei impii, seueram *S. Stephani* correctionem aegre ferentes. *Act. Apostol.* VII, 54. ἔβρυχον τοὺς ὀδόντας ἐπ' αὐτὸν: *stridebant dentibus in eum.* Taceo, quod in *Psalms* XXXV, 16. XXXVII, 12. CXII, 10. aliquoties occurrens eadem dictio; a LXX. Interpretibus simili prorsus modo exponatur.

Quare si haec haecenus proposita summam expendantur, manifestum fore puto, ineffabiles damnatorum cruciatus, extrema sensuum et animi conturbatione iugiter comitatos, ipsamque adeo desperationem inferentes, uix ullis aptioribus uerbis adumbrari

posse, quam τῷ κλαυθμῷ καὶ τῷ βρυγμῷ
τῶν ὀδόντων. q. e. d.



XXII.

GEORG. VVOLFG. VVEDEL.

*in exercitatt. Medico-Philolog. etc.**Dec. VIII. Exercit. IIII.**p. 29. sqq.*

DE

FEBRI MAGNA.

*Matth. VIII, 14. Marc. I, 30.**Luc. III, 38.*

INter alios quamplures morbos, quos suavissimus SALVATOR sanasse et aboleuisse legitur, est quoque omnium maximus, FEBRIS. Cum enim et haec inter praecipuos numeretur *Deut. XXVIII, 22.* quibus iratus DEVS affligere minatus est humanum genus, noluit et in hoc deesse, sed gloriae Diuinae partem etiam hac specie exerere. Sanauit et acutos, et chronicos, illos periculo, hos taedio graues, utrosque desperatos ac molestissimos.

Vt

Vt uero singuli expendi merentur, nec negligendi sunt, quibus manifestauit maiestatem suam; ita nec haec, quamuis id primo intuitu et obiter legentibus uideatur iam satis notum. Quid enim est notius febribus, quibus tertia pars hominum moritur? Est in notis quoque quod mireris, quod disquiri fas est, immo saepe magis longe, ac in ignotis, obscurioribus, incognitis.

Casus hic est: PETRI *Apostoli* focus decumbebat febrī. Intrat domum non casu, sed consulto et sanitatem laturus SALVATOR. Adstantes occasionem hanc non tam arripiunt, quam adacti, urgente morbo, intercedunt, rogantes, ut manum afferret medicam misertus aegrotae. Expromta opera praesto est, contingit aegram, et uerbo sanat, ut uelut nullo morbo correpta, uiribus integris lectum relinqueret, et SERVATORI suo ministraret. Describitur idem *Matth.* VIII, 14. *Marc.* I, 30. et *Luc.* III, 38.

Hos inter omnium exactissime et terminis medicis ipsis magis rem omnem exprimit D. LVCAS, utpote curiosius alias circumstantias delibans, et artis ipse gnarus, cuius potissimum hinc artificium in disquisitione

tione sequemur. Morbus assignatur πυρε-
 τὸς, *febris*, ἀπὸ τῆς πυρὸς dictus, *ab igne*,
 quod calor nativus, motui placido et tex-
 turae humorum vitalium congruae debitus,
 gradu superaddito et adscito praeternaturali
 actionibus secundum naturam non uelifice-
 tur, sed peregrinus redditus desaeuiat,
 et hinc inde corpus uniuersum male ha-
 beat.

Hoc ipsum ueluti genus latius patens
 pressius describitur, addito epitheto, πυρετῶ
 μεγάλῳ, *febri maligna*. Est hoc solenne
 praeceptum apud medicos, ut probe distin-
 guantur morbi, eorumque gradus, seu, ut
 COVS definit, μεγεθὸς αὐτῶν μέγα, καὶ οὐ
 μέγα, *magnitudo ipsorum magna, et non*
magna, L. de alim. c. 5. t. 6. Enimuero
 magnus saepe est morbus apparens, non
 re uera talis, et contra ea paruus esse
 uisus, re uera tamen magnus. Magnus
 alius mole, alius uirtute, alius ad sensum,
 alius profundiori recessu magis, quam primo
 intuitu.

Idem hic tenendum est, non intelligi
 febrim magnam, nisi re uera talem, pro
 statu praesentis morbi facto iudicio. Quo
 de

de iterum COVS: μέγα δ' ἐν ᾧ πασι τὰ καὶ
ἐξῆς, καὶ ἐν ᾧ χρόνῳ, καὶ ἐφ' οἷσι, ὅλως
οἷσι. *Magnum autem in omnibus, id quod
et consequenter fit, et in quo tempore, et in
quibus: ita enim rectius magnitudo haec
definitur, ex L. II. epid. §. 3. t. 38.*

Si febrim dixeris, facile iam intelligitur
morbi status; si magnam, nouus isque ge-
nuinus conceptus oritur status penitioris.
Id uero ut magis pateat, uox συνεχομένη
non parum confert. Febris συνεχής conti-
nens et continua est, quae uno tractu uel
quasi perdurat, et hac uoce simul innuitur.
Frustra sunt, qui κατεχομένη legunt, quo qui-
dem sine dubio ad marginem adscripto uo-
cabulo παραφράζειν et explicare uoluit quis-
piam, tanquam notiori, unde, ut fit, idem
inter uarias lectiones hinc adscitum ac rela-
tum fuit. Fateri philologi necessum habent,
plenius significara hoc uerbum uniuersum rei
statum, quam κρατεῖσθαι, καὶ ἔχεισθαι, i. e.
detineri, haberi a febre.

Ita enim συνεχομένη uox maxime empha-
tica notat ueluti circumfessam, constrictam,
urgenter, cum συνοχῇ καρδίας, cum angu-
stiis,

stis , anxietate cordis , argumento II. Cor. II, 7. cum respiratione sublimi ac difficili, cum inquietudine, iactitatione, aliisque notis ac symptomatibus, istis casibus toto die obuiis, mali moris, et ominis.

Omnia illa magnitudinis titulus adiectus optime determinat. Magnum enim omne illud dicit, quod alias de hisce febribus praedicari consuevit, seu uehemens dicatur, seu *ἰχυρὸς*, fortis, quod saepius in scriptis Hippocraticis occurrit, seu *ὀξύς* acuta, et quae alia hoc nomine in usu sunt. Non possumus, quin iterum audiamus diuinum senem: *εἰσι γὰρ, inquietem, ὀξύταται μὲν καὶ μέγιστα, καὶ χαλεπόταται νοῦσοι καὶ θανατοδέσασται ἐν τῷ συνεχεῖ πυρετῷ.* Sunt autem acutissimi et maximi ac grauissimi morbi et maxime letales in continua febre. L. I. epid. §. 3. t. 16.

Fuerit itaque febris haec magna non ex intermittentibus aliqua, quam et ipsam tamen, potissimum quartanam, tollere non exigui momenti res est, decumbebat enim penitus, neque iis τῇ μεγάλῃ character aequae quadrat. Febris quartana, quod dici solet, non facit sonare campanam, seu elogia

gio 4. *aphorism.* 43. febris quocunque modo intermiserit, periculum abesse significat. Non magna κατ' ἐξοχήν, seu omnium febrium malignarum apex et uenenosissima pestis, priuatum enim recensetur malum, non publica strage depopulans. Sed continua, quae, uerbis GALENI, ad ἀνρυπερίαν, antequam ex toto soluatur, non desinit; continua, inquam, ardens, grauissima, ad mortem terminanda, si citra has suppetias, tanquam ἀπὸ μηχανῆς, quod itidem dici solet, fuisset, unde necessitate adacti instabant precibus.

Magna erat omnibus momentis, quibus apud medicos metiri solent magnitudinem morbi. Magna ratione essentiae, seu generis, intemperies summa, urgebatur, flammanante ardore, totum corpus, aridae fauces, turbatum caput, squalentes partes singulae et exustae. Magna quoad gradus ipsos, et maiorem recessum a statu naturali, iamiam ultra aequatorem naturae tendens ad interuersionem. Magna ob partem affectam principalem, seu cor ipsum reputes, caloris natuiui fontem, quem subruere morbus satagebat, seu uniuersam massam sanguineam, eiusque

que texturam turbatam. Magna ob *κακότη-
της* malum morem, malignitatem, dissol-
uendis uinculis uitalibus, lymphæ incocta
sanguini, nec hoc ualente amplius præter-
quam inordinate et cum summo periculo
sufficere uiribus, prostratis penitus et de-
iectis.

Si subiectum spectes, seu aegram affe-
ctam, eiusque conditionem, senior sine
dubio iam fuerit. In senibus rariores paullo
febres esse consueuere, sed periculosiores,
iuuenes uegeti magis in utroque sexu, et
corripi solent, et intermori febribus. Ac-
cedit ergo et ex hoc pondus miraculo,
euadere uetulam, uiribus minus alioqui
pollentem, febris magna, magni momenti
detentam.

Sed uidenda quoque est curatio. Non
obstat morbi (magnitudo) maximitas, ut
LVCRETIANO uerbo utar. Nihil SALVATORI
magnum est, quod non superari possit, ob-
sequii relicta gloria, nihil tam periculosum,
quod non auerti, tam letale, quod a leti
Domino non in melius uerti queat, immo
debeat. Tria fecit Diuinus Medicus, *uenit,
uidit, uicit.* Accedit gratioso affectu et
adstat,

adstat, ἐπιστὰς, *adstat* magister, remittit morbus: uidet et contingit, et erigitur prostrata: increpat febrim, et dictum factum omnis fugata est.

O adstitem praesentaneum et ὑπερασπί-
σιν *inopinatum*! O misericordem archiatrum,
qui uidens mouetur, et motus iuuat! O
potentissimum uictorem, qui uerbo pro-
fligat hostem! Non putandum uero est,
daemoniacum fuisse hunc morbum, quod
ἐπιτίμησε, *increpauit*, uerbo utatur Sacer
Scriptor, nam et mare increpasse scribitur,
nec omnes morbi a SALVATORE sanati fuere
daemoniaci, uel daemonibus in genere
adscribendi, quae ΚΟΖΑΚΚΙΙ est hypothe-
sis. Satis superque miseriarum habent
et inferunt, etiam, non miscente se diro
hoste. Omnia patent Θεανθρώπων, nihil
exemptum est ex eius imperio, dominio,
nutu, potestate; omnia subiecta eius pe-
dibus.

Consequens ergo est, quod ἀφῆκε,
dimisit eam febris, quam prius depre-
henderat, torquebat et angustabat. Mox
contiscere omnis feruor, e uestigio diffi-
patus

patus morbus et omnia inde oriunda symptomata, confestim integer sanguis, vires integrae, et sibi redditae; non restituta aegra, sed sanissima. Quis uidit unquam, uel fando audiuit aegrum, extreme decumbentem, statim suum? Reddita *ἐφ' ὅσον*, lecto relicto, surgit, ambulat, sanorum opera exercet, omni *ἀδυναμία* superata, ac si nulla infirmitas affuisset, nulla mora intercedente, nullo statu neutro ad conualescentiam necessario.

Curatio haec itaque erat *promptissima*, prono et gratioso affectu exhibita. Nemo homo, nedum medicus, tam beneuolo et amico affectu ferri potest erga alterum, ac Summus hic DEVS. Erat *momentanea*, et praesentissima, ob vires statim et in momento omnes redditas, ut dubitare posset rei gnarus, an fuerit aegra, nedum tam magna febris afflicta hactenus. Erat *maiestatica*, et inimitabilis. Quis homuncio hoc audeat, uel praestiterit? Quis ex thrasonibus istis, qui elati, ut MENECRATES olim, aliquot successibus, longis tamen, diuinum sibi arrogarunt nomen? Ad nutum, ad iussum, morbos profligare, ut inferre

ferre quoque, solius DEI est, non hominis.
Erat *plenissima*, in qua nihil desideraueris,
radicalis, et intima, simul ac semel aegra,
sana. Adeoque, uno uerbo, *miraculosa*,
procul omnibus herbis, et undecunque
conquisitis remediis, ablata
radicitus.

EXPLICIT FASCICVLVS I.

EX
TYPOGRAPHIA ACADEMICA
ALTORPHINA
IO. GEORGII MEYERI
A. R. S. CIOIOCCXXX.







